

COMMENTARII
DE REBUS
IN
SCIENTIA NATVRALI
ET
MEDICINA
GESTIS.



VOLVMINIS XXII. PARS III.

LIPSIAE MDCCLXXIX.

APVD IOH. FRIDERICVM GLEDITSCH.

Venduntur etiam

Lugduni Batauor. apud Fratres Luchtmann, Londini apud Fr. Elmsly
Venetiis apud I. B. Pascali, Romae apud St. Richard, Aug.
Taurinor. apud Giraud et Gravier.

I.

Noua acta Regiae Societatis scientiarum Vpsal-
liensis. Vol. II. Vpsaliae, ap. Io. Edmann.
Reg. Acad. Typog. anno MDCCLXXV. I Alph.
16 plagg. 4. tabb. aen. 9.



Nostrom ducimus pergere in indicandis
actis celebris huius Societatis, ea,
qua supra *) fecimus, methodo.

1. *De diuersa origine Finlandorum et Lappo*-p. 1.
num observationes SIMONIS LINDHEIM, historico
philosophicae.

2. *De nummis Gothorum extra Suiogothiam*.p. 40.
Auctore CAROLO RENALDO BERCH.

3. *De nummis Arabicis in Suiogothia repertis*,p. 79.
disquisitio CAROLI AVRIVILLII.

4. *De acido aëreo commentatio* TORBERNI P. 108.
BERGMANN. Cl. Auctoris sententia super hac re, a
PRIESTLEYO in altera commentarii sui de aëre
editione commemorata, et actis Regiae Scientia-
rum Academiae Holmienfis breuis de eadem mate-
rie Auctoris expositio inserta quidem est: nunc
tamen accuratissimum huius doctrinae examen

Bb 2

ex-

*) v. comm. nostr. Vol. XXI. p. 191.

experimentis et obseruationibus firmatum exhibet.

Ex duplici sensu, quo aëris fixi adhibetur denominationis, vel latiori, vel angustiori, posteriori hic utitur. Late sumitur pro omni fluido elastico, quod sub corporum decompositione in medium prodit, quocunque demum medio eliciatur, et cuiuscunque praeterea sit naturae. Angustiore significatione eam denotat speciem, quae alcalinis terris et salibus inest, igne vel acidis extricanda et quae sub fermentatione e multis vegetabilibus copiose erumpit. Haec depurata acidam prodit indolem, ideoque *acidum aëreum* a Cl. Auctore vocatur.

Iam triplicem methodum, qua purus aër fixus obtineatur, igne, acidis, et fermentatione vberius describit, et instrumenta tabula aenea depicta tradit.

p. 113. Aër fixus purus acidum qualitates omnes ostendit. 1. cum aqua facile vnitur. Grauitas specifica aquae, quam dicit *aëratam*, s. aëre fixo impraegnata, respectu destillatae est, vt 1,0015 ad 10000: thermometro gradum + 2 monstrante. Subtilissima haec aura vero etiam in libero aëre, qua magnam partem iterum auolat, idque citius in ratione incaloescentis massae: interim quo minuitur magis, eo retinetur residuum pertinacius, vt semihorae coctionem postulent vltimae reliquiae. Congelatio eandem promte et penitus secernit.

Deinde aquae vnitus aër fixus huic debilem, gratam, et titillantem aciditatem communicat. Est haec genuinus aquarum mineralium frigidarum spiritus, qui acidulis nomen dedit, et mediante quo, additis iusta proportionem salibus convenientibus, Selteranas, Spadanas et Pyrmontanas per-

perfecte imitari licet: et qualibus sexto iam anno Cl. Auctor fruitur insigni sanitatis emolumento.

Tincturam heliotropii coeruleam distincte rufat; color vero rufus in vase aperto cito euanescit. Aliorum vero succorum coeruleorum colorem mutare nequit aër fixus. Sic quoque aqua aërata, ab omni peregrino liberata acido, papyri heliotropio coeruleo tinctae colorem non mutat: ideo, quod partim subtilissimi acidi sufficiens moles planam superficiem attingere nequeat, partim quod suae volatilitati absque remora hic obedire possit.

Si alcali vegetabile aëre fixo impraegnatur, sal p. 118. obtinetur, quod in crystallos abit prismaticas, quadrangulas, apicibus vtrisque e duobus triangulis inuersis, tecti instar conniuentibus, formatis. Crystallos hae neque in aëre humido deliquescunt, neque in sicco fatiscunt, et Cl. Auctori *alkali vegetabile aëratum* audiunt. Alcali fixum minerale, aëre fixo plerumque ita onustum reperitur, vt absque ulteriore eiusdem accumulatione in crystallos cogi possit decaëdras vel octaëdras apicibus oppositis truncatis. Si vero calcis vstae ope causticitatem adquisiuerit, eodem modo, ac vegetabile, satiari potest. Crystallosum recentium 100 partes continent aëris fixi 16, aquae 64, et alcalini puri 20; adeo vt 100 partes alcali puri aëris fixi 80 ad saturationem requirant: contra aequale alcali vegetabilis pondus non nisi 42 adsumit. Nam in genere salium simplicium naturam esse demonstrat eam, quae, validiores fuerint, ad satietatem minore egeat quantitate.

Alcali volatile causticum aëre fixo mitigatur, p. 124. quodam modo figitur et ad crystallisationem fit primum. Terra spathi ponderosi aëri fixo vnita est: vt vero Cl. Auctor hanc vnionem intimius cognosceret, volatile menstruum vstione expulit, residuo aquam

affudit, quassauit, et deinde percolatione facta in libero aëre superficiem cremore tarde vestitam vidit; et quidquid solutum erat hac via, eodem, quo cum aqua calcis accidit, modo separabatur. Centenarius continet aëris fixi 5, aquae 30, et terrae ponderosae purae 65 partes. Aqua terrae huius $\frac{1}{350}$ sui ponderis suscipit, eaque onusta mercurium sublimatum corrosiuum deiecit flauum, dulcem nigricat, colores vegetabiles, vt aqua calcis, mutat. Haec terra aëre fixo saturata aquam vulgarem vix, sed aëratam facilius subit, quae $\frac{1}{1330}$ sui ponderis arripit. Atque haec solutio papyrum fernambuco illitam reddit coeruleam, heliotropio vero tinctam saturatiorem efficit, tincturam huius vero abundans menstruum rufat.

p. 126. Spathum calcareum igne ponderis $\frac{45}{100}$, et efferuescendi facultatem in acidis amittere, acritatem vero et solubilitatem adquirere testantur experimenta: quam mutationem sic explicat: vitione expelli $\frac{34}{100}$ aeris fixi, et reliquas $\frac{11}{100}$ aqua constare crystallisationis. Quam analysin synthesi confirmat. Calx aërata superfluo aëre fixo eo perducitur, vt facilius ab aqua suscipiatur. Totam igitur inter calcem crudam et viuam discrepantiam ex praesentia vel absentia aëris fixi et aquae crystallisationis pendere putat.

p. 131. Magnesium albam salina indole gaudere ratum, cum in calore moderato ponderis sui $\frac{1}{830}$ soluat aqua destillata. Analyti etiam terra peculiaris, aëre fixo et aqua saturata obtinetur. Centenarius eiusdem 25 partes aëris fixi, et 30 aquae crystallisationis continet.

p. 133. Argilla pura i. e. terra aluminis ab aëre fixo vix attingitur: omnino tamen ab eo non respui, si tenera satis et diuisa sit, aluminis probat praecipitatio,

pitatio, alcali aëratō facta. Silicea terra aëris fixi omnem eludit vim.

In statu elastico aër fixus nullum soluit, nec corrodit metallum, nisi forsan sub calcinatione; aquae vero vnitus aggreditur ferrum, zincum, magnesium s. magnesiā nigram. Ex reliquis P. 136. nonnulla, praecipitationis momento, subtilissime diuisa, aquam aëratam subeunt. Cobaltum depuratum et niccolum interdum solutionis signa praebent.

Liquores inflammabiles aërem fixum auide p. 137. absorbent; cum phlogisto puro autem aegre coniungitur aër fixus, fieri tamen videtur vel per scintillas electricas, in aëre fixo crebro elicitas, vel per ferrum sulphuri admixtum madefactumque in aëre fixo fermentans. In vtroque casu aër fixus phlogisto ita oneratur, vt dein aquae respuat vnionem.

Aer fixus deiicit, alcalibus puris soluta, sulphur, hepar, et hepar volatile s. spiritum fumantem sulphuratum BEQVINI. Liquor filicum in aëre libero demittit terram siliceam, quod aëre fixo per illum enatante breui perficitur. Sapo aëre fixo aegre decomponitur. Cuprum alcali volatile aëratum adgreditur aequae, ac purum.

His praemissis gradus intensiōis eruere sap. 139. agit. Atque vidit experimentis sequentem esse attractionum electiuarum seriem pro acido aëreo. Terra ponderosa pura firmissime retinet acidum hoc, deinde calx pura, post alcali fixum vegetabile, tum minerale, vtraque pura, haec sequitur magnesia pura, hanc alcali volatile purum, postea zincum, deinde magnesium, denique ferrum. Alia vero ratio est huius attractionis, si hae materiae iam aërae secum vniantur, quam vocat attractionem electiuam duplicem. Nempe alcali volatile purum . g. nec terram ponderosam, nec calcem, nec

magnesium acido quodam vulgari solutas praecipitare valet: quod alcali volatile aëratum promte praestat. Nam alcali volatile minori vi omnia appetit acida, quam calx: itaque hoc sale puro nulla peragi potest decompositio; si vero aëre fixo est imbutus, quarta aduenit materia connubium calcis ambiens, ut duplici vi simul distrahatur sal calcareus; altera nimirum alcali puro competente, acidum sollicitatur, altera vero aëri fixo propria, calx pura, et hae vires unitae pristinam binorum principiorum cohaesionem superant. Calces metallorum ignobilium, via licet sicca paratae, praesertim vetustae, aëre fixo non carent.

p. 147. Iam cum ex his acida aëris fixi natura satis demonstretur, *acidi aërei s. atmosphaerici* nomine eum insigniri mauult, cum vbique terrarum eiusdem magna adsit copia: quin imo ipsius aëris vulgaris principium quoddam proximum constituere videatur, uti PRIESTLEYVS coniecit. Obstant tamen huic opinioni tentamina, in quibus, mediante phlogisto, fluidum aëreum itidem mutatur, idque sine vllis aëris fixi liberati indiciis.

p. 152. Recenset etiam experimenta, quibus probetur, aciditatem aëri fixo esse essentialem. Grauitatem specificam acidi aërei ponit 0,0018, aëris vulgaris depurati 0,0012: ut igitur aër fixus vulgarem $\frac{6}{10000}$ circiter superet.

Noxia cauernarum quarundam aura eiusdem est naturae, atque acidi aërei. Ex grauitate vero acidi aërei colligit infima atmosphaerae strata hoc magis abundare, quam superiora. Ex his patet, cur loca altiora in genere sint salubria. Neque semper eiusdem est tenacitatis acidum aëreum, cum quasdam particulas aqua lubentius, alias se-gnitus absorbeat.

Acidum

Acidum aëreum ignem exstinguit; imo animalia enecat, quae post mortem pulmones collapsos non in aqua subsidentes, pluribus locis inflammatos offerunt. Cor, animali calente, extractum nullo modo ad motum excitari potuit.

5. *Disquisitio de attractionibus electivis, Au-p. 159.*
Store EODEM. Leges, quas attractio in suis operationibus sequitur, hic disquirat. Attractionem mundanorum corporum *longinquam*; illum vero ad unionem nisum, qui inter quaecumque corpora in telluris superficie vicina, attractionem *propinquam* nominat: atque hae aliis legibus adstrictae videntur.

Attractionum propinquarum plures distinguit species: 1. attractionem *aggregationis*, si materiae homogeneae ad unionem tendunt, quo maior massa procreatur. 2. *compositionis*, si heterogenea miscentur, et qualitas mutatur: quae, dum inter duo pluraque simpliciter uniendo exercetur, 3. attractio *solutionis* s. *fusionis* vocatur. 4. inter tres relative cum unius exclusionem *attractio simplex electiva*. 5. inter duo composita, quorum quodlibet duobus tantum constat principiis proximis, sub mixtione permutandis, *attractio duplex*. Ultimae binae in sequentibus praecipue examinabuntur.

Prius inquit, an attractio pendeat a rebus p. 162. solum circumstantibus, vel an earum sit certus et stabilitus ordo: atque experientia probari ait, plura phaenomena de constanti ordine testari, etsi quoque nonnulla sint, quae a consueto ordine videantur declinare. Sic caloris varia intensio corporum affinitates vel infringit, vel omnino invertit; in iis casibus, ubi idem gradus nonnullas materias prae aliis notabiliter volatiles efficit.

Attractio duplex electiva alias leges habet, p. 166. quae, nisi attendatur et a priori distinguatur, vi-

detur exceptionem a constanti ordine constitue-
re, pro qua tamen habenda non est. Sic cre-
ta, ne quidem vsta, tartaro vitriolato aqua so-
luto addita, nullam efficit decompositionem: sed
si cretae solutioni instillatur acidum vitrioli, de-
iicitur gypsum. Si vero creta alio acido mine-
rali prius fuerit soluta, quatuor in scenam pro-
deunt substantiae, et quod antea efficere non po-
tuit, acido sibi vnito adiuta valet. Explicat haec
vberius Cl. Auctor schemate, in quo tartarus vi-
triolatus s. alcali vegetabile vitriolatum et calx aci-
do salis soluta eidem immiscentur aquae; id quod
idem est, ac si quatuor hae materiae separatim
aquae iusta ratione immiscerentur ita, vt nunquam
bina acida in eadem horizontali linea collocarentur:
inde fit, vt maior sit summa attractionum inter ea,
quae horizontaliter, quam quae verticaliter sunt
opposita, ideoque attractio inter alcali fixum et
acidum salis, vna cum attractione inter acidum vi-
trioli et calcem maiorem efficiunt summam, quam
attractio inter alcali fixum et acidum vitrioli, vna
cum illa, quae inter acidum salis et calcem locum
habet. Haec quoque aliis exemplis comprobatur.

Si metalla, acidis soluta, aliis deturbantur me-
tallis, id duplici absoluitur affinitate, quam phlo-
giston efficit. Si alterutra materies sensim pristi-
nam mutat indolem, eiusdem attractiones etiam
mutabuntur. Hinc acido marino e basi alca-
lina expellitur acidum nitrosum, inde quoque
arsenicum album in destillatione decompōnit salia
neutra, quae acido scatent nitroso; non vero
ea, quae marinum continent. Subiungit hic quae-
dam de ferri in acido vitrioli solutione.

P. 174.

Ex solubilitate etiam anomaliae apparent.
Sic alcali fixum minerale acidis vnitum ad satieta-
tem et aqua solutum, addito alcali vegetabili puro
manet

manet in solutione limpida, nullaque congruatio, neque vlla observatur praecipitatio. Inde alii putarunt, alcali minerale non praepollere vi attractiva prae vegetabili. Neque, si alcali minerale sede extrudatur, solutio turbabitur, cum idem sit per se solubile, neque limpiditatem impediat. Itaque ex hoc phaenomeno nihil sequitur. Si vero solutio vaporet, reperietur tandem alcali minerale liberum seorsim crystallisatum, praetereaque sal neutrum pro natura acidi, quod examini fuerit subiectum. Sic etiam metalla quaedam ex acidis deiecta nimio alcali facile iterum solutione evanescent. Si materies sede extrusa novam solvit combinationem, novum adest impedimentum, quo decompositiones celantur. Pertinent huc praecipitationes ex subducta solutionis aqua, addita materie, quae combinationem pristinam non mutat, aquam tamen eidem eripit, si utrique simul non sufficit, unde in parvas crystallos, instar praecipitati, subito concrevit: quae quidem acido vitrioli probe concentrato fiunt, si iusta dosi instillatur solutionibus salium, quos aqua difficulter suscipit, et quorum principia proxima acidum vitrioli distrahere nequit.

Ex copula trium materierum quarundam haep. 176. anomaliae oriuntur, ut coalescant tres sine exclusione vllius; quod incommodum inprimis via premit sicca: nam terrae tam inuicem, quam cum salibus mixtae, et pleraque metalla colliquescent. Idem saepe valet de quatuor ingredientibus.

Sales neutri determinatam acidi abundan- p. 167. tiam recipere posse, atque ex eadem anomalias sequi exemplis probat, e. g. solvatur tartarus tartarisatus pauxillo aquae destillatae, instilletur dein acidum tartari, mox materia spongiosa alba fundum petet, quae verum praebet tartarum. Causa huius

huius mutationis ex natura materierum eruitur. Est tartarus alcali vegetabile, plus acidi, quam ad saturationem opus est, continens; quod si, alcali vegetabili addito, tollas, habebis tartarum tartarifatum, qui quidem a tartaro sola materierum proportionē differt, unde maxima, inprimis quoad solubilitatem, oritur discrepantia. Eodem modo se habet sal DE SEIGNETTE, et sal acetosellae. Eodem modo explicat Cl. Auctor experimentum quod 1760 diuulgauit Cl. BAUME', qui illius ope apparere existimat, tartarum vitriolatum omnino acido nitri posse decomponi. Sic quoque bases salinae, terrestres, et metallicae nonnunquam saturitatis limites transgrediuntur.

p. 182. Iam accedit ad determinandas attractiones electiuas simplices: et primo methodum, qua ad eas determinandas vsus est, describit, deinde novam attractionum tabulam condit; quae ultra 30000 exquisita requirit experimenta, si perfectionem quandam adtingere debet. Quae, cum vnus viri labore vix perfici possint, Cl. Auctor obseruationes, a se hactenus factas, profert, aliosque chemicos, vt eidem rei perficiendae operam dent, inuitat.

p. 186. Supremum tabulae stratum, quemadmodum dicit Cl. Auctor, continet 50 rectangula horizontaliter disposita, exhibentia 50 diuersas substantias, signis indicatas vel cognitis, vel nouis. Hae substantiae sunt 1. acidum vitrioli, 2. acidum vitrioli phlogisticatum, 3. acidum nitri, 4. acidum nitri phlogisticatum, 5. acidum salis, 6. acidum salis dephlogisticatum, 7. aqua regis. 8. acidum floris mineralis, 9. acidum arsenici, 10. acidum boracis, 11. acidum sacchari, 12. acidum tartari. 13. acidum acetosellae. 14. acidum citri. 15. acetum destillatum. 16. acidum formicarum. 17. acidum phosphori. 18.

ri. 18. acidum aëreum. 19. alcali fixum vegetabile purum. 20. alcali fixum minerale purum. 21. alcali volatile purum. 22. terra ponderosa pura. 23. calx pura. 24. magnesia pura. 25. argilla pura. 26. terra silicea pura. 27. aqua. 28. aër nudus. 29. phlogiston. 30. sulphur. 31. hepar sulphuris salinum. 32. alcohol vini. 33. aether. 34. oleum effientiale. 35. oleum vnguinofum. 36. aurum. 37. platina. 38. argentum. 39. hydrargyrus. 40. plumbum. 41. cuprum. 42. ferrum. 43. stannum. 44. wismutum. 45. niccolum. 46. arsenicum. 47. cobaltum. 48. zincum. 49. antimonium. et 50. magnesium.

Hae substantiae sunt quasi capita, quaeque suae columnae verticali, ad quas singulae inferiores ita referuntur, vt quo propiores, eo etiam affinitate vel attractione sint validiores. Lubenter tabulam hanc affinitatum subiungeremus, nisi instituti ratione impediremur. Ideoque neque ipsam harum substantiarum affinitatem indicare possumus, sed ad ipsam tractationem Lectores remittere necesse est. In explicatione, 8 plagulis contenta, obseruationes lectu dignissimae offeruntur et ardua haec doctrina multis nouis augetur inuentis. A quibus recensendis eo maiore iure abstinemus, quum Cl. Auctor sub finem dissertationis polliceatur, se hanc disquisitionem denuo seorsimque edendam curaturum, et necessariis explicationibus nouisque obseruationibus ditaturum esse.

6. *Obseruationes macularum varii generis in p. 247. disco Iouis et coniunctionum inferiorum satellitum eius, habitae in Obseruatorio Stockholmensi a PETRO WARGENTIN.*

7. De

p. 267. 7. *De motu Cometae anni 1770* ab ERICO PROSPERIN.

p. 283. 8. *Cycas Caffra* descripta a CAROLO PETRO THUNBERG. E Promontorio Bonae Spei transmissa d. 1. Maii 1774. Hottentotti, nunc in vltiorem partem Africae concessi, agriculturae nullam operam dant, frugibus ideo pane parando destituuntur: hinc bulbos varios effodiunt, quibus vescuntur. Est in hac terra magna bulbosarum plantarum copia; vt Ixiae, Gladioli, Iridis, Moraeae, Ornithogali, Cyanellae, aliarumque. Aliis Populis, *Nomaquas* dictis et Caffris Milii genus est, cuius semina in farinam contusa ad panificium adhibent. Aliis familiare est e Palmae cuiusdam arbore elicitam medullam tractare ita, vt panem quodammodo nanciscantur. Huius arboris descriptionem et iconem tradit. Dicitur *Cycas caffra*, foliis pinnatis, pinnis lanceolatis, petiolis inermibus. Crescit in decliuibus montium colliumque. Floret Augusto. Est planta diphyta. *Mari*, calyx. Amentum strobiliforme, ouatum, grande, pedunculatum ex apice radice vel trunci excrescens, erectum. *Squamae* subtriquetae, antheris tectae. *Corolla* nulla. *Filamenta* nulla. *Antherae* sessiles, confertissimae, ouatae, supra rima longitudinali dehiscentes, uniloculares, glabrae, magnitudine milii. *Pollen* album.

Feminae calyx. Amentum vt in mare, sed grandius. *Squamae* pedicellatae, apice subtetragono, lateribus compressis in hamum productis: hami pedicello duplo breuiiores. *Germina* obtusissima, poris aliquot intrusis. *Stilus* et *Stigma* desunt. *Drupa* simplex, intra singulam squamam libera, oblongo ouata, septemangularis, glabra, sensim inferne attenuata, carnosae pulpa rubra,

bra, apice obtusissima carne denudata nucleum continens. *Nux* ouata, triangularis, unilocularis. *Nucleus* albus, solidus.

Truncus arboris lignosus, sed fragilis. Medulla in eo continetur satis crassa, eaque, simulac extrusa fuerit, pelli inuoluta in humum defoditur, per mensis aut longius temporis spatium. Putrefacta deinde inter duos lapides pertunditur, et affusa aqua in massam subigitur, e qua placentae formantur, quas sub calente adhuc cinere coquunt.

9. *Ericae tres novae species descriptae et delineatae* a LAURENTIO MONTIN. 1. *Erica passerina*, antheris muticis inclusis, floribus lateralibus solitariis, corollis campanulatis, calycibus tomentosis, foliis ternis. 2. *Erica Thunbergii* antheris muticis inclusis, floribus subumbellatis, corollis subglobosis inflatis, foliis ternis. 3. *Erica cernua*, antheris cristatis inclusis, floribus ouatis capitatis, calycibus ciliatis, foliis quaternis. Omnes tres habitant ad Cap. B. Spei, missae a Cl. THUNBERG. p. 289. p. 290.

10. *Vita OLAVI CELSII*, S. Theol. Doctor. p. 295 et Profess. Primar. in Academ. Upsalensi et Dioec. Ups. Archipraepositi. Etsi iis praesertim, quae Theologum perficiunt et exornant, doctrinis inclaruit; tamen cum a primis annis, ubi sacrum perscrutaretur codicem, obuia loca longe plurima notauerat, quae intelligi ab omni parte nequirent sine herbarum atque arborum, de quibus agunt, certiore cognitione; botanicae et historiae naturali dedit operam. Primum specimen edidit de *Auibus*. Dein munificentia Regis Augustissimi CAROLI XI mense Ianuario A. 1696 iter literarium instituit per Daniam, Germaniam, atque hic Lipsiae

fiae per plures menses commoratus est, Fribergam quoque et Dresdam aliaque celebria doctoribus loca inuifit. Postea Belgium, Galliam, vbi Lute- tiis apud DODARTVM et TOVRNEFORTVM botani- cam coluit, Italiam, Austriamque adiit, atque per Vratislauiam, Berolinum, Gryphiswaldiam ac Stral- fundam redux Holmiam delatus est. Primum mo- liebatur opus de *Plantis Biblicis*, Bochartiano Hie- rozoico non impar futurum. Iuuenis igitur RVD- BECKIO dum *campos* ederet *Elyfios*, adfuerat, sub literaria peregrinatione vbique botanicos consuluit, hortos adiit et Vpsaliae fixis laribus, non virida- rium modo aluit, sed et per aestates in Vplandiam aliasque patriae regiones gestiit excurrere. Dein- de solenne habebat botanicae Philologiae dicare ex- cerpta, quibus completa quinque densiora volu- mina museo botanici horti legauit. Sanitate egregia fruitus est et per quinquaginta vltra annos docendi munus sustinuit. Ingrauescentibus annis hernia affectus est, qua leuata plures annos vixit; tandem tamen nullius affligente sensu morbi, pla- cide exspirauit die XXIV Iunii, anni MDCCLVI. annos natus prope sex et octoginta. Praeter schediasmata Actis Societ. Vpsal. inserta, et Bota- nicem sacram quoque spectantia, ex scriptis suis physicam spectant sequentia.

Auctarium plantarum Vplandicarum, in Act. Acad. Holm. 1740.

Hierobotanicon s. de Plantis Biblicis Sacrae Scri- pturae dissertationes breues. Vpsal. P. I. 1745. P. II. 1747. 8.

II.

D. CARL WILHELM POERNERS, *Churfürstl. Sächsl. Bergraths, chemische Versuche und Bemerkungen zum Nutzen der Färbekunst, Leipzig, bey Weidmanns Erben und Reich, 1772. 8. I Theil, Alph. I. pl. 10. II Theil, Alph. I. pl. 15. III Theil, 1773. Alph. I. pl. 16.*

i. e.

Observata et experimenta chemica tinctoriae arti inseruientia, Auctore D. CAROLO GUILIELMO POERNERO. Tomus I. II. et III.

Variorum corporum, quibus artifices in tingendis ex lana confectis rebus utuntur, accuratius examen non posse non maximae esse ad excolendam hanc artem utilitatis, res profecto est certissima et adeo evidens, ut mirari satis nequeamus, praeter HELLOTVM vix ullum in eo allaborasse, ut tinctoriae arti fundamenta certa, eaque experimentis superstructa poneret. Etenim cum tinctoria ars sit profecto quaedam ipsius applicatae chemiae pars, fundamentisque nitatur ex ea sola petendis: ad intelligendum haud difficile erit, huius studium illi arti favere, et ad eam augendam multum tribuere. Animaduerterunt autem hunc systematis artis tinctoriae defectum alii, qui cum essent experti, Cl. POERNERVVM multos eam ob rem instituisse labores, ut corporum tinctoriae arti inseruientium cum variis additamentis mixtorum ad lanam relationes intelligeret, rogarunt eum, ut hoc in se reciperet munus, et ex multiplici sua experientia regulas erueret, quas artifices possent sequi.

Tom. XXII. Pars III.

Cc

Neque

Neque renuit Cl. POERNERVS horum precibus, arbitratus tamen est, systematice conscriptum de hac materie tractatum artificibus, quippe qui soli experientiae adfueti sint, obesse potius, quam prodesse. Qua de re id praesertim Noster tentavit, vt experimenta ipsa cum tingentibus corporibus instituta sollicitè enarraret, et ex iis deinceps demonstraret, quaenam addenda sint his corporibus media, quibus vel extrahi melius, vel exaltari color possit, et quae fugienda?

Dispersit omnem hanc rem in quatuor et viginti tractatus, quorum primum volumen sex continet, in quibus de radice Curcumae longae, de Serratula tinctoria, de Matricaria Chamomilla, de Gallis, de cortice Betulae Alni, et de coloribus ex mixtione nonnullorum horum corporum ortis agitur. Secundum volumen in septimo, octauo, nono, decimo et vndecimo tractatu experimenta cum ligno Brasiliensi, Sandalo rubro, radice Rubiae tinctoriae, Coccionella et Indigo instituta complectitur, in duodecimo autem de coloribus ex variorum horum corporum mixtione productis exponitur. In tertio tandem volumine sequuntur in decem tractationibus experimenta cum Reseda luteola, semine Trigonellae foeni graeci, Verbasco Thapso, Genista tinctoria, Carthamo tinctorio, Moro tinctoria, Orleano, Orseille, Haematoxylo Brasiliano et Isati tinctoria instituta. Vicesimus tertius autem tractatus colores ex his corporibus inuicem mixtis productos contemplatur, et vicesimus quartus de modo agit, quo disquiri debet, vtrum tinctoriae arti inferuire quoddam corpus possit, nec ne? Quo autem luculentius pateat, qua cum cautione experimenta Cl. Auctor instituerit, et quam utilia tinctoriae arti illa sint futura, age, quaedam exhibeamus specimina.

Ac primum quidem cuiuslibet corporis in tinctoria arte solemnis chemicam praemittit analyfin, enarrat deinceps rationem, qua in panno vel texto ex gossypio facto (*Kattun*) praeparando vsus est, et ipsa tandem cum salibus, aliisque additamentis instituta ad colorem extrahendum experimenta perspicue tradit. Et in prima quidem primi tractatus p. 2 sectione docet, rotundum *Curcumae radice* genus et medicae et tinctoriae arti optime inferuire. Partes vero hanc radicem constituentes terreae et terreo mucilaginosae sunt, in quibus salis quicquam inest, quod tamen seorsim separari nequit, sed terreis et paucis oleosis magnopere adhaeret. Vocat Cl. Auctor hanc partium terreo-mucilaginosarum cum salinis et oleosis mixtionem mucilagineo-saponaceam, cui etiam tingens huius radice principium immixtum deprehenditur. Porro vndecim enarrat Cl. Auctor experimenta, quibus tingentem hanc materiem vario modo extrahere conatus est. Additamenta, quae ad hunc scopum Cl. POERNERVS adhibuit, sunt salia media, acidum vegetabile et minerale, gypsum, martis et veneris vitriolum, sal alcali fixum et volatile, olea expressa atque aetherea, spiritus vini et sapo. Apparet ex his periculis, omnia haec corpora ad extrahendam tingentem materiem apta esse, eam tamen magis magisque pro additamenti ratione mutari, sic acida colorem magnopere exaltant, alcalina vero eum in bruno-rubrum mutant.

In altera sectione experimenta, panni tingendi causa instituta, enarrat Cl. Auctor, quem, vt ad recipiendum tingens principium aptiorem redderet, antea in diuersis lixiuiis ex nitro crudo, sale communi, sale ammoniaco, cremore tartari, aceto, alumine, gypso, vitriolo martis, vitriolo veneris et sapone praeparatis, maceravit et coxit.

Sequuntur in tertia sectione pericula gossypii tingendi causa instituta, quod eodem, quo pannum modo ad recipiendam tingentem materiam aptiorem reddidit. Patet vero ex copiosis a Nostro cum hac radice factis experimentis, pro varia additamenti ratione varium semper euasisse colorem, ita ut ex ducentis sexaginta et octo diuersis procedendi modis vix duo eadem ratione pannum vel lanam tinxerint. Quam falsa autem illa sit opinio, qua ex curcumae radice colorem, qui in aëre diu duret, extrahi haud posse statuitur, experimentis edoctus Cl. POERNERVS animaduertit. Etsi enim diffitendum non est, alumen et tartari cremorem, quibus ut plurimum artifices in extrahendo tingente huius radiceis principio vsi sunt, huic scopo non inferuire, sal commune tamen, sal ammoniacum et veneris vitriolum eidem egregie opitulantur. Salis ammoniaci praesertim ope ex curcuma colorem aëri prorsus resistentem extrahi, pannisque impertiri posse Noster expertus est: ut tamen in accommodata quantitate ammoniacum sal adhibeatur oportet, quippe cum nimia eiusdem copia raram reddat lanam, tingentesque curcumae particulas debilitet, nimis exigua contra eiusdem portio neque lanae poros satis aperiat, neque tingentes radiceis partes sufficienter extrahat; ex his tamen non fluit, vna cum sale ammoniaco alia media, quae faciant ad pulchritudinem panno conciliandam, adhibenda non esse. Salis communis usum ad hunc scopum egregium quoque Cl. Auctor expertus est, recte tamen illud ammoniaco sali postponit. De aceto idem, quod de alumine diximus, valet, si vero alia corpora, e. g. ammoniacum aut commune sal simul cum aceto adhibueris, utile illud reperies. Quanquam autem negandum non est, et copiosa illa a Cl. Auctore facta experimenta

satis

fatis superque euincunt, plurimis cum curcumae radice productis coloris speciebus hoc esse commune, vt externo aëri haud resistent; eius vsum tamen prorsus dissuadendum non esse, sed iis rebus tingendis, quae libero aëri raro exponuntur, inseruire posse, Noster existimat. In fine huius p. 189. tractationis suam super *arsenici* in tinctoria arte vsum sententiam Cl. POERNERVS addit, eaque in eo versatur, vt, quamuis colores illud saepenumero exaltet, splendoremque iis conciliet, tamen, cum aduersus aërem colores haud defendat, et ob venenum noxium hominibus euadere possit, locum illi relinquat nullum.

Accedimus ad secundum tractatum, qui ex- p. 191. perimenta cum *Serratula* capta complectitur. Ac primum quidem refert Cl. Auctor chemicam huius plantae analysin docuisse, abundare in eadem partes mucilagineas et terreo-resinosas, quibus acidi cuiusdam salis quicquam immixtum est. Tingens autem huius plantae principium in terreo-resinosis partibus residet, vt tamen mucilaginea pars ab eodem prorsus libera non sit. Sequuntur hanc plantae ipsius disquisitionem copiosa panni, xylinique tingendi causa instituta pericula, ad quae eadem fere additamenta, quae ad labores cum curcumae radice factos selegerat, adhibuit. Elucescit vero ex his, hanc plantam inter vtilia tingentia corpora sibi vindicare locum, quanquam enim naturalis eiusdem color admodum gratus non est, quippe qui ex flauo in viridem vergit, aliis tamen tingentibus corporibus si addita fuerit, haud spernendum, eumque aëri resistentem panno tribuet colorem. Sal commune, gypsum et alumen ad pannum non solum praeparandum, sed quoque ad extrahendum tingens *serratulae* principium optima
Cc 3 sunt

sunt media. Aëri plurimae ex ferratula productae colorum species diu resistunt, omnibus autem reliquis palmam praeripiunt eae, quibus praeparandis veneris vitriolum, alumen, aut gypsum cum alumine mixtum seruierant.

p. 285.

In tertii tractatus prima sectione pericula partium *Chamomillam* constituentium detegendarum causa facta occurrunt, atque ex his quidem edocemur, easdem, quae ferratulae insunt, et huic plantae inesse partes, copia tamen oleosarum et mucilaginearum partium in nostra planta maior est, quam in ferratula, salinum autem principium in chamomilla vel prorsus deest, vel oleoso-mucilagineis partibus ita immixtum, ut sui praesentiam nullo modo patefaciat. In altera et tertia huius tractatus sectione experimentorum ad tingens principium ex chamomilla extrahendum, pannoque et xylyno applicandum institutorum reperitur catalogus. Concludit vero Cl. Auctor ex suis experimentis, chamomillae tingendi facultatem debiliorem esse ea, qua curcumae radix aut ferratula gaudet: est quoque coloris ex chamomilla producti aduersus aërem resistantia minor, quam ferratulae, curcumae autem colorem superat. Media ad pannum praeparandum optima sunt ammoniacum sal, aut coeruleum vitriolum cum communis fale mixtum; illi tamen colores, ad quos producendos sal commune cum veneris vitriolo Noster adhibuerat, non quidem citrini sunt, sed partim bruni, partim virides, grato tamen splendore gaudent. Cum tartari cremore, alumine et veneris vitriolo producti virides colores egregii sunt, qui et per se adhiberi, et aliis quoque tanquam fundamentum inseruire possunt. Xylyno impertiti ex chamomilla colores admodum durabiles non sunt, quippe

quippe cum a coctione in alcalino lixiuio valde mutantur; resistunt tamen eidem illi, qui xylinò cum gallis, alumine et caustico lixiuio praeparato applicati fuere.

In tractatu de *Gallis* docet nos Cl. Auctor, Tur. P. 351. cicos ad tingendum aptiores esse, quam Europaeos, eosque componi ex copiosis terreis, paucis refinosis et acidis particulis, in quibus etiam inflammabiles quaedam inuolutae sunt. Quanquam autem galli vix quicquam tingentis in se habent materiei, tamen, si martiale vitriolum ipsis additur, niger ex illis extrahi potest color, quare ad hunc praesertim praeparandum in experimentis cum gallis institutis Noster respexit. Ac coeruleum quidem et viride vitriolum in diuersis proportionibus gallis addidit, eosque in aqua coxit et panno applicare studuit, qua ratione mox nigrum, mox violaceum, mox brunum reddidit pannum, atque hinc manifestum est, gallorum cum martiali vitriolo mixtionem praecipuum esse ad producendum nigrum colorem fundamentum; attamen hi colores per se neque ad ouium, neque ad arboream lanam nigram reddendam commendandi sunt, cum prior absque alio additamento nigra quidem euadat, dispendium tamen inde nanciscatur, quod, nisi alia media simul addideris, tollere nulla ratione possis; posterior autem sine aliis mediis prorsus nigra non fiat.

Ex quinto tractatu notamus, partes *corticis Alni* constituentes copiosas terreas esse, quibus cum salina cum inflammabilibus partibus mixta substantia coniuncta est. Ex laboribus, quos panni, xylinique cum hoc cortice tingendi causa Cl. Auctor instituit, patet, eum, siue per se fuerit applicatus, siue cum aliis salinis corporibus mix-

tus, tinctoriae arti parum prodesse. Quamuis autem hic cortex tingentis principii vix quicquam in se contineat, tantum tamen abest, ut omnis in tinctoria arte usus expers sit, ut aliis potius tingentibus corporibus, quae resistendi facultate destituuntur, hanc ipsam vim tribuat, coloresque ex iis productos aduersus aërem defendat. Niger autem color, quem nonnulli ex hoc cortice et martis croco praeparari iubent, propterea commendandus non est, quod neque gratum colorem ille conciliat lanae, neque eodem modo illam tingit, sed maculosam potius reddit.

p. 427. Ex sexto tractatu diuersas, quas Cl. Auctor cum his corporibus fecit, mixtiones tantum notandas esse censemus, cum, si singulos colores ex horum corporum mixtione productos excerpere vellemus, verendum nobis esset, ne nimis fieremus prolixi. Ad primam autem mixtionem ferratulam et curcumae radicem; ad alteram eandem radicem et chamomillam; ad tertiam ferratulam, chamomillam et radicem curcumae; ad quartam eandem curcumae radicem et gallos, ad quintam betulae alni corticem et curcumae radicem; ad sextam ferratulam et chamomillam; ad septimam ferratulam et gallos; ad octauam ferratulam et corticem betulae alni; ad nonam gallos et chamomillam; ad decimam eandem chamomillam et betulae alni corticem; ad vndecimam tandem eundem corticem et gallos adhibuit. Ceterum varia, salina praesertim media, his corporibus addidit, tingentemque eorundem materiam et panno et xylyno applicare Cl. POERNERVS studuit.

Vol. II. Secundum obseruationum et experimentorum Cl. POERNERI volumen ad perfectiorem reddendam

dendam tinctoriam artem hoc magis accommodatum est, quo praestantiora illa sunt corpora, quorum ad lanam relationes in illo clare et perspicue enarrantur. Dabimus pro more et ex hoc volumine quaedam specimina. Septimi tractatus p. 3. prima sectio tentamina, quibus Cl. Auctor ad indagandas *Ligni Brasiliensis* (*Fernambuk*) partes constituentes usus est, complectitur, quibus clarum fit, substantiam quandam resinosae simillimam cum mucilagineis, salinisque partibus mixtam in hoc ligno occurrere, resinosamque, in qua et tingens huius ligni principium inest, per admixtas has partes in aqua solubilem reddi. Pannum cum hoc ligno tingendum per sal commune, sal ammoniacum, tartarum, alumen, stanni solutionem, tartarum et stanni solutionem, tartarum et alumen, stanni solutionem et alumen, gallos, salque ammoniacum et gallos praeparavit, hocque modo varios, eosque partim egregios ipsi tribuit colores, quorum tamen plurimi, cum aëri vix resistent, haud commendandi sunt. Additamenta autem illa, quorum ope pannus hoc ligno tinctus resistendi facultatem nanciscebatur, sunt sal ammoniacum, vini acetum, alumen, stanni solutio, martis et veneris vitriolum, quibuscum Brasiliense lignum coquebatur, pannoque in sola aqua macerato applicabatur. Neque inepta fuit panni cum alumine, aut tartari cremore stannique solutione instituta praeparatio, cum hac quoque ratione panni color aduersus aëris vim egregie defenderetur. Quos vero xylinum cum hoc ligno tractatum acceperat colores, ii omnes per coctionem in alcalino lixivio magnopere mutantur, qua de re suadendi omnino non sunt.

In octauo tractatu *Lignum sandali rubri* con- p. 96.
siderat Cl. Auctor, cuius analysin, praemissa breui

naturali eiusdem historia, vti semper solet, tradit. Est autem tingens huius ligni materies quoque in resinosa parte, cui mucilaginea intime admixta est, contenta, atque in tanta quidem penuria, vt, si aptis mediis ad eam extrahendam haud fueris vsus, pannum vix ac ne vix quidem tingas. Qua de re et textum ex gossypii linique filamentis conflatum (*Kannefas*), et pannum vario modo praeparare, aptioremque ad recipiendum tingens huius ligni principium reddere Cl. Auctor allaboravit. Tametsi autem hac ratione id erat consecutus, vt colorem ipsum exaltaret, visuique acceptiorem redderet, resistentia tamen aduersus aëris vim ii, quos pannus in se receperat colores, prorsus destituebantur. Textum vero ex lana linoque factum, cum antea in sola aqua esset maceratum, ab huius ligni decocto, aluminis, vitrioli coerulei, aut salis alcali ope praeparato, ita tingeбatur, vt coctioni in alcalino lixiuio vel prorsus resisteret, vel gratius omnino per eandem fieret. Huius texti praeparationi optime ammoniacum sal cum alcalino coniunctum inseruire Cl. Auctor expertus est, quippe cum coctio in alcalino lixiuio nihil quicquam valeat ad extrahendum texti hoc modo praeparati et cum rubro sandalo tincti colorem.

P. 137. Accedit Cl. Auctor in nono tractatu ad exponendas *Rubiae tinctoriae* vires. Solent vero tenuiores huius plantae radices et maiorum radicum cortices inuicem mixti et puluerisati sub nomine *Faerberröthe*, medulla contra maiorum radicum sub nomine *Grapp* in tinctoria arte haud raro vsurpari; qua de re grata omnino atque accepta nostris hominibus esse debet C. POERNERI relatio, Dahliae prope Ossitium in Circulo Misenensi coli rubiam tinctoriam, quae maiori omnino cum vtilitate, atque ipsa exotica, in tinctoria arte possit adhiberi. Ex tentaminibus ad indagandam mixtionem medullae radi-

radicum (hac enim sola, neque vnquam minori-
bus radicibus *Faerberröthe* dictis Noster vsus est)
elucescit, ingentem terrearum partium copiam in
ea occurrere, quibuscum terreo - mucilagineae,
resinosae et forte saponaceae quaedam coniunctae
sunt. Tingentem materiam et in hac radice resi-
nosa occultat pars. Ad tingendum cum hoc cor-
pore pannum quod attinet, praeparationem eius-
dem cum sale communi aut tartari cremore nulla
ratione spernendam esse, extrahendae vero ipsi
tingenti materiae stanni solutionem et alumen
egregie inferuire Cl. Auctor fatetur. Xylinum
cum hac radice vario modo tinctum, quanquam
coctioni in alcalino lixiuio omni ex parte non re-
sistebat, ad inutile productum Cl. Auctor tamen
non refert, quippe nonnullae species, praeter re-
sistentiam, omnes Turcici lini (*Türkisches Garn*)
prae se ferebant notas, qua de re chemicos hor-
tatur, vt experimenta ab ipso incepta prosequan-
tur, experianturque, quid alia media ad procrean-
dam xyliino cum hac radice tincto resistantiam va-
leant, quo facto dubium superesse nullum arbi-
tratur, quin eam tandem xylinum nanciscatur fir-
mitatem, quam in Turcico illo admiramur.

Progreditur Cl. POERNERVS in decimo tra-
ctatu ad *Coccionellam* disquirendam, quo nomine p. 245.
Chrysalis insecti a LINNAEO inter Coccus relati
insignitur. Experimentis suis nisus Noster statuit,
componi hoc corpus ex partibus oleoso-resinosis
et salino-terrestribus, idque per intimam harum
partium mixtionem in aqua solubile fieri. Inter
media, quibus pannus cum hoc corpore tingen-
dus praeparari possit, optima ammoniacum sal,
vini acetum et tartari cremorem esse, alumen ve-
ro aut tartari cremorem cum alumine mixtum huic
scopo nequaquam inferuire Cl. Auctor monet, ete-
nim pannus hac ratione praeparatus resistendi vim
adipi-

adipiscitur omnino nullam. Xylinum coccionellae ope rubrum redditum, quod antea vario, eoque admodum mixto modo praeparabatur, per coctionem in alcalino lixiuio prorsus mutatur, ita vt, nisi aliis mediis, metallicis forte solutionibus vtaris, ad hoc textum tingendum coccionellam vix adhibere possis.

P. 332. Vndecima tractatio nobile tinctoriae artis subiectum sub examen vocat. Scilicet ex Indigofera putrefacta praeparatur corpus coloris ex coeruleo nigri, cui *Indigo* nomen datur, quodque ex martiali terra cum exigua salinae substantiae portione mixta componitur. Tingentem huius corporis materiem residere putat Cl. Auctor in terra illa martiali cum phlogistica et salina forte substantia intime mixta. Ad dissoluendum hoc productum cum vrinam, acetum, aliaque menstrua, quibus tinctorum vtuntur, haud quaquam sufficientia inuenisset Cl. Auctor, alio, eoque triplici modo illud soluit, et sub tinctorum nomine ad pannum et xylinum tingendum adhibuit. Versatur vero primae tinctorum praeparandae ratio in eo, vt dimidiam Indigo vnciam cum quatuor vnciis olei vitrioli misceat et sensim sensimque quadraginta et octo vncias aquae purae affundat, quo facto egregia oritur Indigo solutio. Ad secundam tinctorum praeparandam cuidam portioni prioris tinctorum alcalini salis lixiui tantam copiam infudit, vt acidum supersaturetur, hocque modo coeruleus pulvis praecipitetur. Separatur deinceps hoc praecipitatum a supernatante humore et in vini aceto soluitur. Tertiam tinctorum ex drachma Indigo in vncia vna et dimidia olei vitrioli soluta et cum alcalino lixiuio supersaturata praeparauit, etenim puluerem hoc modo praecipitatum in vini aceto quoque soluit. Atque hae quidem illae solutiones

lutiones sunt, quibus vel per se, vel cum aliis additamentis mixtis ad pannum, xylinumque variatione praeparatum tingendum Noster usus est. Et pannum quidem quod attinet, eum vel in aqua, vel in aluminis aut alcali salis solutione coxit, maximam tamen utilitatem alumen afferre didicit, quippe quo efficitur, ut prior tinctura vel sola, vel cum gypso coniuncta pannum egregie tingat, eumque aduersus aëris vim defendat. Salis alcali usum ad pannum praeparandum non prorsus quidem spernendum, sed alumini tamen postponendum esse Cl. Auctor expertus est. Ad textum ex gossypio factum tingendum priorem tincturam adhibuit, textumque ipsum cum sola aqua, veneris vitriolo, sale alcali, ammoniaco et alcalino sale, gallisque et sale alcali praeparauit, diuersosque partim egregios ipsi tribuit colores, qui tamen per coctionem in alcalino lixiuio vehementer mutantur, atque adeo suadendi non sunt.

Accedimus ad vltimum huius voluminis tra- p. 389.
ctatum, ex quo diuersas, quas Cl. Auctor fecit, corporum tingentium mixtiones notamus. Et Brasiliense quidem lignum cum sandalo rubro, rubia tinctoria, coccionella, indigo, curcumae radice, ferratula, chamomillis, gallis et betulae alni cortice; Lignum sandali rubri cum rubia tinctoria, coccionella, indigo, curcumae radice, ferratula, chamomillis, gallis et cortice betulae alni; Rubiam tinctoriam cum coccionella, indigo, curcumae radice, ferratula, chamomillis, gallis et betulae alni cortice; Coccionellam cum indigo, curcumae radice, ferratula, chamomillis, gallis et cortice betulae alni; Indigo tandem cum curcumae radice, ferratula, chamomillis, gallis et cortice betulae alni coniunxit, et ex his tri-
ginta

ginta et quinque diuersis mixtionibus colores aliorum mediorum ope extraxit, eosque et panno et xylino applicare annifus est.

Vol.III. Superest tertium experimentorum Cl. POERN-
p. 1. NERI volumen, in quo primum locum tractatio
 de *Reseda luteola* tenet. Qualitas huius plantae
 illa, qua flauo lanam tingit colore, in resinosis par-
 tibus cum terreis mixtis abscondita est, ceterum
 salinae et mucilagineae partes in illa quoque offen-
 duntur. Media, quibus ex reseda extrahi tingens
 materies, pannoque applicari possit, optima Cl.
 Auctor alumen, veneris et martis vitriolum, stan-
 ni solutionem et sal commune inuenit, quippe
 quae et suaues et aëri resistentes colores panno tri-
 buunt, quare ab eorum vsu summam vtilitatem
 futuram esse iudicat. Neque xylum cum hac
 planta tinctum inter inutilia producta numerat,
 vtraeque enim, quas modo de panno laudauimus,
 proprietates et huic communes sunt, quam ob-
 rem nostros ciues hortatur Cl. POERNERVS de
 hac planta in nostris terris maiori in copia exco-
 lenda, praesertim cum euictum sit, nostrum so-
 lum ab ea haud sperni, tingendisque corporibus
 eam magis aptam esse, quam ferratulam.

p. 44. Tractatus decimi quarti prima sectio docet nos,
 semen *foeni graeci* ex copiosis oleoso-mucilagineis,
 terreisque partibus componi, quibuscum exigua re-
 sinosarum et salinarum partium copia coniuncta
 est. Praeparatur pannus cum hoc semine tingen-
 dus optime cum alumine, etenim vel sine addita-
 mento, vel cum tartari cremore, coeruleo aut
 viridi vitriolo, aliisque mediis coctum hoc semen
 panno huic etsi non semper visui acceptos, admo-
 dum resistentes tamen largitur colores. Suadet
 etiam Cl. POERNERVS huius seminis mixtionem
 cum

cum aliis tingentibus corporibus, quo quippe modo colorum ex illis productorum resistendi facultatem augeri verosimile est. Xylinum cum foeni graeci semine flauum redditum amittit rursus suum colorem, cum in alcalino lixiuio coquitur, neque vlla ratione, nisi forte viridi aut coeruleo vitriolo addito, hanc proprietatem ipsi conciliari posse, Noster arbitratur.

Verbasci Thapsi flores, de quibus decima quinta tractatio exponit, componuntur ex terreis adstringentibus, resinosisque partibus, in quibus tingens materies abscondita est. Pannum cum his floribus tingendum optime praeparari per alumen Cl. POERNERVS Auctor est, extrahendi vero coloris pannoque applicandi causa vtilia sal commune, acetum, stanni solutionem et coeruleum vitriolum reperit. Ad xylinum vero tingendum haud aptum verbasum est, resistendi enim facultate prorsus destituitur, et quanquam dubitandum non est, quin media quaedam hanc vim xyliino tribuant, verendum tamen tunc esse existimat Noster, ne citrinus verbasci color nimis mutetur, iisque forte coloribus fiat similis, qui minoribus sumtibus possunt obtineri.

Experimenta cum *Genista tinctoria* instituta p. III. complectitur decima sexta tractatio. Resinosas huius plantae partes tingentis materiei vehiculum, easque cum paucis terreis et salino-mucilagineis mixtas esse Cl. Auctor in prima sectione edocet. Altera colores contemplatur, quos pannus varia ratione praeparatus ex genista cum aliis additamentis mixta adeptus est: fatetur autem Noster, ab aëre eosdem magnopere mutari, ita, vt, praeter illum, quem pannus cum alumine, vinique aceto praeparatus ex genista cum communi sale cocta acceperat, nullius vsus videatur suadendus esse. De xyliino cum hac planta tincto Cl. POERNERVS

NERVS quoque affirmat, proprietate, qua coctioni in alcalino lixiuio resistere debeat, illud destitui, neque vlla ratione, nisi forte calcis viuae aquam et alumen, aut coeruleum vitriolum ad praeparationem eiusdem, sal alcali vero ad colorem extrahendum, xyliquoque enarrata methodo praeparatum applicandum adhibueris, hunc finem obtineri posse dicit.

P. 138.

Ad *Carthami tinctorii* (*Saflor*) disquisitionem in decima septima tractatione Noster accedit. Componuntur hi flores ex resinosis, oleosis, acidisque intime mixtis partibus, in quibus inest materies, quae lanae flauum tribuit colorem. Vfus est Cl. Auctor ad pannum praeparandum aluminis solutione cum tartari cremore mixta, eamque reliquis, quas etiam adhibuit, praeparandi rationibus praestare didicit. Inter media panno praeparando idonea acetum quoque refert, quippe cum stanni solutio, aut eadem et tartari cremor ex carthami floribus colorem extrahant, qui pannum ita praeparatum praeclare tingat. De xyliquo cum carthamo tincto affirmare cogimur, vix vllius vsus illud esse, cum coctioni in saponaceo lixiuio nulla ratione resistat; suspicatur tamen Noster, repetitam xylini praeparationem cum alumine, calcisque viuae aqua ad augendam hanc facultatem multum contribuere posse.

P. 165.

In duodeuicesima tractatione *Mori tinctoriae* analysin et ad lanam relationes Cl. POERNERVS enarrat. Est vero hoc lignum ex resinosis, terreis adstringentibus, mucilaginisque partibus compositum: colores, quibus producendis inferuit, flauis sunt, iique, quanquam visui admodum accepti sunt, propterea tamen, quod aëri vix resistunt, a Cl. Auctore non commendantur. Ceterum vini acetum ad pannum praeparandum, ad
extra-

extrahendum autem huius ligni colorem stanni solutionem, cremoremque tartari ea esse media, quibus diu aduersus aëris vim defendi pannus possit, experimenta a Nostro facta demonstrant. Ad xylinum in aqua maceratum tingendum vix aptum invenit hoc lignum, quippe cum nullum corpus, praeter coeruleum vitriolum, ex eodem colorem extrahat, qui xylineo tingendo sit idoneus.

Orleani disquisitionem vndeüigesima tractatio enarrat. Hoc ex seminibus *Bixae Orellanae* L. praeparatum corpus componitur ex resinosis, mucilagineisque partibus, quibuscum volatilis salino-oleosa substantia coniuncta est. Tametsi vero Cl. Autor et pannum et xylinum in aqua, vini aceto, aliisque salinis solutionibus coxit, tingentique materiae extrahendae apta corpora Orleano addidit, lanaeque praeparatae applicauit, fere nulla tamen inde orta est coloris species, quae resistendi vi gauderet; quare suadet Noster, vt, qui Orleano in tingenda ouium lana vti voluerint, resistentiae eidem conciliandae medium in sale communi quae-rant, quocum extrahi color, pannoque cum vini aceto praeparato possit applicari: namque hac ratione praestari hoc posse verosimillimum est.

Progredimur ad vigesimum tractatum, qui experimenta cum tingente corpore ex *Lichene Roc-cella* L. calce et vrina praeparato tradit. Constituentes huius corporis, *Orseille* dicti, partes resinosae et mucilagineae terrestres sunt, quae cum tingente materie mixtae colorem ipsi ex coeruleo rubrum tribuunt. Pannus in sola aqua maceratus cum hoc corpore, salis ammoniaci, tartari cremoris aut coerulei vitrioli ope et gratum et aëri diu resistentem colorem accepit. Commendat praesertim Noster tartari cremorem, qui, siue in sola aqua, siue in salis communis aut aluminis solutione

p. 197.

p. 216.

lutione pannus fuerit coctus et maceratus, vtrique huic proprietati panno conciliandae prae reliquis aptus inuentus est. Xylini autem cum hoc corpore tincti nulla fere esse potest utilitas, cum resistendi facultate illud prorsus destituatur.

p. 261. *Haematoxylon Brasilianum* L. (*Kampecheholz*) de quo in vicesima prima tractatione Cl. Auctor disputat, tingentem offert materiem, quae salino inflammabilibus et terreo mucilaginosi partibus immixta deprehenditur, quaeque pannum pro additamenti ratione mox coeruleum, mox nigrum reddit. Plures quidem, quos pannus ex hoc ligno in se receperat colores, ab aëre magnopere mutantur, ita ut, praeter alumen, coeruleum et viride vitriolum, ad praeparandum pannum Noster nullum possit laudare medium; ad extrahendum autem colorem stanni solutionem utilem inuenit, quippe quae panno cum alumine praeparato colorem tribuit talem, qualis et visui est acceptus, et aëris vi omnino resistat. Neque xylinum in aqua maceratum et cum hoc ligno et sale communi, aceto aut coeruleo vitriolo tinctum resistendi facultate destituitur; suadet tamen Cl. POERNERVS, ut xylinum hac ratione tinctum in saponaceo lixiuio coquatur, quo facto perennem illud nancisci colorem asserit. Ceterum diuersa media, quibus ad praeparandum xylinum usus est, nihil quicquam ad resistendi vim augendam contulerunt.

p. 302. In vigesimo secundo tractatu tentamina cum *Ifati* instituta enarrantur. Praeparatum hoc ex *Ifatis tinctoriae* L. foliis per concisionem, calcisque et aquae admixtionem corpus ex resinosis, pluribusque terreis partibus intime mixtis componitur, vimque possidet, lanæ coeruleum colorem tribuendi. Ad recipiendam *Ifatis* tingentem materiem pannum cum aqua et cum alumine praeparauit,

rauit, sicque non suaues minus, quam aëri resistentes colores ipsi tribuit, quorum tamen praecipui illi sunt, quos pannus cum alumine praeparatus ex Isati cum tartari cremore, aut alumine cocta in se receperat. Decoctum Isatis cum viridi vitriolo praeparatum xylinum in aqua maceratum optime tinxit, quanquam enim per coctionem in saponaceo lixiuio hoc xylinum mutationem patiebatur, maxima tamen ipsi manebat suauitatis species. Ceterum commendat Noster Isatis usum ad xylini cum aliis corporibus tingendi praeparationem, quippe quod exinde admodum aptum ad hunc usum euadere opinatur.

Vicesima tertia tractatio in decem sectionibus p. 328.
 eorum experimentorum, quae cum tingentibus corporibus inuicem mixtis lanae tingendae causa instituit, exhibet catalogum, ex quo nos, prout in sexta et duodecima tractatione fecimus, omnes notabimus mixtiones. Ac Resedam quidem luteolam cum Brasiliensi ligno, Rubia tinctorum, Coccionella, Indigo, Orleano, Orseille et Haematoxylo Brasiliano; Semen Foeni graeci cum ligno Brasiliensi, Rubia tinctorum, Indigo et Haematoxylo Brasiliano; Verbascum Thapsus cum ligno Brasiliensi, Rubia tinctoria, Indigo et Haematoxylo Brasiliano; Genistam tinctoriam cum Brasiliensi ligno, Rubia tinctorum, Coccionella, Indigo, Orseille et Haematoxylo Brasiliano; Carthami tinctorii flores cum ligno Brasiliensi, Rubia tinctoria, Coccionella, Indigo et Haematoxylo Brasiliano; Morum tinctoriam cum ligno Brasiliensi, Rubia tinctoria, Sandalo rubro, Coccionella, Indigo, Orseille et Haematoxylo Brasiliano; Orleanum cum Brasiliensi ligno, Rubia tinctoria, Coccionella, Indigo, Orseille et Haematoxylo Brasiliano; Orseille cum ligno Brasiliensi, Rubia tinctoria, Coccionella, Indigo et Haematoxylo Brasiliano; Haematoxylon Brasilianum cum
 Dd 2 ligno

ligno Brasiliensi, Sandalo rubro, Rubia tinctoria, Coccionella, Indigo et Gallis; Isatim cum Gallis, cortice Betulae alni, Serratula, ligno Brasiliensi, Rubia tinctoria, Sandalo rubro, Indigo et Haemat(xylo) Brasiliano coniunxit, media varia addidit, tingentemque horum corporum materiem cum ouium, tum arborum lanae applicauit.

p. 591.

Accedit tandem in vltima tractatione Cl. POERNERVS ad exponendam rationem, qua in disquirendis corporibus vti debemus, vt appareat, an apta illa ad tingendum sint, nec ne? Quo autem vtiliorem, et ad erudiendum artificem aptiorem futuram hanc tractationem esse nos sumus persuasi, eo maiorem dabimus operam, vt praecipuas Cl. Auctoris circa hanc rem regulas sollicitè edisseramus. Ac primum quidem illud corpus, cui tingentem inesse materiem suspicaris, in aquae simplicis sufficiente quantitate cum xylini, aut panni in aqua antea cocti et macerati particula per quoddam temporis interuallum coquendum est, ita vt, si modo tingens principium aliis partibus non nimis sit inuolutum, lana omnino tingatur; quodsi vero eadem hac ratione vel nullum, vel admodum debilem in se recepit colorem, coctio eiusdem cum tingente hoc corpore, variisque salinis mediis, e. g. sale communi, sale ammoniaco, alumine, vini aceto, viridi aut coeruleo vitriolo repeti debet, quo quippe modo tingentem cuiusdam corporis vim certissime experieris. De ipsa vero tingentis materiei praesentia si certus fueris redditus, veram eius naturam et mixtionem vt cognoscas, necesse est. Quae de re hoc corpus in aqua ad dimidiae partis consumptionem coquatur, decoctum depuretur et in varias portiones diuidatur. Admisceatur cuidam
por-

portioni falis acidum, si quid fundum petit, pulvisque praecipitatus rursus in alcalino lixiuio vel penitus, vel ex parte tantum soluitur, lixiuiumque tinctum inde euadit, de resinosa aut inflammabili tingentis principii natura cum terrestribus partibus intime mixta certi reddimur; si acidum falis ope nihil praecipitatur, sed decoctum potius exaltatur, inflammabiles partes cum salinis mixtas tingentem materiem constituere euincimur. Decocto autem cum falis acido mixto, ex quo neque secessit quicquam, neque color eius plenior euasit, si alcalinum lixiuium admisceatur, pulvisque inde praecipitetur, dubium nullum est, quin absorbentis terrae naturam ille habeat. Viridis vitrioli solutio cum decocto mixta terreae substantiae naturam patefacit. Etenim si violacei aut atri coloris materies praecipitatur, de exigua resinosae substantiae portione cum magna adstringentis terrae copia mixta persuademur; quo minus autem hoc praecipitatum corpus ad nigrum aut violaceum accedit colorem, eo magis quoque ab adstringentis terrae natura abhorret, tuncque tingens materies ex resinoso mucilaginea substantia composita esse deprehenditur. Per aluminis solutionem decocto admixtam si quicquam praecipitatur, disquirendum illud ulterius est, ut appareat, an sola tingens materies illud constituat, siue aluminis terra eidem sit admixta: et primum quidem cognoscimus, cum materies separata in alcalino lixiuio vel penitus, vel ex parte soluitur; si vero aluminis terrae portio simul fuerit praecipitata, per vitriolicum acidum certi reddimur. Ceterum alumen, prout falis acidum, resinoso terrestres partes detegit. Per admixtum alcalinum lixiuium si quid ex decocto separatur, illudque in falis aut vitrioli acido soluitur, quod

tamen raro accidit, absorbentem terram cognoscimus; sin solutionem in his acidis recusat, vt, plurimum terreo mucilaginosam habebimus substantiam. Salia media, vt ammoniacum aut commune sal, raro ex decocto quicquam deiiciunt, si vero hoc euenerit, separatumque corpus solutionem in alcalino lixiuio haud recusauerit, illudque tinxerit, de indole eiusdem terreo resinosa fumus persuasi. Ceterum ad mutationem coloris decocti ab admixtis salinis corporibus quoque animaduertendum est, cum exinde vel maior, vel minor partium tingentium solutio, earumque interdum in magis gratum colorem conuersio egregie patefcat. In vltimis huius tractatus paragra-
p. 604. phis Cl. Auctor quaedam experimenta cum *Vrtica*, *Scordio*, *Centaureo minori*, *Absinthio*, *Ligno Pruni*, *Ligno Sassafras*, *Radice Chinae*, *Radice Rhabarbari* et *Aloë* panni tingendi causa instituta addidit, quae horum quoque corporum in tinctoria arte vsum praeclarum docent.

III.

IOHANN FRIEDRICH GMELINS, *der Arzneyk. Dokt. etc. Abhandlung von den giftigen Gewächsen, welche in Teutschland und vornemlich in Schwaben wild wachsen. Ulm in der Stettinischen Buchhandlung. 1775. 8vo Seitt. 228.*

i. e.

Tractatus de herbis venenosis Germaniae, imprimisque Sueviae indigenis. Auctore Cl. IOANNE FRIDERICO GMELINO.

Cl. Auctor, cuius iam alibi a nobis mentionem esse factam recordamur, commendandus est
 vel

vel ob hos ipsos venena contemplandi conatus plurimum, cum, quantum propositi difficultas liceat, rem diu vexatam primo ad praestantiae cuiusdam fastigium sustulerit. Recensuit vero in hoc super venenatis herbis commentario, eas, quae Ipsi ex endemiis fuerunt cognitae, ita ut, praemissis quibusdam in patria receptis denominationibus, eas, quas a LINNEO in Syst. ipsius Ed. XII. stabilitas esse nouimus, subiungat, et ex HALLERI, SCHAEFFERI aliorumque quorundam virorum scriptis synonyma iconesque addat. Ea vero, quae modo diximus, propria, eaque ad naturam facta, descriptio plantae, venenosarum vel interdum salutiferarum virium testimonia et remedia apte opponenda sequuntur.

Sed ne iusto amplior nostra euadat oratio, iam quae in libro reperiantur, paucis enarrabimus. Loquitur vero Cl. Auctor in introitu, praemisso, de rei herbariae praecipuo usu in dignoscendis fugiendisque venenis consistente; et modum venenorum agendi periculosum, a partibus actiuioribus, nervos imprimis afficientibus, quibus reliqua antecellant corpora naturae, petendum esse censet. Luget vero non immerito, veneni notio-
nem vix ac ne vix quidem definiri posse, propterea quod ipsorum agendi modus sibi non semper reperiatur constans et quod saepius a diuersitate corporis varie dirigatur. Redegit vero venena respectu virium, in acrium, stupefacientium, adstringentium, (quae tamen rarius occurrunt) vel ex prioribus compositorum classes. p. 14.

Signa quoque commemorat externa, vires
venenatas plantarum hypothetice declarantia, quae in neglecta brutorum deuoratione, plantarumque ipsarum forma tristi, glutinosa maleque olenti posi- p. 24.

ta sunt, quae tamen merito pro dubiis pronunciasse videtur. Ordinem vero naturalem, quem dicunt, in contemplandis diuersis stirpium generibus secutus est, adeoque ab incompletis ortus sensim ad perfectiores processit plantarum familias. Haec vero plantas diuidendi methodus etsi in genere nobis non displiceat, tamen ex parte monendus videtur Cl. Auctor, quod eas plantas in plures diuiserit classes, quae in vnam erant redigendae, quod quidem de polyantherarum ranunculorumque valere videtur generibus.

p. 34. Fungi vero, quorum plurimos pro dubiis atque fallacibus assumfit, etsi *Agaricum muscarium* LINN. solum, vtpote notissimum et maxime detestandum ex venenosis fungis genus, speciatim considerauit; fungi, inquam, colore nigro, coeruleo, viridi discolorique instructi, odore subputrido, corpore mucaginoso tenacique insigniti, in putredinem celerrime abeuntes, coquendo duriores euadentes, et stipite cauo praediti a Cl. Auctore pro nociuis habentur. Antidota his oppositura, cognita quidem, repetere tamen licebit. Commendanda autem emetica omni acido carentia, vt ipecacuanhae radix, vitriolum album, potusque calidus frequentius propinatus. Ipsum quoque acetum, vim veneni frangens, vel oleosum quoddam non rancidum copiosius ingestum, ad illam inuoluendam, reperietur vtilissimum. Terreorum vero, adstringentium, diaphoreticorum, narcoticorum, inter quae opium eminet, aliorumque a veteribus hic adhibitorum remediorum vsus, nisi in genere, certe in hoc venenorum genere prorsus negligendum esse suadet. De *Agarico muscario* illud attentionem nostram meretur, quod Russiae Galliaeque incolis hicce fungus
varie

varie coctus esca sit gratissima et quod in Kamtschadaliae regionibus ex ipso potus inebrians optimi paretur saporis.

Ad incompletarum herbarum ordines, quorum p. 41.
sum vnico floris tegumento praeditae pertinent, retulit *Chenopodium Hybridum*, de cuius vi venenata RVSTII *) nos certiores fecit industria, *Daphnen Mezereum*, *Polygonum Hydropiper*, *Asarum Europaeum*, *Arum maculatum* et *Mercurialem perennem*.

Ex graminibus vero *Lolii temulenti* folius fecit p. 58.
cit Cl. Auctor mentionem, in quo quidem contemplando, cum saepius segeti internascatur, studiosissime curauit, vt ex ipso comesto oriunda pericula euitentur. Descripsit enim non solum externam ipsius faciem sedulo, verum quoque remedia, quorum ope vel ex agris euelli, vel ex frumento collecto elici possit, vel ita certe mutari, vt de vsu illius amplius timendum sit nihil. Emen-
dabitur vero quae ipsi est nocendi facultas, tostione, coctione in aqua simplici, vel aromatum, pinguium, aut denique brassicae salitae admixtione.

Iam vero ad Euphorbias se conuertit, atque p. 68.
cum omnes huius generis conueniant species, characteres genericos, nocendi modum, medicamenta ipsis opponenda, et quem caute adhibitae praestent medicis vsum, praemisit. Commemorata vero sunt *E. chamaesyce*, *peplus*, *exigua acuta*, *paralias*,
Dd 5

*) in Diff. de limitanda laude balsami vulnerarii
DIPPELII, et olei martis per deliquium. Gotting. 1774. 4to.

ralias, helioscopia, verrucosa, platyphyllos, esula, cyparissias, amygdaloides, atque syluatica.

p. 81. Liliacea has sequuntur, ex quibus *Colchici autumnalis* et *Veratri albi*, venenorum, ex STOERKII aliorumque scriptis sat cognitorum, fecit mentionem.

p. 95. Ex Ringentibus *Pedicularis palustris*, et *Digitalis purpurea* nisi venenatae, certe dubiae, Ipsi videntur.

p. 99. Ad Solanaceas plantas, istas summe venenatas, stupefacientesque monopetalas regulares redegit. Commemorauit itaque *Daturam*, *Stramonium*, *Daturam Tatulam* per hypothesein venenatam, *Hyosciamum nigrum*, *Atropam Belladonnam*, *Solanum Dulcamaram*, *Solanum nigrum vulgare* et *Bryoniam albam*.

p. 135. Ad Polyandras venenatas vero relatas legimus *Aëthacem spicatum*, cuius venenosae vires a LINNEO detectas esse nouimus, *Aconitum Napellum* et *Lycostonum*. *Anemonem Pulsatillam*, *nemorosam* et *ranunculoidem*, quae quidem Ipsi venenosi quid portendere videntur. *Clematidem vitalbam*, et *flammulam*. Errasse vero videtur Cl. Auctor in eo, quod *Anemonem Pulsatillam* LINN. pro *Pulsatilla nigricante* STOERKII *) habuerit, quam nimirum reliqui omnes non immerito pro *Anemone pratensi* LINN. ob formam magis conuenientem, habere solent.

p. 156. Ranunculi Cl. Auctori omnes videntur omninosi, quare singulos quoque huc retulit, quos Germaniae indigenos nouit. Nos vero, etsi KRAFFTII **) hac in re nitatur auctoritate, vtriusque assertis nondum commouemur, vt plantas, ole-ribus merito adfociandas, veneni nomine proscindamus.

*) vid. comm. nostr. Vol. XVIII. p. 530.

**) v. comm. nostr. Decad. II. Suppl. I. p. 128.

damus. Neutiquam tamen negamus esse plurimis Ranunculis necandi vires, ob summum, quo pollent, acorem, insitas. Continet quoque ordo hic *Hellebori foetidi* et *Calthae palustris* historiam.

In Umbellarum vero, vltimum locum occupantium, descriptione, id egit indefesse, vt venenosae ab salutiferis facile dignoscantur familiis, quare singulae herbae venenosae salutarium, ipsi similem, characteres illico subiunxit. Sic *Conio maculato Ligusticum Peloponnesiacum*, *Oenanthen fistulosam*, *Phellandrium aquaticum*, *Cicutam virosam*, *Scandicem odoratam*, et *Cerefolium*, *Chaerophyllum sylvestre*, *bulbosum*, *temulentum* et *hirsutum*, *Apiumque Petroselinum* formaeque ipsorum subiunxit discrepantiam, *Sium latifolium* descripsit, *Cicutae virosae* conuenientis cum *Angelica sylvestri*, *Aegopodio Podagraria*, *Sio nodifloro* aliisque modo commemoratis, docuit formam diuersam. Adidit quoque *Aethusam Cynapium*, *Chaerophyllum sylvestre*, *bulbosum* atque *temulum*, eaque pro venenis habet. Vltimi vero *Chaerophylli temulenti* solummodo ob nominis triuialis Linneani venenosam faciem, mentionem fecisse, Ipse fatetur.

IV.

EIVSDEM *allgemeine Geschichte der Gifte* I. Theil.
Leipzig in der Weigandschen Buchhandlung.
1776. 8vo Seitt. 530.

i. e.

EIVSDEM *historia generalis venenorum*. Tomus primus.

Quae modo laudauimus Cl. Auctoris de venenis indigenis merita, multo magis aucta sunt hoc, quod nunc indicaturi sumus, opere. Tractavit

vit nempe vniuersum pharmacorum lethaliū ambitum ita, vt, praemissis in primo volumine generalioribus de venenis notandis, animalia hominibus interitum minitantiā exponat, dein in altera operis parte herbas varie necantes describat, et in vltimo denique libro ex minerali regno petitas diuersas venenorum species pròdat, quibus ipsis incognitorum quorundam venenorum historias subiungat. Qua quidem in re, quanta praestiterit Cl. Auctor, vt appareat, succinctam Lectoribus nostris exhibere librorum ipsorum epitomen, proposuimus.

- p. 7. Exhibuit vero Cl. Auctor statim ab initio libri artis topicologicae definitionem, quae quidem ob notionem veneni ipsius amplam arduamque non sine summa constitui firmarique potest difficultate, et in genere vniuersae artis conspectum breuem quidem, attamen accuratum proponit. Enarrat nimirum tanquam in introitu diuersas venena cognoscendi vias, auxilia variis generibus oppositura, et methodum venena ipsa nociuis viribus deletis contra morbos interne applicanda. Dicitur vero venenum corpus organicum, (fidera enim nunquam hoc nomine proscindenda) in naturam animalem non mutabile, mortem hominibus parua dosi, modo non perspicuo, cellerrimeque concilians. Cognoscuntur vero nocentes corporum naturalium qualitates ex rationibus sequentibus; ex odore nempe teterrimo, subnauseoso, ex vi caustica externa, ex affinitate cum venenis dudum cognitis, ex abstinentia bestiarum ab illorum esu vel ex damnis in animantibus brutis oriundis. A quibus vero posterioribus cum ob naturarum discrepantiā saepius minus tuto colligi possit, suadet Cl. Auctor, vt in corporibus humanis experimenta instituantur, cum iis, de quorum virtute ambigitur, corporibus.
- p. 18.
- p. 27.

bus. Ad hanc vero rem consequendam triplicem proposuit rationem, vel enim *sanguinem* e venis eductum ad hoc adhibere, iussit criterium, quod tamen cum neque omnia venenorum genera sanguinis imo neruorum perturbent massam, alia vero extra corpus sanguinem destruant, quae ore sumpta ne tantillum quidem nocere soleant, pro dubio signo merito habuisse videtur. *Corpora* vero *malefactorum* ad hanc encheiresin aptissima, cum non semper medicis tentaminibus committantur, existimat *medicorum ipsorum corpora* ad haec conamina esse adhibenda, si cautiones, ab vnoquoque facile praeuidendae, non fuerint neglectae, ad quod quidem non rationibus solum variis, verum quoque quorundam medicorum summa auctoritate pollentium, exemplis alios instigare annititur. Suadet deinde medicis, vt si ad homines, quos vene-
no interemtos esse arbitrantur, fuerint arcessiti, sibi p. 45.
caueant, ne vel in ipsius morbi diagnosticis signis, vel certe in venenosae causae natura distinguenda errent. Requiritur ea propter, vt primo naturam mentemque et aegroti et ipsius cognatorum, eorumque inscitiam vel malitiam discere studeant, quae quidem saepius suspicionem admodum firmam praebere solent, videndum enim est sedulo, ne cum morbis putridis diuersis, quales sunt febres petechiales malignae, vel cum ipsis febribus lentis confundantur. Quibus vero exploratis, necesse est, vt, si de veneno sumto fuerit certum, omnia eligantur, quae veneni naturam indolemque ipsis declarare possint. Valent vero ad hanc rem cognoscendam, loci, in quo venenum fuerit repertum, sedula disquisitio, vasorum, in quibus asseruatum fuerit, inspectio, excrementorum ipsorum, veneni partes immutatas saepius producentium, contemplatio, et alia plura, quae commem-
morare

- p. 65. morare longum foret. Praeservationes generales, a variis temere laudatae, locum nunquam habent, sed in specie iis solum cautiones quaedam sunt commendandae, quorum opificia, venenis iisdem diu multumque tractantibus, inquinantur. Sic metallicis, vt ex multis quaedam adducamus exempla, oleosa cuiusvis generis profunt, iis vero, qui aqua forti vel simili re efficienda occupantur, spiritus salis ammoniaci volatilis naso admotus eximie conuenire solet.
- p. 72. Antidota, quae ad venenosam vim eneruandam offeruntur, sunt *emetica*; siquidem modo ingestum in ventriculi latebris adhuc retentum fuerit venenum, ad salini generis pharmaca soluenda destruendaque adhibeantur *aquosa*, *olea* recentia odoris saporisque expertia venenorum acidorum imminuunt agendi potentiam, *mucilagines* his recte meritoque substituuntur, cum humoribus non solum facilius multo misceantur, verum etiam calorem ventriculi olea destruentem optime ferant, *lac* vtilissimum erit in quouis veneni genere, nisi illud vel acidum vel spirituosum fuerit, quae nempe lac cogere consueuerunt, *acetum* alcalinis venenis putredinem inducentibus potentissime resistens, metalla resinasque optime et soluens et diluens, exhiberi nunquam potest, si venenum acidae fuerit naturae. Quae ab aliis commendata sunt antidota nisi noxia certe inutilia Cl. Auctori videntur. Pertinet vero ad illorum classes *sapo*, qui non nisi in scopo emefin ciendi commendandus Ipsi videtur, *mel*, *opium* in summis spasmis propinetur, propterea quod non tam in veneni ipsius partes agat, quam in intestinorum vasorumque parietes, et quod humorum summa resolutio, solidorumque debilitas istius vsum nunquam non comitetur. Ex *terrīs* innumeris fere, veteribus vsitatis, *terram calcaream* et *argillaceam* in venenis acidae indolis exhi-

exhiberi quidem posse concessit, nunquam tamen in earum usu acquiescere suavit, reliquas vero omnes, ventriculum onerandas, obesse plus, quam prodesse merito affirmavit. Quae praeterea a medicis commendata sunt calida irritantiaque alexipharmaca, quorsum essentiae, spiritus, tincturaeque hoc nomine insignitae pertinent, ea si quidem venenum quoque calefacientis fuerit naturae, ne medicamentis quidem infimis reliquenda erunt. Ad cognitionem scriptorum de venenis agentium p. 117. acquirendam et ad usum huius doctrinae perspicendum, ad amplos super his rebus tractatus Lectores remittere cogimur.

Commemoratis vero divisionibus venenorum p. 165. a diuersis Auctoribus adhibitis, Ipse suam subiunxit, quam dignam habemus, quae a nobis excerpatur. Diuisit nimirum omnia venena a) *in vapores*, qui sunt *obtundentes*, *suffocantes*, *ex utrisque compositi*, et *paralysin efficientes* b) *in venena palpabilia*, quae sunt 1) *animalia* vel a natura vel a morbo in bestiis procreata 2) *vegetabilia*, quae vel *naturalia* vel *non naturalia* sunt, priora nocent vel ore sumta vel corpori exteriori admota 3) *mineralia*, quae in *mechanica*, *chemicaque* dispescit. Singula harum classium genera denuo subdiuisit, ratione effectuum, quibus agant, in *acida*, *obtundentia nervos*, vel *adstringentia*, quae omnia postea magis illustrare poterimus.

Medentur homini vaporibus noxiis extincto p. 170. varietas aëris, omnium in corpore reperiundorum vinculorum solutio, situs corporis erectus, frictio motusque vniuersi corporis lenis, pediluua calida, venaesectio larga, aëris vel fumi tabaci in os, nasum vel anum injectio, emesis ope irritantis externi

terni producta, odorem acrem spargentia, scuta stomachica, aquae frigidae adpersio, cucurbitulae, emetica ex tartaro emetico parata, et, si in vi-

p. 187. tam iam redierit, cardiaca. Vapores, qui nervos obtundunt, emendantur facillime aceti ope, iisque omnibus, quae in genere contra vapores adhibenda proposuimus, omisso modo fumo nicotianae. Sunt vero duplicis generis, *obtundentes proprie sic dicti, et exhalationes rerum graueolentium in locis aëri non peruiis.* Ad priores pertinent exhalationes hyosci-ami, daturae, lolii, papaueris, croci, nicotianae, nerii, lini, cannabis, conii, chaerophylli, fungorum, hippomanes, atque rhois; ad posteriores vero liliorum, polianthis, violarum, sambuci, potuum inebriantium, asae foetidae, et aliorum

p. 190. multorum. *Vapores suffocantes* sunt a) *metallici*, b) *acidi*, c) *alcalici*. E prioribus eminent arsenicales, qui oleosis euitantur, remediis vero inter generatiora dictis, fumo tabaci neglecto, tolluntur. In vaporibus vero acidis, oleosa et ammoniacalia spirituosissima profunt, pertinet vero ad horum vaporum seriem acidum vitrioli, sulphuris, nitri atque salis. Ad alcalicos vero, quibus acetum aliaque acida ex vegetabilibus parata opponuntur, referenda sunt, phosphorus, spiritus salis ammoniaci uterque, spiritus vel sal cornu cerui, plantarum leguminosarum,

p. 212. aliorum, meloesque vesicatoriae perspiratio. *Vapores obtundentes et suffocantes simul* emendantur accessu aëris liberioris, suffimigiis ex sulphure, pulvere pyrio, fasciis, aceto vel spiritu salis ammoniaci tinctis, ori naribusque applicatis. Homines vero inde aegrotantes, sanantur venae sectione inprimis in collo instituta, fumo tabaci, irritantibus quibusvis. Oriuntur vero eiusmodi vapores a lithantracibus, ubi fodiuntur, a carbonibus in loco clauso asseruatis, a sebaceis, oleo, cera, terebinthina

igni

igni traditis, a corporibus fermentantibus, vel putrescentibus, ab hominum incarcerationum exhalationibus, in cellis cryptisque vel diu clausis vel nouiter exstructis, eiusdem quoque indolis sunt inflammabiles isti vapores in fodinis metallicis contenti. Tandem ad vltimum genus vaporum pestiferorum, ad eos scilicet, qui paralyfin primo intuitu efficere videntur, accedimus. Ortum ducunt a plumbeis mercuriique exhalationibus, et vel tabem vel phthificam mortem inducere solent, nisi oleosis, diluentibus vel electricitate ex medio tollantur. p. 245.

Transit iam Cl. Auctor ad alteram venenorum classem, ad *palpabilia* nempe, et illorum primum ordinem, *animalia*, vsque ad finem huius partis considerat. Sunt vero haec venena vel *naturalia* vel *praeternaturalia*, quorum priora inprimis in amphibiiis reperiuntur, inque folliculis prope dentes positis asseruantur, et vehementiam suam tunc demum exferunt, si per vulnus quoddam externum cum sanguine ipso immediate fuerint communicata; machinae enim humanae sanitati non obesse dicuntur, si per os assumpta, digesta, per vasa resorbentia demum sanguini miscentur. Laudantur vero in hisce p. 256. malis acida quaeuis inprimisque acetum, alcalia volatilia, oleum oliuarum, ob putredinem tamen ab hoc facile oriundam timendum, radix senegal ore sumta externeque vulneri applicata, radix ophiorrhizae, lignum ophioxylis serpentini, aqua frigida ad vulnus eluendum, cucurbitulae vel vesicatoria parti affectae applicata. Sunt vero serpentium venenato morfu infestorum duo genera, *crotali* nempe atque *colubri*. Prioris illius quinque recensentur species *Cr. miliaris*, *horridus*, *dryinas*, *durissus*, et *mutus*. Posterioris vero multo Tom. XXII. Pars III. Ee plures

- plures describuntur, quarum nomina haec: *Col. atropos*, *leberis*, *dipsas*, *mysterizans*, *lacteus*, *seuerus*, *stolatus*, *atrox*, *corallinus*, *naia*, *ammodytes*, *lebetinus*, *niueus*, *vipera*, *haie*, *berus*, *prester*, *chersea*, *aspis*. Horum animantium formas proprietatesque lectu dignissimas tradidit Cl. Auctor, quae cum ob spatii breuitatem repetere non
- p. 296. possimus, nomina solum sedulo descripsimus. Neque defuerunt omni aevo viri, qui huic illique animali vires nocentes immerito adscriberent, quorum quoque animalium nomina tanquam in catalogo subiungi curauimus. Sunt vero *vespertilio murinus*, *tetrodon lineatus* et *ocellatus*, *trachinus draco*, *apis mellifera*, *vespa communis*, et *crabro*, *scorpio*, *arana tarantula*, *raia pastinaca*, *rana bufo*, et
- p. 304. *lacerta gecko*. Sunt quoque quaedam animantium genera, quae si comesta fuerint, mortem inducunt hominibus. Inter haec referendae sunt *labri* quaedam species, *coturnices*, *caner ruricola*, *mytilus edulis*, *ostrea edulis*, *perca venenosa*, *hirudo* et *meloë vesicatorius*. Notandum tamen est duo posteriora solummodo, semper venenatam exferere vim, priora enim tunc demum veneficis viribus praedita sunt, si cibum quendam venenosum assumserint. Quae vero ab *meloë* et hirudine oriantur damna, et qua ratione fistantur, cognitum est, adeoque
- p. 313. repetere ea noluimus. Animalia, sensum electricitatis producentia, duo adhuc sunt detecta; *raia torpedo* nempe et *gymnotus electricus*. Quae vero immerito animantium venenatorum coetui annumerantur, cum neque mortem afferant, neque mala, medicinam multam poscentia. Venit
- p. 325. iam ad vltimum genus venenorum animalium, ad illud nempe, quod per morbum demum in animalibus gignitur. Afficiuntur vero singula ferre animantium genera morbo quodam capitis, quo

quo tempore si momorderint hominem, is in hydrophobiam incidit. De quibus quidem affectionibus et de remediis apte opponendis, ea de causa nihil sumus dicturi, quod pluribus cognita esse arbitremur. Fatendum vero omnino est, ea, quae ab Cl. Auctore super his rebus sint dicta, Lectorum satisfactura esse expectationi.

V.

EIVSDEM *allgemeine Geschichte der Pflanzengifte.*
Nürnberg. bey Gabriel Nikolaus Raspe. 1777.
 8. I Alph. II Bog.

i. e.

Vniuersalis venenorum vegetabilium historia.
 Auctore EODEM.

In praefatione Cl. Auctor rationes indicat, cur quasdam plantas, quae interdum ex abusu noxiae fiant, a venenis separauerit, alias autem, etsi in minori dosi medicamento instar agent, inter venena retulerit. Atque eas tantum plantas nominavit, quarum venenum certis experimentis probatum est: observationes aliorum, illustrationis causa, sedulo commemoravit. In describendis plantis magnam adhibuit operam, usumque medicinalem vel alium breuiter tantum indicauit, et tentamina in animalibus instituta, si ad confirmandam vel demonstrandam plantae venenatae vim quid conferrent, vberius quoque enarrauit.

Etsi ex characteribus quibusdam externis, atque ex observatione plantarum, quas animalia in pastu intactas relinquunt, plantae venenatae cognoscuntur; tamen experimentis institutis, et experientia casu facta, ac medicorum et botanicorum repetitis observationibus venenata plantarum indoles certissi-

me cognoscitur. Symptomata a venenis sumtis medicum quoque saepe doceant necesse est: atque symptomatibus differunt venena animalium et mineralium a vegetabilibus, iis ipsis etiam discernat medicus, ex qua venenorum vegetabilium classe id
 p. 12. fit, cuius vires infringere studet. Ipsa igitur venena vegetabilia, sunt 1. *naturalia*, quae ex natura sua vires venenatas habent; 2. *praeternaturalia*, quae vires noxias ex morbo, et mutata corruptaque naturali indole obtinent.

Naturalia venena nocent vel *intus* sumta; vel *extus* applicata, vel utroque modo. Priora sunt acria, stupefacientia et paralyfin inducentia. *Acria*, eaque gustu acerrimo rodente, odore tetro et suspecto cognoscuntur. Effecta subitanea et atrocissima in internis partibus exserunt, quae similia sunt symptomatibus febrium inflammatoriarum. Volatile, quod iis est, non tam copiose odore sentitur, quam in stupefacientibus; sed destillatione, vel exsiccatione perit. Venenata harum acrium venenatarum plantarum indoles, salinae naturae proxima est, quibusdam exceptis, quarum vis a resina pendet. Ideo, cum aqua salia diluat, haec ipsa, tepida, copiosissime ingesta et externis partibus balneis et quocunque demum modo applicata, efficacissimum antidotum est habenda. Quae quidem aquae vis augetur, additis mucilaginosi radicibus, herbis et fructibus, lacte, butyro; saepe acida vegetabilia, acetum, serum lactis acidum, potentia antidota praebent.

Quoad botanicos characteres hae plantae venenatae multum differunt: ideoque in classes eas dispescit. Sunt enim

p. 23. 1. *Cucurbitaceae*, vti *Cucumis Colocynthis*.

2. *Lilia*,

2. *Lilia*, s. *bulbosae*. Huc pertinent *Fri*-p. 25.
tillaria imperialis, *Colchicum autumnale*.

3. *Personatae*, e. g. *Pedicularis palustris*, quae p. 39.
a bobus devorata mictum cruentum excitat: *Digitalis purpurea*: *Cyclamen Europaeum*, quod medium locum inter personatas et apocyna occupat. *Plumbago Europaea*, quae extus contra scabiem lotura adhibita totam cutem derodebat.

4. *Apocyna*; vt *Conuolvulus Scammonea*, p. 49.
Cerbera ahouai, cuius lignum, in aquam proiectum, pisces adeo stupidos reddit, vt manu capi queant; fructus s. nucleus indomabile venenum habetur. *Cerbera Manghas*, cuius fructus vomitus aliaque veneni effecta excitat. *Cynanchum erectum* et *viminale*. *Apocynum androsaemifolium*, cuius exhalationes faciem tumidam reddunt, et succus lacteus manibus illitus easdem arrodit: *Apocynum cannabinum* et *Venetum*. *Asclepias gigantea*, cuius succus ad drachmam vnam cum dimidia interne sumtus lethales ventri fluxus procreat.

5. *Umbellatae*, ex his recensentur: *Hydro*-p. 61.
cotyle vulgaris, quae oues inflammatione et mictu cruento afficit: *Oenanthe fistulosa*, nauseoso sapore suspecta, et interne sumta atrociam symptomata tandemque mortem affert, quod historia confirmatur. *Oenanthe crocata*, cuius odor iam vertiginem excitat. *Scandix infesta*, quam ex nomine, a LINNEO ei dato, huc refert: *Thapsia foetida*, vomitus et lethales alui fluxus ciens.

6. *Ranunculis affines*; huc refertur *Alisma* p. 73.
plantago aquatica, acris sapore, bobus lethalis. *Clematis vitalba*, vesicatorias extus, intus lethales vires exserens. *Clematis flammula*, erecta, et *integri-folia*, omnes eadem qualitate pollentes: *Anemone palmata*, *pulsatilla*, *pratensis*, et *narcissiflora*, quae parua dosi exhibitae, medicamenti, incaute datae,

veneni vim habent. *Caltha palustris*, in qua HAL-
LERVS vrentem acredinem detexit et quam ER-
HARDVS inter venena retulit.

p. 89. 7. *Ranunculi* et plurimae quidem eius species,
praesertim *R. Flammula*, extus vesicas excitans, in-
tus in equis et ouibus morbum hepatis inflamma-
torium mortemque producens. *R. lingua*, cuius
acris vis priorem etiam superat: *R. ficaria*, in ra-
dice maxima acris vis, praecipue ante inflorescen-
tiam, latet, reliquae partes omni acri expertes
sunt vi. *R. sceleratus*, cuius omnes partes acres et
noxiae sunt. *R. Illyricus et bulbosus*, qui priorem
acri vi aequant, si non superant. *R. alpestris, po-
lyanthemos, et acris*, similes viribus: extus instar
vesicatorii vtilis sunt, et posterior equis contra ob-
structionem summam glandularum (*Rotz, la morue*)
opitulatur: mittimus alias, quas etiam nominavit
Cl. Auctor.

p. 119. 8. *Euphorbiae*, cuius omnes species acrem
et noxium humorem continent, excepta *Euphor-
bia dulci et hirta*. Ipfis apibus nectar earum nocet.

p. 144. 9. *Incompletae*, quarum flos calyce aut co-
rolla destituitur. Huc pertinet *Arum*, eiusque
species: *Arimaculati* folia radice sunt acriora, prae-
sertim recentia: *Polygonum Hydropiper*. *Saelan-
thus FORSKAELII*, eiusque duae species: *S. qua-
dragonus et glandulosus*, in Arabia nascuntur hae
plantae, ibique venenatae habentur. *Iatrophae* spe-
cies, quarum semina potissimum maxime vene-
nata sunt. *Iatrophae Manihot* radix cruda celer-
rimum est venenum: *Ricinus communis*: *Croton*
Tiglium, eiusque praesertim lignum et semina.

10. *Arbores et frutices*. Huc pertinent *Da-
phnes* species. *Cneorum tricoccum, Amyris topifera*,
ex cuius trunco niger et venenatus succus stillat.
Rhus omnesque eius species. *Excoecaria Agallo-
cha*

cha, quae lignum Aloes vulgo dictum suppeditare dicitur. *Cambogia gutta*, ex qua *Gummi gutta* acerrimum venenum stillat. *Anacardium Occidentale*, in cuius nuce succus rodens acer continetur. *Caryota urens*, palma baccam venenatam fouens. Alias minus cognitae plantas subiunxit.

Obstupefacientia venena, ea non tam sapore, p. 190. quam potius odore graui, nauseoso, et sensus obnubilante, caput grauante et stupefaciente cognoscuntur. Multa sapore dulci seducunt. Exhalatio eorum iam nocet. Corpori applicata vertiginem, sensuum defectum, animi impotentiam, torporem et somnolentiam, tandem maniam excitant et ad mortem usque hominem trucidant. Effecta in musculis, sanguine et humoribus reliquis producant, maxime noxia, eosque ita resolvunt, ut putridi plane fiant. Antidota sunt primum vomitoria, deinde acida vegetabilia, adduntur vesicatoria et neruina. Plantas hoc veneno instructas ad quinque classes reduxit Cl. Auctor.

1. *Solanaceae*, quorsum pertinet *Physalis* p. 197. *somnifera*, *Solanum lycopersicum*, *mammosum*, et *insanum*: *Atropa mandragora*, *Datura*, inprimis *Stramonium*, *Hyoscyamus*, *Azalea Pontica*, quam pecora non tangunt, sumpta obstupefacit ad mortem usque.

2. *Personatae*, uti *Antirrhinum orontium*, quod p. 245. LINNEVS venenatum esse dixit.

3. *Polyandrae*, e. g. *Actaea spicata*, quae p. 247. extus vesicas excitat; baccae aues necant, hominibusque periculosae sunt.

4. *Gramina*, ut *Lolium temulentum*, cuius se p. 249. mina valde venenata esse multis observationibus constat.

5. *Apetalae*; huc refert *Chenopodium hybridum*, quod periculosa symptomata in corpore hu-

mano produxisse testatur RÜST *): *Taxum baccatam*, cuius vis venenata nondum certe est demonstrata.

p. 269. Denique plantas recenset, quarum vis et *acris et stupefaciens* est: eae ideo quoque notas vtrarumque priorum classium quasi coniunctas habent. Sapore et odore singulari sensus afficiunt, exhalationes earum sensus obnubilant. Symptomata priora coniuncta efficiunt, praecipue tamen humorum resolutio celeris sequitur. Antidota sunt eadem, quae in obstupefacientibus venenis. Caute adhibitae medicamentosas vires exserunt. Classes, ad quas eas reduxit, sunt hae:

p. 273. 1. *Arbores et frutices*, vt *Hippomane mancinella*, cuius succus lacteus acris et venenatus est: *Cancer ruricola*, post esum fructuum huius arboris, venenatus hominibus fit. *Menispermum Cocculus*, cuius baccae pisces stupidos reddunt; hominibus nauseam, animi deliquia, fluxus ventri cruentos creat. *Coriaria myrtifolia*, capris et ouibus convulsiones excitat; hominesque epilepsia saepius lethali corripiuntur baccis eiusdem comesis, vt SAVAGES **) expertus est. *Prunus laurocerasus*, foliis et petalis periculosa: aqua enim inde destillata hominibus est lethale venenum, quod HERISSANT ***) aliique experti sunt: *Strychnos*, eiusque species, vt *nux vomica* et *colubrina*. *Nerium oleander*, cuius omnes partes amaro et acri sapore praeditae vehementes et veneno proximas vires edunt.

p. 290. 2. *Solanaceae*; huc pertinent: *Atropa Belladonna*, de qua plurima exstant testimonia ****) *Nicotia-*

*) In dissertatione sup. laudat. p. 425.

**) Hist. de l'academie de scienc. à Paris 1739. p. 473.

***) *Philos. Transact.* Vol. XLVII. p. 82.

****) DARIUS diff. de *Atropa Belladonna*. Lips. 1776. 4.

Nicotianae species: Cl. Auctor hic quadraginta commemorat scripta super huius plantae viribus.
Bryonia alba.

3. *Umbelliferae*, e. g. *Chaerophyllum* in pri- p. 319.
mis *sylvestre* et *bulbosum*. *Aethusa cynapium*, cuius discrimina a reliquis culinaribus umbellis Cl. Auctor diligenter indicavit. *Sium latifolium*, cuius radix maniam et mortem in puero excitavit: *Cicuta viro-rosa*, quae plurima subitanea mala et tandem mortem excitans sedulo a similibus est distinguenda. Plurimis historiis Cl. Auctor venenatam eiusdem indolem illustravit. *Conium maculatum*; planta et venenata et medicamentosa indole fatis celebris.

4. *Polyandrae*, qualia sunt: *Delphinium sta-* p. 380.
phys agria, cuius semina inflammatoriam acredinem fouent. *Helleborus foetidus*, qui reliquis speciebus fortius agit, alui fluxus mortemque inducit.

5. *Plantae uno tantum floris inuolucro instra-* p. 385.
dae, vt *Mercurialis perennis*, cuius vsus a SLOANIO *) hominibus valde noxius perhibetur.

6. *Fungi*, quorum sane multi venenosi sunt, p. 388.
eoque periculosiores, quo minus satis attente eorum species distingui solent. Atque, quum Cl. Auctor non omnes fungos, quos nonnulli Auctores venenatos dicunt, commemorare potuerit: hic generatim tantum indicavit noxas, quas fungi omnes etiam ii, qui vulgo comedi soleant, in humano corpore excitant, signa suspectorum enumeravit et eos sigillatim recensuit, quos certis experimentis venenatos esse confirmant. Hi sunt *Agaricus muscarius*, *piperatus*, *luteus* (*Champignon jaune*).

Iam sequuntur *venena*, quae motus voluntarios p. 403.
impediunt, eaque lente agunt, et prioribus debi-

E e 5 liora

*) Philosoph. Transact. n. 203. p. 640.

lora sunt. Huc pertinet *Lathyrus cicera*, et *Caruna* BANCROFTI. Vomitoria et mucilaginosae oleosaeque potiones antidota praebent.

p. 407. Altera in sectione ea venena recensentur, quae tum demum nocent, si in vulnere sanguini immediate immiscentur. Huc pertinet planta a BANCROFTO *Nibbees* dicta, quae forte ad *Cissum* LINN. huius radix maxime est venenata, eiusque succo inspissato tela venenata redduntur: Succus hic calore funditur et fluidus fit, neque alcalinus, neque acidus est; sanguini immixtus impedit secretionem feri sanguinei a cruore. Si deglutitur vel extus cuti illinitur, nihil nocet, sed in vul-

p. 413. nere lethalis est. Huc etiam pertinet venenum *Tirnuae*, cuius arboris CONDAMINE *) meminit, uti quoque *Lamae*, arboris Peruviana, quam indicat VILLOA **). Antidota, praeter saccharum et sal, adhuc incerta, nondum cognita sunt.

p. 419. In tertia sectione ea Cl. Auctor contemplatur venena, quae tam in vulnere, quam deglutita nocent et mortem inducunt: ea vel naturam acrium venenorum habent, ut *Veratrum album*, *Helleborus niger*, *Ranunculus Thora*, *Anemone nemorosa*, et *ranunculoides*. *Aconitum cammarum*, et *Napellus*

p. 455. et *lycoctonum*. Vel sunt obstupefacientia, ut *Papaver somniferum*, praesertim eius succus inspissatus, Opium: *Chelidonium Glaucium*: *Lactuca scariola* et *virosa*, et alia ab Indis adhibita.

p. 489. *Praeternaturalia venena*, vel naturali corruptione oriuntur, uti clauus fecalinus, vel fecale cornicu-

*) Relation abrégé d'un Voyage fait dans l'intérieur de l'Amerique meridionale etc. Paris. 1745.

**) Relacion historion del viage al America meridional. et Philos. Transact. Vol. 47. p. 75. seq.

corniculatum, vstilago, de quibus diligenter, quae passim scripta sunt, collegit Cl. Auctor: deinde olera ab infectis arrosa et iis obfessa, femina oleosa, rancida facta, corpora nutrientia putrida, vti caro putrida, oua rancida, et similia. Antidota in vomitoriis et acidis posita sunt. Vel haec venena p. 518. igne ex plantis producuntur, vti rancidum et foetens oleum tabaci, et cineres clauellati.

VI.

EIVSDEM *allgemeine Geschichte der mineralischen Gifte. Nürnberg, bey G. N. Raspe. 1777. 8. Seitt. 316.*

i. e.

EIVSDEM vniuersalis historia venenorum mineralium.

L aetamur profecto inceptos de venenis labores Cl. Auctoris, ad finem esse perductos, cum non sine summa hoc fieri potuerit opera et studio. Quae quidem eo magis in hoc aucta videntur operis volumine, quo occultius lateant in eo considerata naturae corpora. Mineralia nempe, de quibus loquitur Cl. Auctor, forma sua, natura effectibusque adeo inconstantia, non poterant, nisi summa studii assiduitate in eum redigi ordinem, in quem a Cl. Auctore relata videmus.

Praemissis vero breuissime antidotis vniuersalibus, quae in oleosis et aquosis calidis affatim sumtis consistunt, venena ipsa in *acidorum*, et *adstringentium* classes dispescuit. Priores illorum ite- p. 3.
rum in *mechanica* et *chemica* subdiuisit. Mechani- p. 6.
cis, quae ipsi vel *naturalia* vel *artefacta* videntur, descriptis, antidotisque adhibendis nominatis, ad
quae

quae opium, vel venaesectio in plethoricis saepius referenda, ad naturalia illa enarranda, accuratiusque describenda progreditur. Sufficiat quaedam nominasse, cum omnia repetere nostri instituti ratio non permittat. Pertinent vero ad haec Lapis Lazuli, crySTALLUS montana, lapidesque pretiosi singuli, a veteribus in variis morbis laudati; ob figuram tamen, quae iis competit, iure meritoque suspecti. Arte vero producta huius generis venena, hominibus consueta ratione nocentia, brutis ne tantillum quidem obesse solent, et antimonii varia praeparata, ut regulum, crocum, vitrumque istius, aliaque magis trita atque in communi vita usu recepta vitri genera, complectuntur.

p. 26. Transít dein Cl. Auctor ad venena acido mechanica chemicis conatibus progenita, quae quidem vel *salinae* indolis, vel *metallicae* proprie sic dictae esse contendit. Retulit ea propter ad priorem venenorum seriem a) acida mineralia quaevis, qualia sunt, vitrioli, nitri salisque, b) salia ex metallis variis, antimonio, mercurio, cupro, argento auroque, hoc et illo modo producta. Commemoravit vero quaevis, quae ex his praeparantur, corpora, ipsorum formam descripsit, effectus inde ortos indicavit, eosque exemplis varii generis corroboravit, cautelas, quae noxas hinc redundantes impedire possint, praescripsit, variaque remedia, contra vim pharmacorum illorum applicanda, definiuit.

p. 99. Venena acido chemica complectuntur ea potissimum, quibus arsenicale inest principium, quae quidem eo periculosiora esse existimat Cl. Auctor,

Auctor, quo celerius et fortius agant, inprimis cum parua, exitiali tamen, dosi ore sumta, vix quidquam, quod perniciem hinc oriundam declarare possit, manifestent. Existimat, neque id immerito, nisi fallimur, incognitorum venenorum elementa ut plurimum in principio arsenicali esse quaerenda, propterea quod haec omnium optime velari, aliisque misceri possint. Huc vero referantur quaeuis arsenici naturalis varietates, calces arsenicales, solutiones eiusdem diuersaeque huius generis mixturae, ad quas posteriores quoque ea relata videmus metalla, quorum constitutinae particulae illius quandam continent quantitatem. Haec vero sunt niccolum, cobaltum, antimonium rubrum, wismuthum, minerae cupri, argentique variae arsenicum fouentes, cognitae satis, stannumque ipsum. Etsi vero vniuersap. 130. haec tractatio, nobis omnino placuerit, tamen Cl. Auctoris opinioni, de usu arsenici in aqua soluti, ad carcinomatis progressum, sistendum adhibiti, periculoso, imo prorsus noxio, subscribere non potuimus, cum rationes, quibus oppugnauerit Cl. FEBURE DE ST. ILDEFONT, experientiam non labefactare prorsus videantur.

Venena obstruentia, adstringentia prius dicta, p. 167. quae multo lentius, quam priora agere solent, sunt duplicis naturae, *metallicae* nempe atque *terreae*. Priora illa calcem wismuthi, plumbumque quouis modo sumtum complectuntur, quorum vero praeparata, atque in animali machina effectus adeo cognitos esse ramur, ut repetitione illorum facile hic supersedere possimus. Posterioris vero generis venena, terrestria dico, calcem, gypsumque continent.

Finitur

p. 260. Finitur vero de venenis tractatus exemplis variis venenorum adhuc indefinitorum ex omni aevi historia petitis, quorum si quis habere voluerit notitiam, Cl. Auctoris librum ipsum ut ad-
eat, necesse est.

p. 277. Is vero, quem adiecit, index venenorum descriptorum, omnium trium voluminum respicit venena, eumque, ad vnum quodque sine magna difficultate inueniendum, multum collaturum esse sumus persuasi.

Nos in recensione horum librorum breuitati studendum esse duximus: quum multa quidem diligenti obseruatione Cl. Auctoris conscripta sint; praesertim quod attinet descriptiones corporum, singulae rei subiunctas, quae sane multam laudem merentur, magnaeque sunt vtilitatis: plurima tamen aliorum Auctorum obseruata hic collecta sunt, quae ipsa vberius in libris legi merentur.

VII.

Dissertatio chemica de Arsenico, quam Praefide M. TORB. BERGMANN, defendit *Andreas Pihl*. d. 7 Maj. 1777. Vpsaliae, 4. typis Edmannianis. plagg. 3.

Docte scripta et experimentis memoratu dignis ornata haec dissertatio nostram meretur attentionem. Arsenico salina *) et sulphurea qualitas non semper, sed quodam tantum statu adscribi potest. Neque arsenicum mineralisans aliorum metal-

*) Acidum purum ex Arsenico elicuit SCHELIUS, vid. Kongl. Vet. acad. Handl. 1775.

metallorum substantia *) sed vere semimetallum, a reliquis diuersum est.

Arfenicum regulinum est 1. naturale, cuius p. 5. loca natalia, et signa externa indicantur; 2. artificiale. Regulino adnumerat Pyritem arfenicalem, vulgo *Mißpickel* dictum, qui omni priuatus sulphure, arfenico ferroque in forma metallica vnitis constat. Habitum deinde arfenici regulini, aliis via sicca admixti materiis inquirat: nempe metallis vnitur, salibus alcalinis non, cum acido arfenici sicco prius sublimatur, quam illum adgredi potest acidum, si vero acido fuso immittitur, accenditur et fuliginem spargit albam; cum sublimato corrosiuo in destillatione butyrum fumans, paulum mercurii dulcis, et hydrargyrum currentem exhibet: sulphure et hepate soluitur.

Via humida aliis materiis admixtum sic se habet: acidum vitrioli concentratum igne iuuante regulum adgreditur, sic quoque acidum nitri; acidum salis ebulliens quidquam valet: acidum arfenici sub digestionem eum in calcem albam mutat. Solutiones reguli natiui semper cum alcali phlogificato coeruleum Berolinense porrigunt, quo ferri praesentia probatur. Alcalia via humida ferius, quam sicca operantur. Olea vnguinosa regulum ebullientia soluunt. Arfenicum et ferrum in miscela naturali vnita acido salis vel aqua regis sub digestionem separantur.

Arfenicum album nihil aliud esse dicit, quam p. 10. acidum ab omni alio cognito diuersum, tanta phlogisti quantitate foetum, quanta eiusdem coagulationi sufficit: 100 eius partes, 20 saltem phlogisti adhuc continent; acidum hoc per se fixum est; igne vero candens ex calore phlogiston suscipit, arfenicum album regenerans. Verisimillimum

Nostro

*) vid. MONNET sur. l' arsenic. comm. nostr. Vol. XX.

Nostro est singula metalla esse acida diuersa, phlogisto intime saturata. Calces metallicaë phlogisto scatent, et pleraeque simul acidum continent aëreum.

Iam arsenici albi s. calcinati habitum, aliis et via sicca, et via humida admixti materiis expendit.

p. 12. Alcalia arsenicata, quae vulgo acidis decomponi non posse perhibentur, re vera decomponuntur. Nam si, addito acido vitrioli, solvatur alcali vegetabile arsenicatum, sal obtinetur tartaro vitriolato simile: Etsi solutio non turbatur, quoniam acidum arsenici, quod tantum inest, per se sit solubile. Arsenicum album integrum, non solum arsenicale acidum, calcibus metallicis adunatur. Si acidum vitrioli arsenico albo adfusum calore ad siccum vaporat; haec operatio, pluries repetita, arsenicum figit, phlogiston auferendo, tandemque purum exhibet arsenici acidum. Similiter res se habet cum acido nitri. Gummi arsenici vulgo dictum, est arsenicum plus minus dephlogisticatum, semper albo pauperius. Acidum salis, quod phlogiston instar principii continet, concentratum arsenici albi tertiam sui ponderis partem ebulliens soluit, eiusque sub refrigeratione magna portio, acido salis saturata, separatur, estque hic sal reliquis multo volatilior. Acido salis non denudatur arsenici acidum: si vero arsenico albo, ad saturationem acido salis soluto, instilletur acidi nitrosi duplum, et hoc liquidum euaporet, restabit acidum arsenici, quod igne acido peregrino liberatur. Hinc patet arsenicales solutiones, acidis factas, ab indole consueta recedere, quod phlogisto adeo laxè adhaerenti, vt acidum arsenici denudetur, adscribendum est.

Sequun-

Sequuntur arsenici mineralisati disquisitiones. p. 17.

In acervis minerarum arsenicalium vstulatis haud raro egregiae occurrunt crystalli, partim tetraëdricae, partim octaëdricae, quarum nonnullae cavas tantum pyramides monstrant trigonas vel tetragonas, triangulis singulis ex filamentis, lateribus respectue parallelis, compositis. Pyramis caua trigona, minoribus saepe oppleta, magnitudine decrefcentibus, tetraëdram; octo vero tetraëdra rite disposita octaëdram formant. Haec, via sicca orta compages, illi omnino est similis, qua via humida sal culinare et alia constructa sunt.

In auripigmenti cum mercurio sublimato cor-p. 19. rofuo destillatione liquor supernatans, quem oleo comparant Auctores, est butyrum magis dilutum, quod ob aquam praesentem arsenicum parcius recipit.

Acidum nitrosum risigalli colorem rubrum in flauum mutat. Aqua regis arsenicum sub diutina digestionem suscipit, adeo vt sulphur solum in fundo maneat. Hinc rationem sulphuris ad arsenicum eruere licet, inuenitque eam Cl. Auctor in crystallis risigalli Puteolani vt 1 ad 19, in auripigmento Georgiano vt 1 ad 9. Ferrum non semper inest minerae argenti rubrae.

De vsu arsenici breuiter. In medicina atro-p. 22. cissimum hoc venenum instar acidi maxime corrosiui agit. Thermae Carolinae morbis ex arsenico ortis medentur. *Psilothrum* Turcicum auripigmentum continet. Vina mangonisata *liquore probatorio* *) disquisita, vtique quoque *hepate salino* cognoscuntur. Ast hoc medium foeda lucrandi cupido eludere didicit, nisi iterum chemiae ope fraus denudetur. Si cretae paullum vino est solutum, fallit

*) v. comm. nostr. Vol. XXI. p. 524.

fallit hepar salinum; calcareum enim album simul decidens nigredinem minuit: copiosus tartarus probatorium liquorem spernit, quoniam tartari acidum calcem arripit, salemque album difficillime solubilem efficit.

VIII.

Bestätigte Kräfte der Eicheln in einen Schreibens an den Herrn Doctor LEOPOLD AUENBRUGGER zu Wien von D. M. I. MARX, Hannover bey Johann Willhelm Schmidt. 1776. 8. Seitt. 68.

i. e.

Vires glandum confirmatas continens epistola
M. I. MARX ad Experientissimum Virum LEOPOLDUM AUENBRUGGER.

Laudauimus iam tum, cum Cl. SCHROEDERI libellum de hac re recensuimus *), Cl. MARX observationes, quae vtilitatem huius remedii confirmabant. Tabes, tussis spastica, malum hystericum, in quo praeter glandes pro potu ordinario decoctum foliorum aurantiorum suadet; morbus conuulsiuus, cachexia cum menstruorum impedimentis, asthma spasticum, dolores acerbi ad menstrua, diarrhoea, catalepsis, epilepsia, foda, cardialgia, hydrops, haemorrhagia vteri, atrophia cet. sunt morbi, quibus conduxit hoc remedium, a Nostro partim, partim ab aliis obseruati et cum Nostro communicati: Finit has obseruationes appendix, quae complectuntur ea obseruata, quae Cl. MARX inseruit promptuario Hannouerano et a nobis supra **) indicata sunt.

Vtili-

*) v. comm. nostr. Vol. XX. p. 636. seqq.

**) v. ib. p. 638. tert. decad. Suppl. I. hor. comm. p. 25.

Vtiliter decocto glandum adiunxit folia au. P. 29.
rantiorum, vti supra diximus, Cl. MARX, atque
monet, forte experientiam docere in posterum
utilitatem remedii neruini, inter vsum glandum.

Communicatur hic casus a Cl. BLOCH obser- p. 36.
vatus, qui hydropem cum epilepsia spectat. Solo
hoc remedio usus est Cl. BLOCH feliciter cum lacte,
chocolata, succo citri, prout gustus aegri ferebat.
Praeterea in variis chronicis morbis glandes felici-
ter et infeliciter adhibuit Cl. BLOCH, atque omni-
no observavit, eas diuresin potissimum efficere.
Sudorem vero viscidum, quem Cl. SCHROEDERVS
inprimis inter earum usum animaduertit, bis mo-
do vidit.

IX.

IAC. REINBOLDI SPIELMANN Doctoris et Professoris Medicinae Cap. Thom. Can. Acad. Caesar. Natur. Curios. et Petropolitan. Reg. Berolin. Patriot. Suec. Elect. Mogunt. et Palatin. Sodalis Regiae Scientiarum Parisiens. Correspondentis Syllabus medicamentorum. Argentorat. apud Bauer et Treuttel 1777. 8. pagg. 128. praeter praefationem et indicem.

Hic syllabus, vti ex praefatione elucet, exhibet medicis in praxi parum adhuc versatis largum remediorum, quae ad scopum, quem solida morborum cognitio indicat, facere possunt, indicem et quantitatem, qua vna vice exhiberi queant, siue doses et formas, quibus ea liceat accommodari. Ea medicamenta potissimum Cl. SPIELMANN elegit, ac congescit, quae in Parisiensem, Würtembergensem

fium et Argentoratensium pharmacopoliis prostant. Nec praetermisit superflua et dubia medicamenta eaque inertia, quoniam iunioribus medicis non selectorum, sed vsitatorum medicamentorum syllabum voluit exhibere. Redegit medicamenta ad therapeuticos titulos. Doses statuit circa heroica, quae homini robusto et adulto conueniunt. Externorum remediorum quantitatem, cum ipsa pars, cui applicantur, vt plurimum determinet, pondere aut mensura hic definire non opus esse duxit Cl. Auctor.

En quaedam exempla:

Sal sodae dr. 2. *Pulv. Elect. Potio Mixt. med. Smegma.*

Acaciarum exsiccat. dr. 1. *Pulv. Elect. dr. 2. cum aqua vnc. 6 ad vnc. 3. decoct.*

Oleum anethi dest. scrup. sem. *Elaeosaccharum. Morsul. Rotul. Trochisci. Balsam. Vnguent.*

Sulphur antimonii aurat. gr. 1. *Pulv. Bolus. Elect. Morsul. Rotul.*

X.

ERNST ANTONS NICOLAI *Pathologie oder Wissenschaft von Krankheiten Vierter Band. Halle in Magdeburgischen von Carl Herrmann Hemmerde 1775 8. Seitt. 416.*

i. e.

ERNESTI ANTONII NICOLAI pathologia. Tom. IV.

In hoc tomo quarto *) persequitur Cl. Auctor morbos systematis neruosi: e. gr. animi deliquia vt lipothymiam, lipopsychiam, apopsychiam, eclypsin, syncopen, asphyxiam, quae gradu differunt,

*) Priores tomos v. supra p. 334.

ferunt, apoplexiae varias species, paralyfes, hemiplegias, lethargum, carum, coma somnolentum ex vigili, catalepsin, tetanum, emprosthotonum et opisthotonum, spasmos clonicos et tonicos, epilepsiam, choream St. VITI ex morfu tarantulae, coecitatem et cataractae varias species, nyctalopiam et hemeralopiam.

Actiones vitales et motus vitales dum Noster p. 3. contemplatur, ad lipothymias varias, ex spasmofcilicet, ex defectu virium, ex haemorrhagiis sponte et arte abortis, ex nimia animi commotione, ex idiosyncrasia, ex aëre, ex aestuatione corporis, polytis, ex fabrica laesa cordis, a convulsionibus, venenis, externis laesionibus, concubitu et grauiditate, paracentesi cet. oriundas Cl. Auctor sese confert.

Animi deliquium et interdum mors ex paracentesi, tribuitur a Nostro non pressioni aortae, sed respirationi impeditae ex nimia laxitate musculorum abdominalium, qui, aqua omni euacuata, resistere nequeunt, ad quod ideo impediendum suadet Noster abdominis compressionem.

Periodicis animi deliquiis enarratis sequelas p. 39. eorum Noster attendit et Cl. SAVVAGES *) diuisionem et nomina animi deliquiorum addit. Nervis eorumque fabrica consideratis, sensum et motum Cl. Auctor considerat. Vis mouens fibris, p. 64. contextui celluloso, membranis, vasis, canalibus aliisque, praecipue vero fibris muscularibus et musculis propria duplex Nostro videtur, nimirum *elastica* seu *physica*, quae conuenit cum aliis elasticis corporibus, et *vis viua*, quae a vita pendet, sit quaecunque sit. p. 68.

Sententias porro de effectu neruorum, vt p. 73. GRAVENII, EBERHARDI, ROBINSONI, KRÜGERI aliorumque

Ff 3

*) vid. comm. nostr. Vol. XII. p. 37.

rumque virorum doctorum communicat Cl. Auctor et de elasticitate, tensione, materia neruea, eius motu, neruorum diuisione in sensorios et motores, sede animi in sensorio communi, irritabilitateque varia disputat.

- p. 109. Postquam Cl. Auctor in vniuersum de statu praeternaturali cerebri et neruorum, eorum officium turbante, differuit, ad apoplexiam venit eiusque varietatem perpendit. Ac primum quidem distinguit apoplexiam ab animi deliquio, sopore, lethargo, catarrho suffocatiuo et epilepsia, dein varios apoplexiae gradus expendit, vt est apoplexia sanguinea, serosa, pituitosa, polyposa, purulenta, spastica, idiopathica et symptomatrica cet. et exemplis confirmat.
- p. 170. Paralyfes aut oriuntur ab apoplexia et eius sunt sequelae, aut sine ea. Produnt semper vitium vel nerui, vel vasorum vel fibrarum muscularium seu musculorum.
- p. 219. Tetanum, quem Noster a catalepsi distinguit,
- p. 245. diuidit in vniuersalem et particularem. Ad particularem pertinent trismus, spasmus cynicus, tortura oris, seu spasmus maxillae inferioris, strabismus, priapismus, tetanus diaphragmatis et glossocele.
- p. 251. Spasmi clonici sunt motus conuulsiui seu conuulsiones. Ad epilepsiam requiruntur motus conuulsiui vnius vel plurium partium et abolitio sensuum. Fortiores et debiliores conuulsiui motus gradum epilepsiae definiunt. Laudat inprimis hic Cl. TISSOTVM *).
- p. 261. Transit Noster ad choream ST. VITI **) et tarantismum. Tarantismo laborantes appellantur taran-

*) v. Tr. de l'Epilepsie v. comm. nostr. Vol. XX. p. 698.

**) v. comm. nostr. l. c.

tarantati, tarantolati, tarantuliti. Hi aegroti a tarantula icti in dubium vocantur et eorum morbus vel ad simulatos vel ad hystericos aut hypochondriacos aliosque morbos refertur *). Feminis potius solennis est, quam viris.

Differit hic Noster de imbecillitate motuum p. 292. et sensuum et de vitiis sensuum in genere. Ac primum quidem coecitatem persequitur Cl. Auctor. Atque hic sedes cataractae variaeque eius species considerantur, ut sunt vera et spuria, solida et fluida, crystallina, membranacea, cystica, purulenta, lactea, caseosa, fibrosa, filamentosa, fluctuans, tremula s. mobilis, mixta et composita, amaurosis s. gutta serena cet. et causae cataractarum disquiruntur. Inter causas amauroseos numerat Noster et p. 376. stagnationem viscerum tenacis in nervo optico, qua occasione salivationis mentionem facit, quippe quae remedium amauroseos praedicatur. Id vero non ubique mederi amaurosi, quid quod per salivationem amaurosin oriri posse, Noster asserit.

Finit Cl. Auctor hunc tomum quartum ny-p. 387. Stalopia et hemeralopia et, uti solet, exempla a variis Auctoribus collecta notat.

XI.

Aduersaria Medica. Auctore I. D. METZGER. M. D. Cels. Com. Benth. Steinf. Conf. Aul. et Archiatr. Com. Steinf. Phys. Ord. Continent chirurgica, physiologica, practica. Traiecti ad Mosam. Typis I. E. Dufour et Francof. ad Moenum in officina Eslingeria-na. MDCCLXXV. 8. plagg. 181.

Ff 4

Exhi-

*) v. ib. Vol. IV. p. 452. it. Vol. VIII. p. 4. sqq. Vol. XI. p. 486. it. Vol. XX. p. 487.

Exhibet Cl. METZGER in hoc, cuius summam iam proponamus, libro quinque diuersi argumenti tractatus. In priori nempe de laesionibus capitis quaedam meletemata proponit; in altero virtutem neruorum eorumque imperium diiudicat; in tertio de antagonismo naturae solemni disserit; in quarto historiam variolarum artificialium narrat; et in quinto denique morbum sectionemque hominis ob osseum oesophagum fame consumti exponit.

p. 3. Primo capiti causas praemisit, quae ipsum impulerunt, vt de hac chirurgiae parte ea collegerit, quae adhuc a viris in arte claris sparsim copiosiusque fuerunt dicta. Praecipua vero causa fuit, chirurgorum quorundam in hisce morbis sanandis inscientia, ab doctrinae ipsius ambitu per plurium librorum volumina nimium diffuso, magis magisque aucta.

p. 12. Praemittit vero anatomen atque physiologiam cerebri, vulneribus visceris ipsis. Respondetur in hoc capite ad tres inprimis quaestiones; nempe an aequae sensiles sint omnes partes encephali, quae plurimum sentiat, et denique vtrum medullae sentiendi facultas sit praeferenda corticis sensibilitati. Quibus quidem ita satisfacere studet, vt dicat, partes cerebri superiores sensu hebetiori gaudere, quam inferiores, quod chirurgia commonstrare videtur. Ex inferioribus vero cerebri partibus medulla oblongata sensu acutissimo praedita esse videtur Cl. Auctori, propterea quod vulnera aliarum partium omnium non sint absolute lethalia, huius vero partis vulnera mortem illico sequantur. Tertiam quaestionem ita dissoluit, vt affirmet, corticem a medulla in sentiendo neutiquam superari, imo aequiparandam esse illius vim huius sensui.

Descriptis integumentis cerebri variis, notio- p. 19.
nem laesionum capitis variarum exhibet, quarum
quidem tres constituit species. Prima illarum te-
gumenta externa, ossibus encephaloque saluis, de-
struit, altera morbos ossium cerebrique ipsius vulne-
ra absque omni tamen visceris illius commotione
comprehendit, tertia denique encephalum ipsum
commotum, caluaria siue laesa siue illaesa fuerit, spe-
ctat. De prioribus illis vix quicquam se dicturum esse
affirmat, propterea quod neque vitae, neque sani-
tati hominis multum periculi afferre soleant, hor-
taturque medentes, vt ad vltimum genus eo studio-
sius attendant, quo maiora vulgo in aegroto exci-
tet damna.

Differit deinde de Auctoribus, qui de commo- p. 23.
tionibus cerebri egerunt, atque de illorum variis
placitis, quae de causa huius concussionis statu-
runt. Ipse vero putat, causam huius mali in me-
dulla oblongata compressa esse quaerendam. Di-
uersitas vero symptomatum compressionem sequen-
tium vnice, vt Ipsi videtur, pendet a differente
grauitate, directioneque corporis laedentis.

Causam sanguinis per ictum extrauasi in ce- p. 32.
rebro repetit a debilitatis vel ruptis encephali
vasis, arteriosis aequae, atque venosis. Vulnere
vero sclopetaria inprimis hocce stipantur sympto-
mate; quorum quoque vulnerum exemplo Cl. LE
CAT, asseuerans a sanguine vel sero in cerebrum
effuso apoplexiam oriri nunquam, sed ex spasma-
dicis durae menyngis contractionibus, refutatur.

Symptomata a concussionem cerebri orta, quae p. 38.
memorauit Cl. Auctor ex CELSI, VAN SWIETEN
aliorumque operibus, iam cognita, hic omit-
timus. Refutauit opinionem eorum, qui ad ex- p. 44.
plicandam conuulsionum causam, commotio-
nem cerebri in parte affectae opposita sequentium,

- ad acrimoniam vel decussationem neruorum confugiunt, putauitque sympathiam neruorum solam, ad rite explicandum illud phaenomenum, sufficere.
- p. 47. Diuisit deinde symptomata ab commotione cerebri progenita, in *primaria et secundaria*: quorum priora ab ipsa commotione, concussionis ipsius momento, cieri solent, posteriora vero ab effusione humorum suam ducunt originem. Haec eo magis sunt attendenda, quo saepius ortus tempore varient, mox enim citius, mox tardius, mox cum primariis simul aegrum inuadunt, ita vt a prioribus saepe non absque difficultate discerni queant.
- p. 53. Differitur porro de causis vomitus, mictionis alui-naeque excretionis inuoluntariae, quae quidem signa non tam a sphincterum paralyfi, quam ab ipsorum spasmo deriuantur. Putat enim harum regionum sphincteres, animo neutiquam obtemperare, adeoque ipsorum actionem, animi cum corpore commercio turbato, cessare non posse, quod quoque ex paralyseos morti accedentis exemplo corroborare studet, atque ex retentione scybalorum lotique orta, si paralyfi destruuntur nerui intestinorum atque vesicae ob compressam medullam spinalem, a qua fuerint profecti. Symptomatum ex concussione ortarum vehementiam, ab ictus varietate deriuandam esse merito censet. Inter symptomata vero huius mali atrocissima refert apoplexiae quoddam genus, a sola cerebri turbatione, nec a causis apoplexiae consuetis obortam.
- p. 65. Discrimen vero sequelarum ab effuso in cerebro humore ortarum, pendet 1) ab humoris ipsius *genere*, serofus nimirum a vasis bibulis facillime resorbendus, minora procreabit damna; 2) ab eius *copia*, corrumpet enim facillime, si nimius fuerit extrauasatus, cerebri ipsius massam; 3) a *loco*, in quem effusio fuerit facta, minoris namque momenti

menti erit effusum in tegumentis vel superioribus partibus cerebri, propterea quod, remediis frustra tentatis, trepanatione certe auferri poterit; 4) *a celeritate*, qua effluxit, pressioni enim paulatim euenienti sensim assuefiet cerebrum. Sequelae vero effusi, sunt pro diuersa fluidi natura vel inflammatio cerebri vel hydrocephalus, eaeque medellam vix accipiunt. Metastasis humorum si euenierit, non solum ad hepar, vt Cl. BERTRANDO visum est, contingit, sed si MORGAGNO fides est habenda, ad singula aliarum cauitatum viscera.

Therapia generalis consistit in corporis quie-p. 70. te, in remediis resorptionem promouentibus, atque in neruinis roborantibus, inter quae cortex Peruvianus eminet. Probat deinde SWIETENII, p. 72. HALLERI aliorumque auctoritate sanguinem, ferumque extrauasatum resorberi ut plurimum, et experimenti cuiusdam ope, a semet ipso in cane venatico, cui cranio diffracto sanguinem instillauerat, instituto confirmat. Hanc vero resorptionem con-p. 79. ciliant *venaesectio largior* in vena saphena et in iugulari, quo et deducatur et minuatur in capite sanguinis massa, *cucurbitulae*, et *vesicantia* nuchae inprimis applicata. Praeter diaetam parcissimam p. 85. sunt, his factis, *purgantia eccoprotica*, quorsum etiam *clysmata* pertinent, exhibenda, *diluentia* porro *acidulata*, *resoluentia* interne externeue applicata, inter quae camphora, salia media inprimisque nitrum eminent, et cataplasmata, emplastra, vel fomenta neruina. Commendat hic inprimis RYX-SCHII fomentum, cuius formula haec: R. Hb. *Betonicae* et *Maioranae* aa Man. j. *Salviae* et *Rutae* aa Man. jss. *Flor. stoechadis* et *Lauendulae* aa Man. j. *Rosarum rubrarum*, Man. ss. Coqu. l. a. ex. f. q. vini albi ad libras jii. Quo quidem fomento solo feminam, quae e curru in terram congelatam ceciderat,

- p. 88. rat, sanauit. Trepani vsum, si sine apparente laesione cranii commotum est cerebrum, ob rationes dudum cognitae, magnopere commendare non est ausus. Carpuntur Cll. POTT et RICHTERVS in dura menynge a cerebro auulsa, vulnerata et suppurante grauium illorum effectuum fontem quærentes, trepanumque nimis commendantes.
- p. 109. In altera sectione, ponderatis prius aduersariorum argumentis, fluidi neruei praesentiam refellit; dein de facultate sentiendi mouendique differens, Hallerianae fere accedit sententiae, sensum tribuens neruis, motum vero muscutorum vitali vel irritabili naturae, ad cuius tamen vigorem conseruandum neruorum Ipsi succurrere videtur integritas.
- p. 129. In tertio vero aduersario de antagonismo naturae solemni faciens verba; triplicem prius facultatis motricis in corpore humano indagat fontem, qui nempe est *elasticitatis, vitalitalis*, et sit venia verbo, *neruositatis*. Definito dein antagonismo, per nissum, quo in contrarium motum cientur organa vnus partis diuersa, ita vt in actione constituta altera, necessario alterius contractio cesset: ponit eundem vt causam mouentem in omnibus fere corporis visceribus, vitalibus aequae ac naturalibus. Est nempe ad mentem Cl. Auctoris antagonismus causa cordis vasorum sanguiferorum dilatatorum vel contractorum; sunt pylori cardiaeque fibrae circulares reliquarum ventriculi fibrarum, coli valvulae intestinorum tenuium, sphincter ani atque vesicae intestinorum crassorum, atque detrusoris vrinae antagonistae. Vesiculis seminalibus sphincterulos musculosasque in genere concedit fibras, sibi et contrariantes, et semen in venereo actu propel-

propellentes; in cystide fellea vel musculosas fibras vel certe membranaceas contractiles fingendas esse statuit, quibus antagonistaë sint gyrosae circumuolutiones ceruicis. In vtero vires antagonisticas latere cum Cll. LEVRETO, HVQVENINO, et GEHLERO statuit. De musculorum vero voluntariorum antagonismo ad mentem HALLERI agitur.

Enarravit dein in quarta parte, historias mor- p. 159.
borum variolosorum artificialium, a se excitatorum. Instituit vero methodum ipsam in brachio ad mentem Cl. POUTEAU, praemissa leni alui ductione, et mercuriali quidem, si vermium id exigebat praesentia. Vnus ex aegrotis secundo febris eruptoriae die conuulsionibus contorsus vitam finiuit, in alio variolas ipsas abscessus varii generis secuti sunt, reliqui omnes optime conualuerunt.

Vltimo loco de osseo oesophago tradit hi- p. 175.
storiam. Euenit vero hoc malum homini spiritus frumenti potu abutenti, qui emeticis purgantibusque a medicastis diu vexatus; tandem febre continua emaciatus efflauit animam. In cadaueris ipsius sectione vidit praeter oesophagum, reliqua abdominis viscera sanitate gaudere optima, ille enim valde contractus, callosus osseusque cernebatur. Glandulae conglobatae, quae ipsi adiacere solent, durae erant et atrae. Emollientia in hoc malo vix vsus vllius fuissent, quippe quod nimis iam fuerit inueteratum. Pharyngotomia et instrumentum ex balae-
na fabrefactum ad lumen oesophagi restituendum in summo tractanda fuissent malo.

EDUARDI SANDIFORT observationes anatomico-
pathologicae Lugd. Batravorum apud P. v.
D. Eyk. et D. Vygh MDCCLXXVII. 4. pagg.
151. praeter dedicationem atque praefatio-
nem. c. tab. aen. 8.

Imitatur Cl. SANDIFORT exemplum ALBINI,
quod dedit in eius annotationibus academicis,
his suis observationibus anatomico pathologicis
edendis et versatur in iis ipsis elaborandis ita, ut
quae viderit, in sectionibus cadauerum, crebro a
Cl. Auctore institutis, non solum enarret, verum
etiam breuiter indicet, quid simili de re adnota-
rint alii. Ac primum quidem decem hic offert
observationes lectu profecto dignas, additis iconi-
bus vere nitidissimis cum diligentissima earum ex-
plicatione.

In capite primo persequitur Cl. Auctor *raris-
simum cordis vitium*. Quo comparato cum alio-
rum virorum observationibus, quas intermiscuit,
enarratur hic casus. Primo aetatis anno vix ela-
pso, ubi infans sanus quoque fuit, terribilium sym-
ptomatum sequentium initia sese manifestarunt.
Digitorum quippe unguiumque lior non conti-
nuus, sed nunc plus, nunc minus apparens, lassi-
tudo insignis, catarrhus graui anxia tussi stipatus,
in facie maculae plurimae, primum rubrae, dein
liuidae, post defatigationem corporis faciei ma-
nuum, pedum lior, labiorum et linguae color ad
nigrum saepe vergens, dolor pressorius in supe-
riore parte capitis, anxietas praesertim tempore
hyema-

hyemali, frigus tantum, vt ne vnquam corpus incalesceret, et sudaret. Variolis veris et spuris nec non morbillis feliciter superatis intereaque malo nec aucto nec imminuto, palpitationes cordis vehementissimae sequebantur, cet.

Constantia et perpetua phaenomena haec p. 18. erant. 1) Magnam spirandi difficultatem post corporis motum et spectabiles vasorum in collo pulsationes. 2) Faciem pleniorē, quam proportio carniū in artubus ferebat, eandemque inter anhelitus liuentem, oculis turgidis et sanguine interdum suffusis. 3) Vrinam semper saturato colore sine sedimento. 4) Alium tardissimam non modo tempore anorexias, sed etiam vigente cibi appetitione. 5) Assiduum frigoris sensum, etiam calente ad tactum cute, qui puerum non deserebat, nisi in lecto post plenam corporis calefactionem, nam et hyeme iuxta focum sedens de horrore et algore querebatur, et per aestatem ardentissimos solis radios aut ignem culinarem desiderabat. 6) Denique et hoc constanter vidit, mollem ventrem et sanguinis e naribus fluxum, qui per interualla incidebat, magnum identidem levamen attulisse.

Perniciosos prunarum halitus tenerum pul- p. 19. monem in prima infantia vitiasse et pertinaci asthmatis occasionem dedisse credebatur, inprimis cum malum non esse connatum affirmaretur.

Remedia, nihil praestiterunt praeter haec tria.

1) Hirudines ad collum et pone aures adhibitae dolores capitis notabiliter sedabant. 2) Cum lingua valde sordida, spiritus oris foetidissimus, anorexia, inflatio praecordiorum solito maior, aliquo-

quotie fuerint, lene emeticum euidenter profuit et ad plures dies. 3) Praecipuam tamen opem praestabant pilulae catharticae, ea moderatione datae, vt aluus mollis seruaretur, nec tamen liquida fieret.

p. 26.

Instituta cadaueris sectione et aperta thoracis cauitate, vna massa conspiciebatur, totam ferme cauitatem adimplens et pulmones quam maxime comprimens, quae erat pericardium, continens insigniter distentum et sanguine repletissimum cor, ita vt pulmones aegre in conspectum venirent. Parum aquae inerat pericardio et dexter ventriculus cordis multo magis sanguine turgebat, quam sinister. Venae omnes per externam cordis superficiem incedentes, coronariarum rami erant multum dilatatae. Aorta magis, quam solet, in principio dilatata, sed arteria pulmonalis eo loco, vbi ex corde oritur, mirum in modum ad bifurcationem ferme vsque contracta erat. Canalis arteriosi nullum adfuit vestigium. Pulmones parui et compressi nullam labem externe prae se ferebant. In pariete inter dextrum atque sinistrum sinum obuio foramen ouale aperturam monstrabat, quae crassiores stilum admittebat. Aorta enascebatur ex ventriculis ambobus et sanguinem omnem ex utroque accipere debebat. Arteria pulmonalis supra valuulas abscissa, has paruas admodum ferme concretas et substantia quadam granulosa carneas excrescentias referente obsessas exhibuit cet. Icones additae, hanc cordis et vasorum aberrationem melius declarant.

p. 33.

Connatum fuisse hoc vitium, etiamsi primo aetatis anno sanissimus vixit infans, longe verior videtur Nostro coniectura, quam acquisitum.

In

In capite secundo de *cordis, valvularumque arteriae aortae nonnullis morbis* agitur. Pergit hic Cl. Auctor partim varias cordis aberrationes et concretiones enarrare; partim valvularum duritiem, crassitiem, immobilitatem, cartilagineosam indolem, ossescentias, erosiones, excrescentias, lacerationes et rupturas commemorat et quasdam earum valvularum vitia iconibus illustrat. Tres valvulas orificio aortae adpositas adeo duras, reuera osseas Noster vidit, vt figura ipsarum nullo modo mutari posset, et orificium maxime angustarent, ita tamen, vt sanguinem a corde admittere potuissent, non vero ex aorta, sese contrahente, reditum impedire. Item induratis cartilagineis, osseisque particulis obsessas valvulas Cl. Auctor animaduer- tit, sic tamen, vt officio suo functae fuisse videren- tur, etc.

In principio aortae varias squamas osseas No- p. 54.
ster aliquoties vidit; in alio cadauere arteriae in- nominatae seu trunci Loweriani tantam duritiem osseam reperit, vt figura ipsius vel maxima com- pressionem mutari nequiret; in cadauere vetulae semilunares valvulae in os mutatae erant et ramus arteriae coeliacae, qui ad lienem tendit, canalem tortuosum totum osseum retulit; in binis aortae finis et principia iliacarum arteriarum eodem mo- do erant mutata.

In capite tertio differitur de *hernia vesicae* P. 55.
vaginali. Plurimis in locis *) herniae oriuntur et vix vllum viscus abdomine contentum datur, quin tumo-

*) v. comm. nostr. Vol. XIII. p. 428. ib. 430. Vol. XII. p. 37.

tumorem huius naturae subinde produxerit. Rarius autem herniae istae, in perinaeo aut in vagina vteri occurrunt.

p. 58. Virgo viginti quinque annorum hysterica tussi convulsiva et sicca laborabat, qua cessante, suppressio urinae subsequēbatur, catheterismo subleuata, quae saepius rediit cum tussi convulsiva, convulsionibus et lipothymia. Inprimis lipothymia sequebatur catheterismum ob impedimenta, a chirurgo percepta. In vagina tumorem insignem parieti ipsius superioris continuum cum fluctuatione Cl. Auctor percepit, quo compresso, conatus ad mingendum enascebantur, nulla vero urina exhibat, nisi cathetere. Pessarium itaque curabat Noster, quod ex arundine, qua piscatores vtuntur, erat formatum, vaginae longitudini accommodatum et cera obductum, ita tamen, vt spongiae siccissimae pars alteri ipsius lateri adnecteretur, ideo, vt haec, humore intumescens, anteriorem vaginae partem commode sustineret et, reiterato catheterismo, impediretur, quominus vesica multum extenderetur. Quo pessario aegra per annos vsa est, dein et sine eo nullam amplius urinam mittendi sensit molestiam.

p. 61. Signa herniae vesicae in vagina sunt absentia tumoris in regione hypogastrica supra ossa pubis, praesentia vero ipsius in vagina, augmentum voluminis, collecta urinae copia, decrementum, facta compressione aut immisso cathetere et eius ope euocato lotio. Quae signa omnino omnia in Nostri exemplo adsunt.

p. 62. Pessarium itaque erat remedium vnicum in hac hernia vesicae urinariae in vagina. Nam spongia, quae ab aliis quoque hic laudatur, et Nostro quoque in mentem venit, ob irritationis, arrosionis inflammationisque impedimenta, non vsus est.

In capite quarto de *hernia intestino vaginali* p. 65.
aliisque huius morbi speciebus Noster edisserit. Quae
 a Nostro hic describitur, vera erat hernia ilei,
 elapsi inter vterum atque intestinum rectum,
 quae vaginam sic protruserat, vt vuluam omni-
 no clauderet.

Omnes tales herniae, paucissimis exceptis, p. 68.
 semper propemodum ab ileo, raro a colo et coeco
 sunt formatae. Tumoris magnitudo erat varia, lo-
 cus etiam non semper idem, nunc in anteriori,
 nunc in laterali, nunc in posteriori vaginae parte.
 In aliis lente, in aliis subito hae herniae oriebantur.
 Plerumque peritoneum, rarius disruptum, faccum
 formauit. Cum intestino omentum etiam excidit
 et intestinali herniae vesica sese etiam adiunxit, vel
 et alii hoc in loco morbi eodem tempore fuere
 visi, etc.

Taxis commode peracta est, decumbente ae- p. 69.
 gra, sic vt abdominales muscoli maxime essent re-
 laxati et corpus inclinatum in latus, fedi mali op-
 positum. Antea clysmata, venaesectiones, etc. iu-
 vabant. Operatio haecenus nondum est tentata.
 Repositas partes optime retinuit pessarium ad figu-
 ram operculi dolii formatum et roborauit iniectio
 adstringens.

Inter aliarum herniarum species Noster me- p. 70.
 morat herniam inguinalem in vtroque latere, fe-
 moralem in viro, quae alias feminis sunt fre-
 quentiores, umbilicalem in fetu et vetula sat
 magnam. Confirmatur hac vetulae obseruatione,
 vt ex sectione elucebat, sententia eorum, qui her-
 nias umbilicales faccatas esse statuunt, refutatur-
 que illorum opinio, qui illas nunquam nisi rupto
 peritoneo fieri asserunt, interdum tamen, etiamsi
 raro, ruptura vera negari nequit.

- p. 78. In capite quinto de *vasis emulgentibus et pelui renum* Noster varias obseruauit aberrationes, quae in nulla alia corporis parte toties in conspectum veniunt, quoties in renibus. Vidit Noster venae renalis sinistrae pone aortam ad renem suum decursum. In cadauere viri ren dexter integer erat, vasa vero vtriusque renis erant iusto plura.
- p. 82. Duplex arteria et vena reperiiebantur. Vena, quae ad renem succenturiatum tendebat, separato principio ex vena caua proueniebat et reni etiam ramum dabat.
- p. 83. Sinister vero ren erat praeternaturalis. „Anterior ipsius superficies peritoneaeo accumbens, maxime exsecta erat; posterior ultra anteriorem versus spinam sese multum extendebat. Sinus itaque ab anteriore conspiciebatur et hunc intrabant vasa arteriosa, egrediebantur venosa et rami peluis. Arteria duplex erat, altera solito loco ex aorta enascens, in binos ramos, dein in plures fissa, superiorem renis partem ingrediebatur, altera ex aorta infra mesentericam inferiorem originem ducens, inferiori renis parti sanguinem impertiebat. Vena ex vena caua producta recto tramite ad mediam circiter renis partem vergebat, ante ingressum tamen venam emittens rursus ad renem succenturiatum, alteram deorsum, quae incuruo ductu partem inferiorem renis petebat, emissa tamen prius vena spermatica. Peluis renis, quae caeterum ex parte posteriore et interiore producitur, hic sese in anteriore parte tota nuda monstrabat, sic vt finui, inter superficiem anteriorem et posteriorem relicto, incumberet, insignis magnitudinis, quinque etiam ramos suos, ex rene inter venosa et arteriosa vasa egredientes, nudos exhibens, dein vre-
- p. 84. theri originem praebens solito more,„

CHIVS et HAENIVS *) dederunt similes figuras renum et praeterea similem observavit in cadauere feminae.

In capite sexto *calculi renalis* historiam tra- p. 86.
dit. Hic calculus circiter quatuor pollices cum dimidio longus, ultra duos latus, ferme duos crassus, novem gaudet tuberculis, quorum vnum omnium maximum, in octo iterum eminentias surgit, alia planiorem superficiem habent, tria inuicem confluerunt, bina figuram papillae mammae muliebris monstrant. Inter omnia haec tubercula superficies glabra satis conspicitur. Confluunt omnia tubercula inuicem et corpus calculi crassum admodum constituunt, quod rotundo fine desinit. Sex uncias cum dimidia pondere aequat. Figuras lineares huius calculi Noster hic addidit. Aeger, dum vivebat, de nullis calculi symptomatibus **) conquestus est.

In capite septimo *anchylosin inferioris maxillae* Noster describit. Nullum esse articulum non subinde concretum, variis exemplis Cl. Auctor probat, et exstant in Eius collectione varia huius morbi specimina, quorum rarissimum hic tradit, forte alia occasione alia sese descripturum esse pollicetur. Anchylosis nempe maxillae inferioris, in coemeterio inuenta, inter rariores Nostro videtur referenda.

In capite octauo *de tumoribus utero annexis* p. 106.
colliguntur a Nostro exempla. Obliquus uteri situs a variis causis potest effici, ad quas Noster hic

G g 3 refert

*) v. rat. med. cont. Tom. II. part. 2. pag. 8 tab. 1. fig. 1.

**) v. comm. nostr. Vol. XX. p. 696.

refert tumores scirrhosos in cadauere feminae quinquaginta circiter annorum. Occupabat tumor partem lateralem sinistram vteri, magnitudine iuglandem referens, duritie vero cum steatomate conueniens. In cadaueris sectione in dextro latere principium similis tumoris, piri magnitudinem non superantis, conspiciebatur. Tumor maior ex substantia vteri eradicari potuit et ipsius interiora pinguedini induratae non erant absimilia. Alius praeterea tumoris, pugni magnitudine et concretis ossibus impleti, Cl. Auctor hic mentionem facit.

P. 116. In capite nono *de duro quodam corpusculo nervo auditorio adhaerente* a Cl. Auctore exemplum communicatur. Quod nervo auditorio dextro et medullae oblongatae adhaerebat; tantae duritiei, ut ferme cartilagine referret, etc. Longitudo huius corpusculi erat sex linearum, latitudo in parte latiore quinque, in parte minus lata trium, crassities quatuor linearum. Superficies eius valde erat inaequalis, variis tuberculis obsessa, nec potuit hoc a nervo facile separari. Quo dissecto, interiorrem partem molliorem, sic tamen, ut particulae duriores interspersae essent, et exteriorrem duriorrem Noster observavit. Compressionem nervi, ab hoc corpusculo factam, refert Noster inter causas surditatis, ut aliis exemplis probat.

P. 121. Finit has observationes caput decimum *de appendice ex intestino ileo enata*. Haec appendix, quae a Cl. LITTRE *) quoque est observata et hernia Littriana nominata, ex ileo enascebatur et singulari modo cum mesenterio cohaerebat. Ex parte illa intestini, quae mesenterio opposita est, diuerticulum

*) Mém. de l'Acad. des scienc. l'an 1700 pag. 300.

ticulum amplo admodum enascebatur ostio in coecum finem desinens, eiusdem circiter capacitatis et crassitiei quoad tunicas atque intestinum ipsum, facillime aërem admittens illoque distentum, apice incuruatum. Ex quo filum prodibat tenue, forte tamen, ad superiorem mesenterii partem tendens illique diuerticulum hoc adnectens. Ante natiuitatem huius infantis, vel in ipso partu, vel mox a natiuitate mortui, hanc appendiculam exstitisse, nullum dubium est. Simile quid repertum est in cadaueribus iliaca passione demortuorum. Occurrunt eiusmodi diuerticula et in duodeno inque recto. Noster in ileo aliquoties pollicem et ultra longas appendices eiusdem capacitatis cum intestino animaduertit, neutiquam in intestino alio.

XIII.

Observations on the abuse of Medicine, by
THOMAS WHITERS M. D. London. Printed
for I. Johnson No 72. St. Paul's Church-
yard 1775. 8. pagg. 356.

i. e.

Observationes de abusu medicinae, Auctore
Cl. THOMA WHITERS.

Septem sectionibus, quae attinent venaesectionem, vomitoria et laxantia, diaphoretica, vesicantia, stimulantia, mobilitatem et vim fibrae muscularis debilitantia remedia, et denique roborantia, Cl. Auctor, hunc libellum, qui et in Germanicam linguam *) translatus est, diuidit. Abusum me-
G g 4 dicamen-

*) *Bemerkungen über die Fehler, die bey dem Gebrauch der Arzneymittel begangen werden, durch THOMAS WHITERS der A. K. D. Aus dem Englischen übersetzt Leipzig bey M. G. Weidmanns Erben und Reich, 1776. 8. maj.*

dicamentorum hic potissimum vrget Noster, qui cernitur vel in nimis crebro medicamentorum vſu, vel in eorum omni neglectu.

Seſt. I. Praefert Noster ſcarificationem hirudinum
p. I. applicationi. Euacuatio enim ſanguinis eſt celerior et relaxatio inflammatarum partium longe maior. Sanguinis porro copia poteſt certius deſiniri, nullus ſequitur tumor, nec ſanguinis extravasatio, vti poſt hirudinum applicationem fieri ſolet, et tandem vulnera, per ſcarificationem facta, facilius ſanant, quam per morſus hirudinum excitata. Vtrique autem huic ſanguinis euacuationi poſtponit Cl. Auctoꝝ arteriae ſectionem, cuius quidem vtilitatem et efficaciam non negat, interim tamen ob varia incommoda, quae cernuntur in ſanguinis quantitate deſinienda, in fluxu ſanguinis ſedando cet. ei minime fauet. Vteri inflammationis cauſam quaerit Noster in nimis ſubita ſecundinarum extractione, id quod contractioni vteri et naturae viribus eſt committendum. Antequam Noster ad venaeſectionem in podagricis interdum vtiliter inſtituendam ſeſe conuertit, quam vtilem et inutilem iudicat, diſtinguit materiam rheumaticam et podagricam ſ. arthriticam. Diuerſae potissimum ſunt hae materiae ratione ſedis, durationis, doloris, reuerſionis cet. Quod vero ad venaeſectionem in podagricis attinet, arbitratur Noster tum, cum podagra iam a puero apparuit, pulſus eſt plenus celer et fortis, podagra eſt regularis, extremas occupat partes cum dolore, rubore, tumore, anxietate, ſomni defectu; nec vniuerſales, nec partiales ſanguinis euacuationes poſſe nocere. Porro quando materia podagrica ad internas partes conuerſa eſt, et inflammationes cerebri, pulmonum, ventriculi, viſcerumque abdominalium cauſat, venaeſectio-

sectionem largitur, vti in alijs morbis inflammatorijs, adhibitis remedijs externis, quae materiam rursus euocant. In morbillis suadet Cl. Auctor secundum Cl. MEAD sententiam venaesectionem, quippe qua pulmones et internae omnino partes a materia morbillosa non ita affici possunt, vt, sicuti fieri solet, phthisis pulmonalis seu alia febris lentae species praecaueatur.

Dum Noster vsum et abusum emeticorum Sect. II. et purgantium remediorum persequitur, euacuationem primarum viarum interdum esse substituendam suadet venaesectioni, tum scilicet, cum nimia debilitas venaesectionem non permittit. p. 69.
Secundum sententiam nonnullorum recentiorum antimonialibus medicamentis adscribitur virtus specifica in pectoris inflammationibus; Noster autem optat, vt hanc in rem paulo accuratius inquiratur, quoniam specificae virtutis nomen Ei videtur hic nimis amplum atque incertum, aliaque remedia praeterea adsunt, non negligenda in hoc casu. Laxantia, quae solent, variolis superatis, plerumque et fere indifferenter dari, Noster nec vbique reiicit, nec semper largitur, et laudat imprimis Cl. GREGORY, qui, aegris valde debilitatis, morbo varioloso aegre superato, potius corticem Peruuianum cum vino exhibuit, quam purgantia. Salia media in dysenteria sunt innocua et saepe valde vtilia, draastica autem semper nocent et sunt his illa certe praeferenda. Clysmata ex sola calida aqua in magna quantitate e. gr. duarum vel trium mensurarum, fortioribus purgantibus medicinis frustra antea adhibitis, alui obstructionem iuuabant.

Sect. III. Iam ad sudorifica medicamenta Noster venit
 p. 127. et eorum commoda et incommoda recenset. Sudor sit vel naturalis vel artificialis, oportet medicum quam accuratissime eum attendere. Ille enim, qui violenta vi, singulis in partibus corporis humani et praeterea viscidus observatur, raro vel nunquam prodest. Criticus sudor non frequenter est nimius, sed lenis, continuus et per totum corpus apparens. Interdum insensibilis fere humiditas morbo finem imponit. Quod si vero symptomata augentur, aestus et anxietates durant, pulsuum ictus celeres sunt et duri, sudore prorumpente suppressendus est talis. Inter sudorifera medicamenta etiam emetica, tam ut euacuantia, quam in parca dosi exhibita ut alterantia, contemplatur iisque diaphoreticam vim tribuit. Opium quoque addunt quidam emeticis, uti factum est in Cl. DOWERI *) pulvere, quem laudant in morbis arthriticis et rheumaticis ad sudorem excitandum. Finiunt hanc sectionem incommoda sudoriferorum remedium in morbis exanthematicis et acutis.

Sect. IV Transít nunc Noster ad vesicatoria. Secundum
 p. 171. Nostri sententiam oportet eos, qui in effectuum explicandorum ex externa cantharidum applicatione versantur occupatione, imprimis respicere ad influxum eorum in fibras motrices corporis et in inde ortam irritationem. Inter alias virtutes, quae insunt cantharidibus, memoratur quoque a Nostro vis antispasmodica.

Sect. V. Pergit Noster porro in considerandis medicamentis stimulantibus atque irritantibus. Ac potissimum quidem hic Noster urget errores, qui committuntur, cum aestu atque calore, fomentationi-

*) v. comm. nostr. Vol. XXII. p. 352.

tionibus calidis, vino, salibus alcalinis volatilibus, irritamentis externis, vt strepitus, nimia lux, cet. balsamicis et expectorantibus remediis, item irritantibus, cum mercurio dulci et corporis exercitatione. Posset, vti Noster ratur, radix serpentariae Virginianae ex officinis prorsus proscribi. Inest ei quidam noxius stimulus et prostant tutiora et certiora remedia. Cl. CULLEN non omnem quidem ei radici denegat virtutem, quam ipse in febribus obseruauit, interim tamen fatetur, se illam ideo non amplius adhibere, quoniam illius utilitas incerta et vis adeo inflammatoriae indolis est. Praefert Cl. Auctor omnibus reliquis methodis mercurium adhibendi inunctionem, interneque mixturam Plenkianam *).

Iam venit Noster ad remedia sedatiua f. se- Sect.
dantia. Intelligit hic Noster ea remedia, quae VI.
mobilitatem et vim fibrarum muscularium debili- p. 265.
tant et inter multa anodyna et narcotica remedia, huc pertinentia, potissimum inquit in theae, coffeae, nicotianae et opii vires et effectus. De opii vfu in inflammatoriis morbis cauto exempla proponuntur e. g. in variolis, morbillis, tussi catharali, rheumatismo e. f. p.

Inter remedia tonica potissimum Noster con- Sect.
templatur corticem Peruuianum, et in genere bal- VII.
nea frigida, martialia, amara et adstringentia. Do- p. 305.
cuit experientia, amara remedia et corticem Peruvianum diu et temere adhibita corpora non solum non roborasse, sed multo potius etiam debilitasse. Praecipuae remotae causae febris intermittens cernuntur in contagio et vaporibus, exhalantibus in humidis et spurcis locis.

XIV.

*) v. com. nostr. Ildae decad. Suppl. II. p. 274.

Journal de médecine, chirurgie, pharmacie cet.
Par. M. A. ROUX Année 1774. Tom. XLI.
à Paris chez Vincent 8. 1 Alph. 12 plagg.
1 tab. aen. et Tom. XLII. ib. eod. 1 Alph.
12. plagg.

i. e.

Diarium ad artem salutarem, chirurgiam et
pharmaciam pertinens. Auctore Cl. A. ROUX
Vol. XLI et XLII.

Progređimur ad annum 1774, in cuius mense
ianuario haec continentur.

Vol.
XLI.
p. 26.

1) Cl. ROCHARD *de percussione pediculari mu-
tata in eruptionem scabiosam*. Iuuenis ob fistulam ani
in nosocomium Duacense, cuius curam gerit Cl. Au-
ctor, deferrebat; qui cum per totum corpus pedi-
culis obiectus esset, moniales, aegrorum curam ge-
rentes, liquore ex aceto, pipere, aliisque remediis
actiuis eum fricabant et ita corpus depurabant: sed
post aliquot dies praegresso vehementissimo pruritu,
pustulae scabiosae per totum corpus emergebant,
quae, absoluta fistulae curatione, solitis remediis
antipforicis depellebantur. Huius mutationis caus-
sam Cl. Auctor in ouulis pediculorum per frictio-
nes cum aceto sub epidermidem retropulsis, ibi-
demque exclusis, ponit, simulque narrat, ex pu-
stula scabiosa nondum aperta, cum eam acu ape-
ruisset, aquam limpidissimam emanasse, in qua glo-
bulus albi coloris, vix nudis oculis distinguendus,
haeserit; hunc, quum oculo armato eum exami-
naret, continuisse animalculum viuum, forma te-
studinem aequans, coloris albi, sed in dorso paul-
lum

lum nigri, pilis longis, pedibus sex, capite acuto, duabus exiguis palpis in apice oris instructum, admodum agile; et alia euasione in parte profundiore epidermidis se vidisse ouula minima, alba, fere pellucida, oblonga, semini pinus similia.

2) *Epistol.* Cl. A. FIGUET ad Cl. ROUSTAG-P. 40.

NENT de euulsione vteri. Femina ob tumorem, in vagina enatum, grauida putabatur, praesertim quum alia signa, grauiditatem mentientia, accederent: inde, subito orto dolore, abortum imminere arbitrabantur, et femina per quatuor dies doloribus continuis excruciabatur, donec obstetricius accedens summa vi adhibita non quidem infantem, sed corpus peregrinum extraheret, quam operationem haemorrhagia largissima, sed breui subsistens, insequabatur. Corpus autem extractum quum curatius inspiceretur, erat vterus ipse cum vagina, ille sanus et vacuus, ligamentis latis et rotundis prope adhaesionem abruptis, haec vero circulariter et irregulariter lacerata, in cuius sinistro latere prope orificium vteri tumor durus, oui anserini magnitudine, pediculo insistent, adhaerebat, itidem dilaceratus. Femina ipsa genitalia inflexa et sensilissima offerebat et digito in vaginam immisso nil nisi ingens spatium sine fundo detegebatur. Idem operator, qui hoc malum induxerat, eandem, eatenus restituebat, vt Cl. Auctor illam post quatuor ac dimidium annos vivam adhuc, licet omnino infirmam ac tristem vitam degentem, videret: praecipue incontinentia vrinae molestissima laborabat, quum non tantum meatus vrinarius solito amplior esset, sed etiam parua fistula in corpus vesicae ipsum penetraret: praeterea per interualla doloribus renum, ad regionem hypogastricam se extendentibus, multum affligebatur.

3) Cl.

P. 57. 3) Cl. LASSAUZÉE *descriptio noui torcularis.* Globus comprimens firmatur ope laminae cupreae, quae in opposita membri parte applicatur, et non per cochleam, vt in torculari PETITI, sed per bacillum super globum collocatum, quantum necessitas requirit, adstringitur. Ampliorem cognitionem inspectio tabulae aeri incisae, quae singulas huius machinae partes sistit, exhibet.

P. 65. 4) Cl. MAIAULT *dissertatio de operatione fistulae ani, filo plumbeo peracta.* Inuentum Cl. FOUBERT est, qui filum eiusmodi mediante aculardario simili in fistulam ingerit, et a virtute solvente et exsiccante plumbi, quam iniectionibus vini adiuuat, depurationem ac postea consolidationem vlceris obtinet. Noster vero iniectiones plane omittit, et tantummodo omni circiter octiduo vel intra breuius quoque tempus filum plumbeum agitatur et torquet, donec illud sponte excidat; si tunc, quod interdum accidit, leuius vlcus in margine fistulae remaneat, illud paucis diebus elapsis optime sanatur. Exempla curationum felici cum successu peractarum subiunguntur.

P. 82. 5) EIUDEM *observatio de vulnere capitis telo inflicto, cuius cuspis per undecim annos in cerebro haesit.* Telum sub extractione tentata frangebatur, cuspide relicta: vlcus fistulosum post biennium demum consolidabatur, firma cicatrice nata, ita vt ignarus praesentiam corporis peregrini ne suspicari quidem potuisset. Interim saepissime affectus syncoptici vel conuulsiui aegrum, perpetua cephalaea laborantem, excruciabant, qui tamen interea negotiis consuetis vacabat. Post nouem demum a vulnere accepto annos Nostrum consulebat, qui cicatrice incisa paruum foramen in osse detegebat, quod admodum profunde penetrabat, et quum trepani applicationem in parte squamosa ossis temporum

rum timeret, os lima abradebat, donec dura mater denudata esset; in hac foramen quidem, per quod telum tranfierat, detegebat, sed, illa incisa, hoc tamen inuenire non poterat. Tunc pus foetidum et nigrum copiose emanabat, et sensim paralyfis totius lateris oppositi, febris, delirium, sopor accedebat, et post 28 a prima incisione dies telum ex fundo cerebri educebatur, ingenti copia materiae nigrae foetidae subsequente: post quatuor vero dies aeger viribus exhaustus peribat. Aperto cranio lobus medius cerebri eo in loco, vbi foveae temporali insidet, fere prorsus suppuratione destructus apparebat, et cauitas ista saccum formaverat, ad latus et infra incisuram sellae Turcicae, cui telum incubuerat, se extendentem. Pars squamosa ossis temporum, quae cerebrum respicit, valde concaua et attenuata erat, forte a repetitis pulsibus durae matris.

Mense Februario.

1. Cl. PUIOL crebro vidit, *Zeam may* in p. 145. solo pingui et humido in medio spicarum, quae masculos flores gerunt, vel etiam in earum summitate, flores femineos protulisse, feminibus quoque, quantum ex adspectu iudicare poterat, maturis; fecunditatem eorum enim nondum exploravit. Explicationem huius phaenomeni ab abundantia nutrimenti repetit, illudque cum petalis ex staminibus ipsoque adeo germine formatis comparat.

2. Cl. MANGIN *observationem de partu laborioso* communicat. Grauida, praegresso morbo venereo et sanguinis profluuiio per biduum durante, valde exhausta erat, et placenta orificio interno vteri, ob callositatem angustiori, adhaerebat, ex qua, ab vna parte soluta, haemorrhagia proficisciebatur. Noster ergo protinus scalpello orificium callosum

callosum incidebat, posteaque infantem viuum adhuc, sed paullo post morientem, extrahebat. Viribus aegrae iusculis concentratis restitutis, alternis diebus drachmam dimidiam vnguenti mercurialis infricabat, quod remedium cum saluationem excitare videretur, illud per octiduum suspendebat, ac deinde quarto quouis die adhibebat: hoc modo, subiunctis iniectionibus ex aqua Baredgienti, decocto hordei et aqua vulneraria, ac demum adhibita cura lactea, aegra perfecte restituebatur, nulla amplius callositate superstite.

Mense martio:

p. 245. I. Cl. THOMASSIN *de usu vomitoriorum in morbis grauidarum.* Femina innupta, grauiditatem celans, febre affecta, post venaesectionem in brachio institutam, sex grana tartari emetici in aqua soluti, quam quatuor vicibus praescripserat Noster, vno haustu assumsit, et copiose inde sursum deorsumque purgata conualuit, et iusto tempore fetum sanum edidit. Alia femina maritata tribus granis a tertiana liberata fuit, quum antea venae-sectione, resoluentibus, laxantibus cet. sine fructu usa esset. His obseruationibus Cl. Auctor aliam in se ipso factam subiungit, narrans, se ab augusto usque ad initium maii febre tertiana cum infarctu et dolore lienis laborasse, quae nec venae-sectionibus, nec diluentibus, nec purgantibus, nec resoluentibus, nec febrifugis cederet: duobus ultimis morbi mensibus perpetuo vrinam obscure rubram in nigrum vergentem emittebat. Tandem cum ab itinere redux insultum febrilem imminentem persentisceret, tria grana tartari emetici ex aqua sumebat, quae protinus copiosum vomitum bilis nigrae spissae producebant; et ab eo momento vrina naturalem colorem rursus acquirebat, et febris, tumor ac dolor prorsus disperebant.

2. Cl.

2. Cl. MARGUE *observationem de celerrimo pro-* P. 211.

gressu gangraenae communicat. Rustica, 24 annos nata, prima vice puerpera, quarto a partu die ingenti siti vexata, aquam frigidissimam copiose hauriebat, vnde subito lochia supprimebantur, et febris intra duodecim horas ad deliria usque increfcebat; tunc vena secabatur, et chirurgus altero die hora matutina accedens Nostri consilium requirebat, qui post septem horas tumorem enormem a parte superiore ossis ilei sinistri usque ad partem superiorem femoris, frigidam, nigram, sensus expertem, impressionem digiti servantem, et circumcirca tumorem emphysematicum, hinc inde maculis liuidis obsessum, quae ad costas spurias et per totum femur dispersae erant, cum summo gradu febris, facie cadauerosa cet. inueniebat. Omnibus auxiliis destitutus nil, nisi epithematibus ex herbis aromaticis et vino uti poterat: post 2½ horas iam totum latus, collum, brachium et femur affecti lateris, totumque fere abdomen gangraena tacta erant, et aegra demum hora quarta, itaque intra 29 horas a primo febris insultu, moriebatur.

Mense Aprili:

1. Cl. BOURIENNE *observatio de morbo auris* P. 342

cum carie ossium coniuncto. Puero post morbillos glandulae maxillares cum dolore intumuerant, ex quo sensim surditas auris sinistrae, cephalalgia vehemens, et symptomata febris hecticae oriebantur. Quum Cl. Auctor eum videret, octennis erat, et per triennium iam surditate laborabat. Vlcus externum erat, carne fungosa plenum, vnde, pressione super cavitatem glenoideam facta, pus foetidum emanabat. Serum lactis cum fumaria, interpositis purgantibus et nonnunquam paucis granis aethiopis antimonialis, febrem lentam profliga-

bat; interim iniectiones detergentes fiebant, quae in interiora oris defluebant, et vlcus externum digestiuis tractabatur, quod maius fiebat, pure, vt videbatur, e longinquo huc delato. Post tres septimanas Cl. Auctor aquas Balarucenses iniectionibus adhibebat, vnde suppuratio melior reddebatur; postea ea nigrescebat, et, disquisitione facta, caries detegebatur. Lapide ergo infernali carnes fungosae destruebantur, tandemque vitata ossis portio secedebat, quae exfoliatio circuitus meatus auditorii videbatur, fragmentis aliquot minoribus egressis tandem plenaria curatio obtinebatur, quum Cl. Auctor aegrotum per 3¹/₂ menses tractasset. Sub finem iniectio non amplius per os penetravit. An ergo, quaerit Noster, tympanum corrosum et rursus consolidatum fuit? An absoluta eius ad auditum necessitas. Tenendum enim est, puero huic auditum in aure affecta rediisse.

Mense Maio:

P. 423. I. Cl. F. POMA *observationes de pulsu intestinali*. Primo theoriam huius pulsus ex Auctoribus collectam sistit, ac deinde quatuor observationes subiungit, vbi ex eodem fluxum ventris criticum praefagiit, eumque adiuuando curationem praestitit: inprimis in pleuritide biliosa, licet reliqua morbi symptomata venae sectionem et antiphlogistica postulare viderentur.

P. 436. 2. *Secunda epistola Cl. De LABROUSSE ad Cl. AMOREUX iuniorem, de pulsu gravidarum* *). Ponderus humero alterutri impositum pulsum in brachio eiusdem lateris debiliorem reddit: inde quum in gruida pulsus dextri brachii debiliior sit, Noster fetum sexus masculini, et in contrario casu sexus sequioris pronunciat, quum sollemne esse patet, fetum

*) Vid. comm. nostr. Vol. XX. p. 399. et 611.
comm. nostr. III. decad. Suppl. I. p. 188.

fetum masculum magis versus dextrum, et femininum magis versus sinistrum latus collocari. In propria vxore hanc differentiam pulsus in arteria iliaca et poplitea verum signum sexus praenoscendi iteratis vicibus cognouit. Si grauida gemellos vtero gerit, debilitatem et mollitiem pulsus in vtroque brachio adesse docet, licet nec alia signa v. c. externum statum abdominis in situ erecto et supino, inflationem pedum cet. excludat; maior vel minor debilitatis gradus in alterutro vel vtrouis latere illi ad praefagiendum sexum inseruit. Solus situs placentae in regione fetui opposita gemellos mentiri non potest, quum illa multo minore pondere, quam fetus ipse gaudeat. Multa tamen in hac re superesse enodanda, ipse fatetur.

3. *Epistola* Cl. PIETSCH ad Cl. MARTIN, de P. 451. *noua methodo haemorrhagias amputationibus superuenientes cohibendi.* Methodus haec ea est, quam Cl. THEDEN *) proposuit, ex cuius opere omnia quae ad hoc obiectum spectant, extraxit, annotationesque subiunxit. Ad discindendam arteriam intercostalem non cultrum myrtiformem, sed scalpellum incuruatum, linteo obuolutum, et ad eam postea reponendam instrumentum formae semilunaris, in vtroque latere planum et obtusum, commendat. Neque artum, a trunco separatum, neque eidem adhuc continuum, ita vnquam iniicere potuit, vt cera ad extremitates arteriarum penetraret, quia tensio sufficiens iisdem deerat: et eidem causae facilius subsistens haemorrhagia, a retractis orificiis vasorum discissis, quam Cl. THEDEN expertus est, adscribi debet, licet et linteis carptis, et aquae vulnerariae, ab Eodem in usum vocatis, aliquid dari oporteat.

H h 2

Mense

*) vid. comm. nostr. Vol. XVIII. p. 604 sqq.

Mense Iunio:

p. 504. I. *Epistola* Cl. BALME ad Cl. LAFOSSE, *observationes quasdam practicas continens*. Vt commonefaceret iuniores medicos ad summam cautionem in praxi adhibendam, aliquot exempla morborum recenset, quorum initia leuissima videbantur, qui vero subito et ex improviso lethales existebant: neque ipse errores a se, licet inscio, commissos, reticet v. c. herniam inguinalem, quae demum post mortem, a sphacelo correpta, inuenta fuit, nimis longam dilationem auxiliorum valentiorum, prognosin nimis properanter formatam cet. Veram tamen causam sectionis ope in duobus tantum vltimis casibus detegere potuit, quum eadem in reliquis denegaretur: alter fuit virginis per duos vel tres annos cephalaea cruciatae, in cuius cranio immediate post sinum frontalem hydatidis, ouum gallinaceum volumine multum excedens, in ipsa substantia cerebri haerens inueniebatur; alter iuuenis, qui lapide in fronte percussus, quum fragmentum lapidis cum minoribus fragmentis ossis ipsius exemptum esset, subito comatosus reddebatur et post 20 vel 24 horas exspirabat, cuius mutationis primaria causa deprehendebatur ossis fracti portio cerebro, cuius magna pars supurationem subierat, impacta, coloris a naturali multum recedentis; haec fractura, sola natura absque accedente incommodo sanari visa, iam ante decem annos contigerat.

P. 533. 2. Cl. LABORDE *observatio de sanatione canis, a Crotalo laesi*, quam ipse in Caienna praestitit. Sexaginta circiter horae iam elapsae erant, et duo alii canes vna laesi, iam perierant. Canis humi prostratus, potissimum capite inflatus, iacebat, nullum motum, nisi interdum caudae exercens; oculis clausis, respiratione breui. Vulnere sub

sub collo et in labio superiore inflicta erant. Frustra theriacae repetitae doses et oleum oliuarum exhibitae fuerant. Noster cochlear liquoris istius, qui *l' eau de Luce* audit, cum cyatho vini rubri miscebat, huiusque medicamenti tertiam partem sexta quavis hora porrigi, eodemque vulnera elui iubebat; quod auxilii, genus breui perfectam sanitatem restituit, adeo, ut canis sexto die conciperet. Vulnera haec gangraenosa non erant: in insula Martinica e contrario, quadrante horae nondum elapso, pars laesa nigra fit et gangraena corrumpitur. Indigenam Caiennae incolam a Colubro corallino morsum esse, et post biduum mortuum, relatum accepit Cl. Auctor, cui sanguis per aures, nares, os, atque oculos effluxerit.

3. Epistola Cl. LE FEBURE medici ad Cl. p. 547. ROUX, de methodo chocoladam antiuenericam parandi. Pastae, ex qua chocolada paratur (absque tamen aromatibus) additur mercurius sublimatus, sufficienti quantitate spiritus frumenti solutus, et balsamum Peruvianum saccharo exceptum, omnibusque in vase porcellano rite subactis tabulae inde formantur, quarum singula granum vnum mercurii capit, et quatuor partibus per integrum diem, aut ex lacte aut ex aqua cocta, sumitur.

4. Epistola Cl. LE MERCIER ad Cl. ROUX, ob-p. 551. *servationes quasdam de carie maxillae inferioris continens.* In viro, incisione haud procul a mento facta et versus angulum maxillae directae, partem laminae exterioris ossis, duorum pollicum longitudine, et in femina, intus malum aggressus, solutis prius scalpello gingivis, aliam partem floreni circiter magnitudine, quae ipsum angulum sistebat, extraxit: posterior tamen operatio, quam etiam Cl. JOURDAIN in hoc ipso diario anni 1770 se cum fructu instituisse scribit, ob puris et sanguinis affluxum et incommodum aegrae situm, taediosior fuit.

Vol.
XLII.
p. 22.

Menſe Iulio:

I. Cl. FOURNIER, medici Breſtienſis, *dubia et obſervationes ſuper cauſſis pulſationis arteriarum, et defectus pulſationis venarum.* Non reſiſtentia, ab auricula ſiniſtra nata, apicem cordis verſus coſtas dirigit, ſed is tantummodo actioni generali fibrarum eius adſcribi debet, verſus baſin fortiorum et copioſiorum, et cor ſub contractione longius et breuius fit eodem modo, quo tormentum bellicum ſub exploſionis momento prius antrorſum, et inde retrorſum mouetur. Sanguis ex corde in arterias non preſſione, ſed percuffione transfertur, haecque continuo fit, ſed neceſſario ſibi reſpondentes pulſationes arteriarum requirit, adeo, vt arctiſſimum inter vtrumque motum ſtruatur commercium. Pulſationes arteriarum percipi non poſſent, niſi hae canales inflexos, at ſimul elati-
cos ſiſterent. E contrario venae non pulſant, quia ſanguis per eaſdem motu aequali et non interrupto fluit; non autem ob debilitatem membranarum, nec ob minorem elatiſcitatem. Si vero ſanguis vi alternatim agente in venas ipſas propellitur, tunc etiam pulſus earum percipitur, quare tria huiuſmodi exempla addit Noſter, primum iuuenis palpitationibus cordis miſere excruciat, ac denique ſubito mortui, in quo ſub finem vitae venae colli, brachii, femoris et cruris, et hae quidem ſaepe fortius et magis regulariter ipſis arteriis, pulſabant; ſecundum alius iuuenis, timore et frigore externo ſuffocatione et palpitatione cordis affecto, in quo eadem phaenomena tertio die animaduertebantur, ſed quarto die accedente aſcite et hydrope pectoris, ſubſequenti nocte exitiali, cedebant: inueniebantur in vtroque ventriculo cordis admodum dilatato compacti grumi ſanguinis, aliquo, qui orificium aortae et magnam eius partem

tem obturabant, auricula dextra multum dilatata, aequae ac vasa pulmonalia, in arcu tuberculis duris nigrescentibus obsita. Tertium exemplum est viduae 64 annorum, post moerorem in suffocationis speciem, quae sanguinis missionibus solis leuari videbatur, incidentem, in qua cum palpitatione cordis et pulsu minimo celerrimoque manifesta pulsatio venarum colli turgidarum percipiebatur; post mortem, nono a primo insultu die euenientem, aorta inde ab exortu ad $8\frac{1}{2}$ pollices in cartilaginem durissimam versa, vasa pulmonalia multum dilatata et varicosa, et nonnihil aquae in cauum pectoris effusum, detecta sunt.

2. Cll. PELLIER, fratrum, *observatio de ex-p. 79. tractione cataractae singularis.* Prolongatio erat tunicae choroideae, quae super lentem crystallinam se extenderat: Nostri ergo, cataractam capsularem prius arbitrati, cum tunicam istam solam extrahere non possent, eam vna cum lente eximebant; aeger oculi huius usum recuperabat, adeo, ut quadragesimo post operationem die negotia sua subire posset.

Menſe Auguſto:

I. Cl. PERE' *de vena medinenſi.* Morbus en-p. 121. demius videtur quibusdam Africae regionibus, v. c. Senegal, Gabon cet. in regione Congo rarissimus est; in insula S. Dominici seu Hispaniola nonnisi ex Africa huc delatus conspicitur. Nulli corporis parti parcit. Vidit eum Noster longitudine duarum vlnarum. Nonnunquam sub contextu celluloso, cuti substrato, iacet. Eodem affecti marcescunt sine febre, ac plerumque tabidi moriuntur, appetitu ad mortem usque subsistente. Nonnunquam, sed rarissime, tumore aperto et suppuratione subsequente vermis sua sponte exit:

sed minus tuto negotium hoc naturae soli committitur. Si vermis totus exiit, vlcus sponte iterum coalescit: si vero rumpitur, non nisi suppuratione diuturniore malum sanari potest. Tandem exemplum eiusmodi vermis, qui in puero nigrita, summopere iam emaciato, totum abdomen et partem inferiorem pectoris occupabat, quem Noster intra quatuor horas totum extraxit, vltra duas vlnas longum: puer inde, nullo adhibito remedio, ita conualescebat, vt, tribus mensibus elapsis, magno pretio venderetur.

p. 132. 2. Cl. RICHARD DE LA PRADE *analysis aquarum mineralium ad fanum S. Albani in prouincia Forensi* (le Forez) *scaturientium*. Quatuor sunt fontes in vnico loco positi, in monte illius regionis originem ducentes. Reptilia breui ibi pereunt, vbi tamen nisi vnicus fons mephitidem exhalat, quae operarios, illum expurgaturos, ab hoc negotio desistere coëgit. Fontes omnes inter se congruunt: primus tamen fortior est reliquis. Cum ebullitione quadam scaturiunt, sed non insigni. Saporis sunt austeri et styptici. Lixiuum alkalinum, caerulei Berolinensis principiis praegnans, cum aquis his commixtum, praecipitatum album, si vero aliquid spiritus salis additur, caeruleum largitur. Copiosa ochra aquis inest, cum acidis mineralibus efferuescens, et in his soluta, additis guttis quibusdam lixiui supra memorati, caeruleum Berolinense praecipitans, addito vero phlogisto in igne tractata ferrum exhibens. Alkali fixum, his aquis additum, praecipitatum album, solutio mercurii lateritium, et argenti album producant; infuso gallarum colorem purpureum, succo heliotropii rubrum, syrupo violarum viridem colorem conciliant; saponem decomponunt, et cum acidis mineralibus

neralibus efferuescunt; 48 horis elapsis infusum gallarum non amplius mutant, ochra martiali ad fundum vasis deposita. Examine chemico instituto inuenit Noster, in mensura (*pinte*) contineri $8\frac{1}{2}$ pollices cubicos aeris, $\frac{2}{3}$ grani terrae martialis, 15 grana terrae absorbentis, 1 granum felenitae, et 12 grana alkali mineralis. Vfus earum est aduersus morbos viarum vrinariarum, sed vis maxime cognita est antipforica. Cl. RICHARD tractationem omnium aquarum medicatarum regionis Forensis se editurum pollicetur.

2. Cl. TESTART *obseruatio de fistula canalis p. 139.*
Stenoniani. Post odontalgiam abscessus in gula formabatur, qui, omnibus licet adhibitis remediis, exterius rumpebatur, et ductum Stenonianum destructum ostendebat, ita, vt perpetuo saliuam ex vlcere efflueret, duritie interim in media parte buccinatoris relicta. Cl. Auctor setaceum, vnguento basilico et praecipitato rubro illitum, per duram hanc partem traiciebat, et ita sensim quicquid remanserat, suppuratione tollebat, saliuamque viam in os iterum aperiebat: externe tantum emplastro glutinante utebatur, quod applicationem setacei non impediabat: tandem, via noua saliuam perfecte stabilita, vlcus exterius cicatrice claudabatur.

3. Cl. COMVS *noua experimenta de fluido ele- p. 152.*
Strico. Eodem modo, quo antea *) aurum electricitati subiecerat, varia corpora, quibus antea particulas martiales magnetis ope sustulerat, tractauit, et indolem martialem in nonnullis ab vnica, in aliis a septem vel octo scintillis restituit: sunt haec pars rubra sanguinis humani, cineres sanguinis equini, caeruleum Berolinense, varii croci

Hh 5 martis,

*) Vid. Journal de Médec. Tom. XXXX. p. 163 sqq. vid. superius p. 195.

martis, terrae martiales, pulvis laterum, fabuli variae species, platina et cobaltum. Multas alias substantias ex omnibus regnis naturae petitas cum intra chartas, tum intra laminas vitreas collocavit, et mutationes colorum inde ortas sollicitè confignavit, quas vero hic tradere non possumus. Adamantes minores, intra chartas collocati, aequè facile, ac metalla, fluido electrico transitum permittunt: pulvere adamantis autem intra laminas vitreas collocato, scintilla excitata has in plurimas partes a centro ad peripheriam diffregit; scintilla debilior pulverem cum vitro coniunxit, colore multiplici, iridis ad instar, in quo tamen griseus eminebat, superinducto.

p. 271. Disquisitionem corporum metallicorum postea continuavit: aequali portione arsenici et sulphuris inter se coniunctis et scintillae electricae subiectis auripigmentum produxit; substantias inflammabiles et resinosas eodem modo fudit: postea gemmas varias exploravit, et denique modum faciliorem excitandi electricitatem communicavit.

p. 374. Deinde de resuscitatione metallorum per electricitatem amplius disserit, eamque phlogisto, per fluidum electricum ex substantiis metallicis, ab electrificatione requisitis abrepto et calcibus metallicis addito, adscribit. Auro intra laminas vitreas vel chartas collocato colorem caeruleum vel viridem conciliauit. Rursus modi quidam faciliores electricitatem excitandi, et supplementum indicis corporum, quae per communicationem electrica fiunt. Phaenomena mutationum per electricitatem in pulvere adamantis productarum exactissime conveniebant cum iis, quae minium praebet: inde plumbum ad compositionem adamantis concurrere, Nostrò verisimile videtur, praesertim cum isti metallo
et

et candor et grauitas specifica vitri illius, quod *Flint-glass* dicunt, sine dubio adscribi debeat.

4. Cl. DU POUY *tentamen de theoria resonitus* p. 158.
(contre-coup) in omnibus corporis humani partibus. Resonitum definit Cl. Auctor laesionem productam a vi externa parti remotae applicata, sine eo, vt partes intermediae simul afficiantur. Duas eiusdem classes constituit, alteram eius, qui fit in fluidis, alteram, qui fit in solidis partibus. Ad priorrem classem solum fere systema vasorum sanguiferorum pertinet: varia eiusmodi exempla hic recensentur. A lapsu in pedes colica, et inde dysenteria lethalis, oriebatur; in ileo et colo multa vasa varicosa apparebant; similes fere effectus Noster in virgine a lapsu in genua vidit, in qua ex ponderis in abdomen descendentis sensu hepar affectum suspicabatur, cuius vero sectionem administrare non potuit. Iuuenis ab alto defiliens commotionem capitis, loquendi difficultatem, ideoque perturbationem sentiebat, sed duabus venae sectionibus promte administratis liberabatur. Vir in nates delapsus stupore afficiebatur, quem per 4 menses tolerabat; rursus 4 mensibus elapsis tumor in capite enascebatur, qui destructae parti superiori ossis bregmatis originem debebat, et compressus aegrum in stuporem coniiciebat: post mortem tumor hic fungosus inueniebatur, a vasis durae matris sibi inuicem intertextis formatus. Homo in lapsu vehementer in os occipitis impingebat: protinus functiones ventriculi turbatas et magnum ponderis sensum, sed absque dolore, in fronte percipiebat, colore faciei in flauum verso; iterata venae sectione dolor viuacior per totum caput se extendebat, et tandem post plures menses, redeunte per interualla dolore ac demum grauiore morbo superue-

superueniente, qui copiosas venaesectiones exigebat, aeger plane conualescebat.

Resonitum duriorum partium aequae ossa plana ac cylindracea experiuntur, horumque fracturae longitudinales, a nonnullis hodiernum immerito in dubium vocatae, huic causae adscribendae sunt. Vir ex alto delapsus pedi dextro innitebatur, sed progressurus eundem fractum esse sentiebat: Cl. Auctor fracturam tibiae et fibulae infra caput prioris, summe parallelam inueniebat, fracturaeque interpositam substantiam, scobi lignae similem, quae nil erat, nisi ossis minimae particulae, tactu percipiebat: tumor et inflammatio repetitas venaesectiones exigebant; topica nulla conducebant, praeter lotionem, qua Cl. Auctor crebro, imprimis in vulneribus sclopetariis, utitur, ex salis ammoniaci ℥ss, salis saturni et terrae sigillatae ana ℥ij, cuius ℥j cum ℥viij spiritus vini lagenae, quae mensuram capit, infunditur, et reliquum spatium aqua communi repletur; si ea utendum est, agitari et quantum requiritur, calefieri debet. Post tres menses curatio perfecta absoluebatur emplastro tripharmaco, quod Noster ex lithargyrii et aceti singulorum parte vna, et olei oliuarum partibus duabus parat, cui aequalem partem emplastri Norimbergensis, et ad gratiorem colorem obtinendum parum cinnabaris factitiae admiscet, et cuius usum itidem in multis casibus egregium depraedicat. Femina utrumque crus prope malleolos frangebat, eodem itidem loco in utroque seruato multa maiora, et innumera minora fragmenta aderant; crus vero dextrum (uti plerumque obseruauit Cl. Auctor, centrum grauitatis magis dextrorsum vergere) vehementius laesum erat, vulnere simul ad malleoli dextri latus a fibula inducto: crista tibiae ad sex pollicum longitudinem et vnus latitudinem soluta

soluta erat, et vix periosseo adhaerebat: duodecimo die gangraena in metatarso accedebat, calcaneusque cariosus redditus peribat; postea metatarsus in margine super tarsum, ruptis penitus ligamentis ascendebat: tamen, cruribus in situm rectum directis et in eodem loco fasciae octodecim capitum solis linteis complicatis seruatis, et lotione superius descripta adhibita, aegra conualescebat, et optime incedit, licet crista tibiae desit, et tarsus ac metatarsus anchylosi inter se coniuncti sint. Cl. IACQUES, femur dextrum, modo valde obliquo, simili ex ratione fregerat; soluto post tres ac dimidium menses callo, Noster eundem tamen perfecte restituebat.

Iam de resonitu cranii differit. Narrat, se ipsum, quum aliquando capite in ferrum proniens impugisset, sensisse vibrationem ac sonitum a loco tacto per totum caput se extendentem et iteratum, quem cum sonitu chordae tactae comparat; quatuor venaesectiōibus adhibitis ille disparebat. Homo quidam noctu in platea prostratus et continuo, in regione parietali ictus expertus idem se percepisse referebat; sanguinis missione crebriores stuporem et sensuum abolitionem non remouebant, nec trepanatio aliquid auxilii praestabat: post mortem inueniebatur dura mater in toto ambitu ossium parietalium et maxima parte suturae coronalis separata, et vna cum cerebro quam maxime subsidens, et cerebrum consistentiae pultaceae. Figuram sphaericam cranii impulsu externo mutari posse, ex mutata eadem forma in globulo eburneo in marmor delapso Noster declarat, et duobus exemplis confirmat: in altero os occipitis in parte laterali dextra et nonnihil inferiore stellae in modum diffractum erat, pericranio tamen adhaerente; trepano

pano admoto nil nisi parum sanguinis congrumati super dura matre inueniebatur; sed post mortem apparebat, cerebrum et consistentia, et connexione mutatum esse; sinus in basi cranii sanguine turgidi; fissura a loco laesionis ad foramen lacerum continuata; post petrosum diffractum; apophyses clinoidae posteriores prope radicem, sella Turcica vero in parte anteriori et versus latera fracta; margines orbitales nonnihil depressi cum fissuris minimis; sanguis hinc inde in diploe ossium bregmatis stagnans, et lamina vitrea in nonnullis locis destructa: sciendum tamen est, hominem hunc iam per aliquod tempus ab ictu in capite accepto de cephalalgia continuo conquestum esse, nec veram rationem lapsus patuisse. Alterum exemplum est virginis, quae in latere dextro frontis ab equo percutiebatur; pars fracti ossis eleuatorio tollebatur, quae vero lamina vitrea priuata erat, et exacte parallelogrammum 24 lineas longum et 6 latum, referebat; trepano applicato foramen in dura matre apparebat, per quod lamina vitrea in ipsam cerebri substantiam penetrauerat, vnde etiam extrahebatur: nihilominus aegra occumbebat; secto cranio exulcerationes quaedam profundiores, ubi lamina haeserat, apparebant, reliquo cerebro et dura matre sanis.

Mense Septembri:

p. 215. I. Cl. DU BOUEIX *de tetano idiopathico uniuersali, frictionibus mercurialibus sanato.* Iuuenis, interdum lumbagine vexatus, tetano corripiebatur, qui solius brachii sinistri motum aliquem reliquerat. Cutis erat perspirabilis. Multis remediis frustra datis, de die drachma vna vnguenti mercurialis inungebatur simul cum balneis tepidis, venae-sectione praemissa et interpositis clysmatibus et laxantibus. Perspiratio largissima mouebatur et
aeger

aeger post sedecim frictiones sine vlla saluatione sanabatur.

2. Cl. MILLERET *obseruatio de metastasi la-* p. 231.

His. Feminae abortum passae febris superueniebat, qua lochia et lac supprimebantur, nec restitui poterant: tunc abdomen tumere incipiebat, tympanitem mentitum; interea post octo menses aduocatus Cl. Auctor decubitus lactis cognoscebat, et paracentesi suadebat, qua vero repudiata tumor tandem prope vmbilicum, praegressa inflammatione, rumpebatur, et ingentem quantitatem materiae albae, pultis tenuioris consistentia, quae odore lac corruptum referebat, effundebat. Tunc Noster, iniectionibus detergentibus immixtis, partes omenti corrupti, et deinde materias purulentas, foetidissimas euacuabat: interno tunc aequae ac externo corticis Peruuiani vsu continuato, tandem pars quaedam intestinorum tenuium, coloris liuidi, orificio vulneris se offerebat, quae licet reponeretur, tamen post biduum rumpebatur; successive partes membranaceae obscure fusci coloris, ex quibus aliquae pedis longitudinem, et in media parte pollicis latitudinem habebant, clysmatum ope euacuabantur; tandem sensim sensimque clysmatibus faeces remixtae, chylus contra ex apertura vmbilici parcius prodibat, ac denique plane cessabat: ob nimis autem fractum solidorum robur primo oedema pedum, denique, prorsus iam consolidato vulnere, ascites superueniebat, cui denique Noster paracentesi et vino cum fenna, cortice sambuci et radice iridis nostratis infuso, subiunctis sub finem morbi purgantibus leuioribus et diaeta bona, post 16 ab abortu menses felicissimo cum euentu medebatur.

3. Cl. CROHARE' *epistola de unione ferri cum* p. 276.

mercurio. Partes aequales vtriusque metalli, nullo accedente

accedente intermedio, inter se coniunxit, quod amalgama totum a magnete attrahitur, et cum acidis et alkalibus, sine eo, vt decomponatur, coniungi se patitur: inde remedium ad morbos chronicos proficuum pollicetur, cuius iam quosdam effectus se obseruasse ipse adfirmat.

Mense Octobri:

p. 314.

I. Cl. ROUX, Auctoris huius diarii, *observatio de hydropo cystico hepatis, in cadauere hominis suffocatione mortui inuento.* Vir 26 annorum colicis doloribus afficiebatur; cum omnia symptomata vomitorium indicare viderentur, Cl. Auctor illud exhibebat, quo et subiuncto purgante aeger ita levabatur, vt sanatum se putaret; sed cum vestiendo se corpus inclinaret, subito concidebat, extremitatibus frigidis et sudore viscido obtectis, adhibitis auxiliis quibusdam ad se redibat, tuncque de pondere in regione ventriculi, suffocationem minante quaerebatur, regio etiam epigastrica nonnihil elevata erat, sed absque dolore, et hepar optime tactu dignosci poterat; tunc etiam aeger narrabat, se iam a longo tempore in latere sinistro non posse decumbere, ob ponderis in hepate sensum, ex quo tumorem hepatis suspicabatur Cl. Auctor: suffocatione tamen subsistente, nervos simul affici putabat, ideoque neruina et antispasmodica porrigebat; altero die omnia symptomata cessauerant, praeter dolorem renum et pondus in ventriculo; anxie tunc efflagitabat aeger vomitorium, quo se sanatum iri certo persuasum habebat, quare tertio die, qui septimus totius morbi erat, tantum leuissimum per partes sumendum exhibebat; hoc mirifice leuabatur, suffocatione plane cessante, ita, vt hilaris consortio aliorum interesset; sed vesperi syncope et suffocatio redibant, et intra quadrante horae moriebatur. Inspecto post mortem cadauere

dauere totum dorfum, latera, manus vtraque, praefertim extremitates digitorum, et glans penis, vehementer fugillata inueniebantur: aperto abdomine, omentum contractum et quali inflammatum; curuatura magna ventriculi et intestina tenuia fugillata, ficut cutis; duae intus fufceptiones in his intestinis, fed fine incarceratione; hepar insignis voluminis, inque parte concaua lobi maioris tumor insignis, ex quo aqua limpida, leui viridescente colore tineta, promanabat; continuata incisione apparebat cauum interius album et callofum, cui ope contextus cellulofi tenuiffimi cystis alba, fatis crassa quidem, fed facillime separanda, quae menfuram liquidi caperet, adhaerebat; corpus hepatis molle, coloris naturali obfcurioris; vesicula fellea fere vacua; lien durus, coloris caerulei, intus nigri. In pectore pericardium ne guttulam quidem liquoris continens, cordi maximam partem per contextum cellulofum laxum adhaerens; auricula dextra admodum extensa, parietibus adeo tenuibus, vt vix a venae cauae principiis distingui posset, superficie interna polita; immediate, absque prominente margine, in ventriculum inferebatur; auricula sinistra similis fere structurae; in media parte parietis anterioris sinus venae cauae erat paruum corpus cartilagineum offescere incipiens, figurae irregularis, radices hinc inde fpargens; intra primas ramificationes arteriae pulmonalis tenera concretio lapidea, folliculo inclufa; cor molle, flaccidum, ventriculo sinistro multo maiore dextro; sanguine fere vacuum, praeter parvam quantitatem nigram et plane diffolutam; vasa coronaria prorsus vacua; pulmones fere vbique, inprimis diaphragmati, arctiffime accreti, prorsus fere inprimis sinistra, fugillati, ficut etiam pleura huic contigua; pulmo dexter speciem retis, lineis

nigris distinctis, offerebat; bronchiis sinistris dis-
sectis, insignis quantitas sanguinis nigri dissoluti
effluebat. Mirandum omnino, aegrum antea de
nullo grauiore morbo, quam debilitate ventriculi
et frequente catarrho, conquestum fuisse. San-
guis in pulmonibus haerens sine dubio per con-
textum cellulosum huc delatus putandus est: alias
certe vel ante vel post mortem per os exitum quae-
siturus fuisset.

p. 326. 2. Cl. DEFOS feminae sexagenariae hydrope
pectoris laborante, praemissis purgante, et con-
veniente diaeta praescripta, vtrique femori vesica-
torium applicuit, et interne mixturam ex succi
chaerophylli ℥vjii, syrupi rhamni cathartici et oxy-
melitis scillitici ana ℥j, pulueris cantharidum et
kermis mineralis ana gr. j vnica dosi mane sumen-
dam propinauit, quae per aliquot dies, addito de-
nique altero grano cantharidum, continuabatur;
tunc purgans interponebatur, ipsaque potio magis
purgans reddebatur, mutataque deinde medicamen-
ti forma omni tri vel quadrihorio cochlear mix-
turae, quae ad vncias quatuor tria grana capiebat,
exhibebatur: hoc modo, subiunctis reliquis auxi-
liis, morbus intra sex circa septimanas plane sub-
latus est.

p. 333. 3. Cl. FARION *observatio de germine vario-
loso.* Femina, quae altero iam aetatis anno vario-
lis laborauerat, filiam partu edebat pustulis sup-
purantibus obtectam, quae vero, mortuo post di-
midiam horam infante, subsidebant; mater per to-
tam grauiditatem nec variolosos vidit, nec cogita-
tiones eo direxit, licet tunc morbus iste grassa-
retur. Duodecim vltimis diebus aegritudinem,
quam exprimere non poterat, nec vltius cura-
bat, senserat.

4. Cl. RAILLARD *observatio de hernia inguina* p. 347.

H. Incarceratio non in annulo, sed in sacco hernioso ipso erat: sectione facta hic apparebat in parte superiori tumidior, cui omentum vehementer inflammatum ac durum adhaerebat, quod Noster separabat, vti intestinum, quod posterius sacco adhaerebat. Parte deinde tumida sacci, quae incarcerationem effecerat, dissecta, repositio fiebat: quum vero aeger situm imprudenter mutasset, omentum rursus prolabebatur, et pars eius in sacco incarcerationata, quum eius dilatationem aeger recusaret, intra biduum eadem gangraena corripiebatur; aeger, perpetuo ferrum extimescens, tandem ad. ligaturam partis alienatae consentiebat, qua pars haec 24 horis elapsis secedebat. Sex septimanis morbus plane sanatus est, ita tamen, vt aeger prophylaxeos causa bracherio vtatur.

5. Cl. CHIZEAU in puero 15 annorum, va. p. 353.

riolis confluentibus laborante, scrotum inflammatum et breui tempore, applicatis emollientibus, gangraena prorsus destructum, et postea rursus generatum vidit, quam naturae operationem sola sua deligatione iuuabat: cicatrificatio a peripheria versus centrum; penis tardius, quam testiculi, obtegebatur. Tribus septimanis aeger perfecte convaluerat.

6. Cl. BOULEYRE cariem ossis sacri, quae p. 361.

illud penetrauerat, praesente simul insigni gangraena, solis fere naturae viribus, sub deligatione maximam partem sicca, gangraena per inspersum corticis Peruuiani puluerem correcta, et aptis auxiliis internis simul adhibitis, perfecte curatam vidit, nullo vlcere fistuloso relicto.

7. Cl. GIROUD *observatio de mola aërea*. Par. p. 370.

tu absoluto, quum digitum in vaginam immitteret, sentiebat tumorem oblongum, mobilem, mollem, liberum,

liberum, orificio vteri oblatum, qui, ampliore red-
dita via, facillime egrediebatur, in manu detentus
figuram sphaericam assumebat, ex membrana sub-
tilissima et maxime polita, diaphana formatus, le-
vissimus; simulac globum hunc in mensa colloca-
ret, crepabat cum exiguo sonitu, nullum fui ve-
stigium neque odorem relinquens.

Mense Nouembri:

p. 410. 1. Cl. POMA aegrotum, per plures annos
palpitatione cordis adeo vehemente, vt pulsa-
tio arteriae coeliacae per vestimenta interdum
conspici posset, tandem accedente hydrope pe-
toris post cruciatus acerbissimos occumbentem
vidit: sectio cadaueris offerebat parum feri rubelli
in cauitatem abdominis effusum, cuius viscera sa-
na erant, sed ventriculus insigniter aëre distentus,
totum hypochondrium sinistrum, partem dextri,
vbi partem hepatis obtegebat, et partem regionis
umbilicalis occupans; pectus sero simili prorsus
repletum, pulmones sani, sanguine nigrescente
farcti, pericardium insignis voluminis, itidem sero
plenum cor naturali triplo maius, totam sinistram
cauitatem thoracis vsque ad mediam eius partem
implebat; ventriculis et auriculis grumis sanguineis
repletis, vasa coronaria sanguine turgidissima, ar-
teriae omnes maiores sanissimae.

p. 441. 2. Cl. RUSSY vulnus, cultro in parte media
et interna femoris inflatum, in quo arteria ad par-
tem quandam discissa erat, applicato torculari, iam
laxius iam arctius constricto, et per decem dies ser-
uato, sine plenaria discissione vasis aut ligatura
eiusdem sanauit.

p. 448. 3. Cl. MARTIN in virgine crebris rheumati-
cis insultibus obnoxia, dolore ac suppuratione au-
ris praegressa, tumorem pone aurem cum tensio-
ne vehementi ad pectus vsque descendente vidit,
qui tumor prope apophysin mastoideam apertus
mag-

magnam copiam puris fundebat, et, simplicissimis remediis adhibitis, intra mensem sanabatur.

Menſe Decembri:

I. Cl. FOURNIER, medicus Brestienſis, ap. p. 504.

riebat cadauer viri, qui poſt dolores vertriculi et inteſtinorum, per quinque ſeptimanas ſubſiſtentes, erat demortuus. Ventriculus regionem hypochondriacam, lumbarem et iliacam lateris ſiniſtri replebat, longitudinaliter ſitus, et inferius margini foraminis oualis adhaerebat; pylorus fere in regione vmbilicali ſitus erat; inteſtina omnia, excepta parte coli pone ventriculum collocata, in latus dextrum detrufa quaſi erant; craſſa ſolito anguſtiora. Longitudo ventriculi a principio curuaturae magnae uſque ad foramen ouale erat 10, et curuaturae minoris ac pylori uſque ad inſertionem in duodenum $7\frac{1}{2}$ pollicum: forma quadrati oblongi, quouis latere 4 pollices lato. Totus canalis inteſtinalis inde ab oeſophago colore nigricante intus obductus erat, quem etiam omnia eius contenta, vna cum odore foediſſimo, contraxerant. Prolixus autem horum eſt index; plurima fruſta ligni, ex quibus pars circuli, quo dolia continentur, 19 pollices longa, porro varia vtenſilia aut illorum partes, ex metallo confeſta, quinque nuclei prunorum, fragmentum cornu, duo fragmenta vitri, duo fruſta corii, culter manubrio ligneo inſtructus: numerus omnium eſt 52, et pondus librae vnus decem vnciarum, quatuor drachmarum. Subiunctis quibuſdam rebus, quae ad vitam huius polyphagi ſpectant, finem huius articuli facit teſtimonium, eorum nominibus munitum, qui prorſus ſingulari huic ſectioni interſuerunt *).

li 3

2. Cl.

*) Comm. noſtr. Vol. VI. p. 634 ſqq. et SAM. GOTTLIEB VOGELII diſſ. de polyphago et lithophago Ilfeldae nuper mortuo ac diſſecto, Goetting. 1771. 4.

p. 519. 2. Cl. FOURNIER, medicus Diuiodunensis, casum praecedenti quodammodo similem enarrat. Rusticus coena multa cerasa vna cum nucleis deglutauerat; inde iam altero die vomitus accedebat, habitualis redditus, et tandem incrementibus symptomatibus, per 17 dies subsistentibus, aeger post quatuor menses et aliquot dies moriebatur. Secto cadauere, in orificio inferiore ventriculi tumor, viam fere praeccludens, scirrhus, et huic a latere adhaerentes tres nuclei cerasorum, filamentis firmis cum illo coniuncti, inueniebantur; reliqua intestina sana erant, excepta angustia in parte superiore ilei deprehendenda, quae non nisi fluidissimis transitum permittebat. Principium scirrhitatis huius iam antea, et forsan ex vitio haereditario, adfuisse ideo suspicatur Cl. Auctor, quia duo fratres et auus eiusdem simili morbo mortui fuerant.

p. 554. 3. Cl. BOURIENNE militem ictu pugionis militaris (*bayonnette*) in regione lumbari dextra laeso, quod vulnus in renem ipsum penetrauerat, intra 24 dies sanauit; primo statim ab initio sanguis rubicundus per urinae vias excernebatur, qui vero breui cessabat: tertio vero et sexto die, praegressa ischuria molestissima, sanguis congrumatus excernebatur. Remedii simplicissimi cuiusdam, sed tunc satis efficacis, nempe iniectionis aquae tepidae in vesicam, non, nisi morbo superato, Noster recordatus est.

XV.

Descriptiones animalium, avium, amphibiorum, piscium, insectorum, vermium; quae in itinere Orientali observavit PETRUS FORSKÅL. Prof. Havn. Post mortem Auctoris edidit CARSTEN NIEBUHR. Adiuncta est materia medica Kahirina atque tabula maris rubri geographica. Havniae 1775. Ex officina Moelleri; prostat apud Heineck et Faber. 1 Alph. 5 plagg. 4.

XVI.

Flora Aegyptiaco - Arabica siue descriptiones plantarum, quas per Aegyptium inferiorem et Arabiam felicem detexit, illustravit PETRUS FORSKÅL. Prof. Havn. Post mortem Auctoris edidit CARSTEN NIEBUHR. Accedit tabula Arabiae felicitis Geographico Botanica. ibid. eod. 2 Alph. 1 plag. 4.

XVII.

Icones rerum naturalium, quas in itinere Orientali depingi curavit PETRUS FORSKÅL. Post mortem Auctoris ad regis mandatum aeri incisae edidit CARSTEN NIEBUHR. ib. eod.

Coniungimus trium horum operum, a naturae scrutatoribus diu multumque expectatorum, recensionem, cum vno itinere et ab vno Auctore sint confecta, atque vnum eundemque finem spectent. In genere laudanda est Cl. NIEBUHR opera in edendis his libris, et typographorum cura in iis, quae ad ornatum horum librorum faciant, ad-

hibitae. Auctoris ipsius summam fuisse attentionem et summam obseruandi artem cum egregia eruditione coniunctam inter omnes constat. Magni itaque usus erunt hi libri, etsi praematura Auctoris morte nondum perfecti sint. Nam Auctor schedulis sparsis, minutimque dissectis solebat obseruationes suas committere, quarum in itinere et post mortem Auctoris non poterant non multae perire: interim eas, nullo modo mutatas, nec emendatas, sed omnes ab Auctore ipso scriptas edidit Cl. NIEBUHR.

*Descri-
ptiones
anima-
lium. cet.
Fauna
Orienta-
lis.*

 In primo itaque, quod descriptiones anima-
lium offert, libro, primum *faunae Orientalis conspe-
ctus* traditur: tum ipsae sequuntur descriptiones.
In fauna itaque animalium, iuxta LINNAEI
systema ordinatorum, nomina Latina et Arabica:
deinde patria, et si quae notatu digna fuerint, tra-
duntur. Inter ea etiam multa sunt generis incerti
et nomine solo nota. Nos ex hoc conspectu,
cum maxima ex parte nomina tantum contineat,
paucissima tantum notabimus.

p. x.

p. xvi.
p. xxvi.

p. xxxi.

Squalus Zygaena coenosum fundum amat, non
coralliferum: homini infestus, *carcharia* peior.
Mascatenfes nautae carnem lubenter edunt, et
aphrodisiacam putant. *Exocoetum* etiam non voli-
tantem, macerrimum vidit. Morbus ad *Lohaiam*
Erk vocatus a *Gordio* vena medinensi proficisci vi-
detur, etsi Cl. Auctori ipsum disquirere non licuit.
Montes coralliferi ab vrbe Tôr vsque ad Ghonfo-
dam ripas muniunt submarinas densissime; post
hanc urbem versus meridiem, rariores euadunt.
In Nomenclatura *coralliorum* nomina triuialia ap-
tissime mutuari posse e regno vegetabili, cum co-
rallia sint cryptogama regni animalis. Graeci mul-
tis conchyliis vescuntur, e. g. *Tellina incarnata*,
Cardio

Cardio eduli, Ostrea varia, Mytilo exusto, Pinna muricata et nobili, cuius tendo praesertim iis est delicatula esca. Constantinopoli pinna profundum alti maris occupat, vbi erecta stat, apice deorsum spectante. Ex cochleis comeduntur *Turbo chryso-stomus, Trochus magus, Murex ramosus, et lignarius. Trochus punctatus* pro medicina in haemorrhoidibus, externe applicatus adhibetur.

Descriptiones ipsae sunt succinctae, attamen *Descri-
clare et gnauiter factae.* Nos, cum systematicis *ptiones.* physicis ipse liber legendus sit, nouorum generum et earum tantum specierum, quae ob peculiare proprietates sint notatu dignae, mentionem faciamus.

Noua genera sunt e piscibus 1. *Salaria*, quam p. 22. tamen forte *Gadi* vel *Blennii* speciem esse suspicatur: dorso monopterygio, cirrhis nullis. 2. *Scarus*: p. 25. dentium loco, maxillas ipsas eminentes, margine dentato crenatas, osseas habet: atque huius ipsius species duae priores, *riuulatus* nempe et *stellatus*, FORSKÅLIO genus proprium, quod 3. *Siganus* dicitur, propter singularem corporis habitum constitutere videntur. 4. *Acanthari* nomine etiam *Chaetodon-* p. 59. *tis* species quaedam insigniuntur, quae dentes vnus seriei, rigidos, acutos, contiguos, vel simplices vel lobatos obtinent; cauda in vtroque latere aculeo vno, vel pluribus; exserto et rigido, vel mobili et recondendo praedita est.

Inter mollusca quatuor noua sunt genera. *Salpa* corpore libero, gelatinoso, oblongo, vtro- p. 112. que apice aperto, intus vacuo, intestino obliquo. Duae eius sunt familiae 1. nucleo globoso, opaco iuxta anum, 2. nucleo nullo, sed linea dorsali opaca. Nomen huic Vermi datum, ob similitudinem formae cum tubo canoro. Animal plerumque *gregarium*, mira cohaerens symmetria; motum

tum corporis per systolen et diastolen siphonica arte perficiens. Species eiusdem duodecim detexit, descripsit omnesque depictas iconibus tradit.

p. 117. *Pterotrachea*: corpore libero; gelatinoso, pinna gelatinosa, mobili, ad abdomen vel caudam; oculis duobus intra caput. Nomen a *pinna mobili*, corpori affixa peruo et tracheato sumtum: cuius quidem generis quatuor species descriptae, quinque autem depictae dantur.

Physsophora, corpore libero, gelatinoso, e vesica aërea pendente, membris gelatinosis, sessilibus ad latera, tentaculis subtus plurimis. Situs animalis hydrostaticus, sublatus pulmone extra corpus; ad formam machinae, quam diabolium Cartesianum appellamus. Tres huius generis species sunt descriptae et depictae.

p. 121. *Fistularia*, corpore libero, tereti, longo, undique papilloso, subcoriaceo, tentaculis oris plurimis, retractilibus, apice dentatis. Animal siphonizans, reciproce spirans; ex apertura laterali ori proxima fila emittens post mortem. Quatuor species describuntur, quinque delineatae traduntur.

Iam ad specierum contemplationem accedimus: atque hic quidem magnam satis novarum specierum copiam, et notatu dignas correctiones iam cognitarum animaduertimus. Numerus novarum avium est 17, amphibiorum 19; piscium 114; insectorum 62, vermium 87; coralliorum 33: e quibus quidem haec commemoramus.

p. 5. *Turdus Seleucis*, mas crista et colore rubro pulcherrime est ornatus, et grate canorus. *Gryllus* extirpare solet; hinc Turcis fere sacra est avis,

p. 7. quam occidere inuiti ferunt. De avibus migratoriis notatu dignas observationes tradit: multae tamen aues nominibus triuialibus, ignorabilibus appellantur.

Testudo

Testudo terrestris Graecis est ieiunii tempore p. 12.

grata: caput vnco auellunt, crudum sanguinem auide bibunt, corpus lapide fractum intestinis purgant: carnem, hepar et potissimum oua coquunt. Delicati saporis esca, medico quoque commendanda vsu in colica et febris lenta, praesertim crudus sanguis et oua. Haec siccata et grani dosi mixta lacti nutricis dantur infantibus inquietis et querulis. *Lacerta gecko* stridet fere vt *Mustela*, cau- p. 13.

da separata a corpore viuo, per dimidium horae signa vitae motusque edit. Feles hanc *Lacer-*
tam venari, illaque vesci aiunt. *Coluber lebeti-*
nus morsu somnum infert, prorsus lethalem nec vincendum: forte veterum est *Aspis*. *Colu-* p. 14.

ber Haje, noua species, quae irata, morsum intendens collum erigit et expandit, quantum potest, vnde valde attenuatur; mox inde inimicum petit vno ictu. Gesticulatores Kahirini frequenter illum circumferunt; exemptis dentibus nociuis: nihilominus artifices ipsi morsum euitant. Veneni praesentissimi effectus in columba hic erat: succus venenatus, pellucido flauicans, modica parte, vulnere leuiter inciso femori columbae applicatus, intra horae quadrantem violentas capitis conuulsiones excitauit, atque columba, postquam magnam aquae copiam euomuit, illico mortua est: in dissecta, praeter intestina distenta, omnia sana. *Co-* p. 15.
lubri Baetan morsus in instanti necat, corpore vulnerato intumesciente. *Coluber Hölleik* non quidem lethaliter mordet; at tumor ardens insequitur, cui *Capparis antid.* pro medela est: solet etiam hominem afflare; et locus halitu tactus prurit; sed frictus tela gossypina rubra sanatur.

Raia Torpedo, a reliquis differt, -apertura p. 16.
branchiali vtrinque vnica lineari, oblique supra pin-
nas pectorales, pinnis abdominalibus, dentibus nu-
merosis,

merosis, subulatis: cirrhis oris sex. Aegyptei co-
ctam edunt sapidamque laudant. Notissima illis
est eius mira proprietas tremefaciendi, cauda mo-
ta leuiter, dum caput eius tangitur manu. Motus
tremoris leuissimus est, adeo, vt ex eius vi et ce-
leritate doloris sensus nequeat deriuari: nihil vero
electricitati magis conuenit, quam hic ictus: in
manum sublatus piscis, aqua recens extractus, for-
titer percutit cauda, fortius si sub ventre tangatur,
quam lateribus, et leuius, si vnum attrectaueris
latus. An phosphoriset, nec ne, vel valeat electri-
cam vim communicare ferro, sericeis filis suspenso,
experiri non poterat Cl. Auctor. In sola caudae ver-
beratione vis consistit: illam enim si tangis, aut
illa apprehensa piscem subleuas, nullo te ferit ictu.
Oua *Raiæ vulgaris* in febre intermittente pro me-
dicina domestica adhibentur, carbonibus canden-
tibus imposita, paroxysmo instante fumum obue-
lato capite ore naribusque hauriente. *Squali Car-*

p. 20. *chariae* iecur, optimum medicamentum siphyliti-
cis habetur.

Systema *Lacertarum* subiungit, quas in vn-
decim familias dispescit, quoad digitorum nume-
rum, cristæ praesentiam et corporis structuram.

p. 23. *Blennius Gattorugine*, dorsi pinna vnica cum
pinna caudae connata, capite obtusissimo, cirrhis
tribus supra vtrumque oculum et vtrinque senis
in postico vertice: dimidium spithamae magnitudi-
ne aequat: cuniculos in coeno inhabitat, vnde
matutino tempore solet egredi, in porta apricans.
Simul cum illo eandem domum occupat vermis,
Arabibus *Abu kobbab* dictus, capite variegato, etiam
edulis, si decorticetur: is, serui instar, domum
verrit capite, dum *Blennius* otiosus sedet specta-
tor, qui etiam dactylis adhuc immaturis ludit.

De differentiis *Spari* et *Labri* haec notat. p. 31.

Spari genus dentibus incisoriis longis acutis contiguis; molaribus mediocribus, graniformibus; interioribus intra incisores et molares numerosis graniformibus, plurium serierum; interioribus et posterioribus sensim maioribus, totum palatum replentibus. Opercula squamata, fossula dorsalis in plurimis. *Labri* dentes *maxillares*, validi, conico subulati, contigui. *Incisores* mediocres, paulo interius positi, quam vicinus *caninus*, qui vtrinque vnus, reliquis duplo maior. Molares vna serie post caninum, acuti contigui, retrorsum decrescetes. Dentes *faucium* in maxilla superiore et vtrinque brevis seriei, parui, conici, acuti rigidi, incipientes pene incisorem vtrinque; contigua ac maxillaribus parallela serie positi, vtrinque quaterni. *Pinna* (membrana) *branchialis* radiis 5: *opercula* squamata, squamis laxis, latis. *Ramenta* euidencia, post spinas dorsi haerentia in margine membranae. *Radii dorsales* et *ani* spinosi, membrana breuiore. *Pinna Dorsi* et *ani* basi squamis erectis. *P. caudae* basi squamis ouatis. *Linea lateralis* ramulosa duplex: aliis simplex, continua. Illa optima nota est, atque dorsi abdominisque curvatura: fastidiosi enim laboris, et incerti euentus est radios pinnarum minutissimos numerare: radii pungentes constantiores sunt et maioris vsus in piscium systemate. Generalem obseruationem hanc inferuit: nullos generum characteres certos dari, nisi e *dentibus* sumtos: qui pro animalium vitae genere varii sunt. p. 37.

Sciaenae omnes in fossula spinas dorsi recondunt; de reliquo vastissimum hoc genus, cuius 29 species describit, in octo familias diuidit. *Sciaena spinifera* et *Sammara* aculeis operculorum et pinnarum pungunt dolore ardenti, vt *Scorpionis* ictus: post p. 44.

- post aliquot horas cessat: ambae tamen sunt edules: et *spinifera* adeo pinguis, ut e maioribus saepe
- p. 54. excoquatur ultra libram adipis. *Scombri* genus commodè subdividitur a) pinnulis spuriiis distinctis; b) p. spuriiis unitis; c) p. nullis, pinna bispinosa ante pinnam ani; d) p. spuriiis nullis, pinna bispinosa ante p. ani vel occultata, vel nulla. *Chaetodontis* genus etiam subdivisionem admittit: a) dentibus filiformibus, breuibus, numerosis, multorum ordinum, densis, acutis, interioribus sensim minoribus; pinna branchiali radiis 6, spinae pinnae analis 3. b) *abu-defduf*: dentibus maxillaribus unius seriei, filiformibus, contiguis, submobilibus, obtusis, dentibus faucium nullis; annulo subtus circa oculos; pinna branchialis radiis 5, spinae pinnae analis 2. c) *Acanthurus*, qui diuersum a *Chaetodonte* efficiat genus, cuius characterem
- p. 63. supra *) dedimus. *Chaetodon unicornis*, fronte cornuta, cauda carinis utrinque duabus, elatis, *tabula* XXIII. *depictus*, frequentissimus *Djiddae*, semper gregarius, numero 200 vel 400, habitat: herbis vescitur, caro eius non admodum grata. *Salmo Roschal*, pinnis albidis, caudae dimidio inferiore rubro: colore argenteo: est HASSELQUISTII *Salmo dentex*, quem LINNEUS *syst. nat. XII. p. 531.* ad *Cyprinum* reiecit: quamvis iure ad *Salmonem* sit referendus: dentibus subulatis, maximis, prominentibus, exsertis instruitur.
- p. 78. *Tenebrionum* alatorum tanta est cum *Carabis* affinitas, ut vel genere coniungantur, vel certe a *Tenebrionibus* apteris, ipsa natura sic suadente, separantur. *Tenebrio arundinaceus*, Tab. XXIV. B. *depictus*, propter noxam, quam larua eiusdem excitat, notari meretur. Etenim in culmo *Arundinis niloticae*, inter corticem et medullam farinam nigro

*) Vid. p. 505.

gro bruneam reperit FORSKÄLIUS, in qua paullo profundius *vermiculi* albi, ceu Larvae Tenebrionis, et pulueris illius architecti habitabant. Quo altius descendebatur, eo durior, pallidior magisque cohaerens farina inuenta est, donec in infimo culmo medulla intacta manebat. Haec enim *Arundo* pulpa repletur albida, quae in summo culmo, cortice delapso extrauasata, arida et sinuosa protumuit. Media pars simili modo exarida undosis plicis corrugabatur, in quarum sinu haerebat ista farina. Spicae segetum nigrae et adustae effici huius insecti arrosione Cl. Auctori videntur: illas enim adgreditur eo tempore, quo in culmo demersae sunt, ubi plus inuenit pabuli, quam in segetibus ipsis, quarum medulla culmi parcior est, cortici-que adhaeret. Fieri ergo potest, ut sementum hac farina et latente in illa insectorum progenie inquinatum, terrae dum committitur, noxam lata vicinia diffundat. *Tenebrio polychrestus*, apterus, P. 79. elytris mucronatis, singulis striis nouem eleuatis, in triplicem potissimum vsum impenditur: 1) feminae Turcarum liberae et seruientes albae *artem saginandi* inuenerunt in his Tenebrionibus, dum tres quouis mane et vespere butyro coctos comedunt: 2) contra *aurium dolores* Tenebriones aliquot cum oleo puro coquuntur; et huius olei duae aut tres guttae auri infunduntur, quae vix tribus vicibus repetitae sanant: 3) contra *morsum Scorpionis*, Tenebriones quinque viui in aquae copia sufficienti operte coquuntur, spatio octauae horae partis: sic decoctum obtinetur colore rubicundo, coffeae sapore. Scorpione laesus bibat scyphalam vnā alteramque, vulnerique Tenebrionem dissectum imponat; praesentissimo auxilio dolor auertitur, qui in his oris per 24 horas intensissimus esse

esse solet, postea tamen sponte cessat, rarissime enim morsus Scorpionis est lethalis.

p. 81. *Gryllus gregarius*, admodum *G. migratorio* similis, ab Aegyptis, super carbones tostus, alis pedibusque reiectis, comeditur. Exsuccus est cibus; innoxius tamen, nisi, quod segnem caussset sanguinem. Parum consumunt incolae, ut numerum eius vel tantillum minuant.

p. 83. *Cynips Sycomori aptera*, Tab. XXIV. C. icone delineata, excluditur in Sycomori feminei XXIV. germine singulo, quod inde, quasi foecundatum, C.p.84. tumescit. *Formica maligna*, parua, nigra, unisquamosa: venenata, pungens, dolore ut ex scorpionum ictu, qui leuatur affuso *Basilici* recentis

p. 85. succo. *Formica animosa* rubra, in ligno habitans, oeconomis grata, ob utile odium, quo persequitur *Formicas Dharr*, quae Phoenicem dactyliferam exitiose infestantur. *Scolopendra adhaerens*, flaua, spithamae longitudine; morfu laedit haud lethali, sed multum vrente, minus tamen, quam ex ictu Scorpionis. Omnibus pedibus carnem perforat, non auellenda. Ergo ignito ferro caput Scolopendrae leuiter tangitur, quod mox eleuat, et sic per omnia membra continuando, tandem auellitur.

p. 95. *Cancer sedentarius*, macrourus, articularis, Tab. manibus adactylis, Tab. XLI. E. depictus, XLI. E. rum est in suo genere animal oculorum forma, pedumque numero: ori nempe utrinque *sphaerula oculiformis* adiacet, supra quam cylinder perpendicularis erigitur oculum referens: *pedes* utrinque decem, septem paria thoraci adhaerent, adactyla, praeter quinti ordinis par, caeteris multo crassius longiusque, *femoribus* compressis, apice unispinosus, carpis clauatis, chelis obouatis ventricosus, digitis adeo curuatis forficatis introrsum dente instructis. Priora 4 paria *plantis* gaudent *setaceis*,
plantas

plantas posteriorum pedum thoracicorum longitudine superantibus, quae *membrana* subtus acuta vtrique triplici, ouata, *natatoria* instruuntur. Singularis etiam architecturae inhabitat domum, cubico ventricosam, rugosam, gelatinosam, rigidam, utroque extremo patulam. Hic residet incuruum, saepe situm mutans, his in cunis oua deponit pullosque excludit.

Termes fatale LINN. quod *destructor* Arab. p. 96.

Arda dicitur, est crux orbis calidioris: cuniculum, T.XXV

Auctori designatum, occupauerat pridem Termes. A.

Circumspicienti, se statim prodit cuniculis daedaleis digiti latitudine, ad parietem deductis et perpendiculariter e fundo surgentibus. Sociale animal vnita vi laborat in destruenda re oeconomica hominum. Mira tamen creatoris prouidentia gentem infestam damnauit lucifugam; alioquin enim incolas regione eiiceret, iam tempus operi impendere debet, iam opus vastatorem prodit. Quisque opificum argillae humidae granum ore affert et margini applicat. Eapropter canalis durante labore semper duorum pollicum latitudine humidus est recenti adhuc incremento. Nonnulli interdum profiliunt, quasi speculandi causa. Prima vespere ductus diruit Cl. Auctor: *Termetes* contra, eadem nocte ruinam restaurabant trium vlnarum longitudine: ductam deinde hinc et inde lacerauit: substititque eius propagatio, donec fenestrae erant clausae. Candelam ardentem orificio obiecit, magno cum operariorum (scil. *Termetum*) incommodo: nihilominus inceptam continuabant porticum; furtim tamen et sub tecto: quamque antea in tenebris et sub vmbra venam spatio duorum pollicum producunt horae tempore, iam vnus tantum pollicis viam horae interuallo absoluebant. Aliquando fornicem longitudine quinque vlnarum

deiecit; basi tantum intacta. Tanta attoniti clade, tota filuerunt nocte, sequenti vero aurora, iterum feruebat opus. Tubus illaesus semper laevis et rectus; ruptus vero et reparatus, vulnera cicatrice monstrat. Omnem in vrbe *Beitelfakih* horti culturam affligit Termes, teneras decerpens propagines arborum mitioris fructus; inter quas *Caricam papayam* vehementissime laedit, ad summa usque cacumina canales deducens. Truncum et radicem non aggreditur. Arbores *Citri*, vtpote amaras, horret. Incolae fumum, quem abominatur *Termes*, trunco arborum circumponunt.

p.100. Priapi, quem LINNEVS *Actiniam* nunc dicit, character genericus in viuo animale determinatus, est: corpus carnosum teres, basi affixum, superne planum, margine tentaculis numerosis; ore in medio protuberante, toto intra saccum re-

p.102. tractili. *Priapus viridis*, fusco virens, tentaculis
Tab. diametri longitudine, (Tab. XXVII. B.) valde ab
XXVII. incolis Alexandrinis timetur, dum aquas natandi

B. caussa ingrediuntur: est enim recutitis molestissimus, tumoremque grauiter dolentem caussat. Pulvis lateritii lapidis pro medela adhibetur. In *Priapo* Polypo, basi dilatata, corpore cylindrico,

Tab. tentaculis maculatis, (Tab. XXVII. C.) peculiaria
XXVII. haec sunt: a) corpus erigere valet in altitudinem

C. duorum pollicum; deprimit quoque, vt conuexum vix appareat, sed eiusdem cum margine superficiei, b) fila oris retrahit: quum basin fili alicuius bacillo loco moueret Auctor, totum statim penicillum filorum porrigebat, et deinde retraxit: c) aliquot vermes, dum basis ita premebatur, simul ex maculis supra descriptis, fila rubra emittebant breuia, et adhuc alia sub basi: d) filum loco motum ferro presso ad basin corporis, vermibus non sustinuit hanc vim, sed apicem clausum aperuit,

aperuit, et tentacula protulit: alius vero experimenti scenam mutavit, et pressus apicem non solvebat, verum maculas baseos patefecit, ex quarum cavitate fila rubra depromsit plurima.

Holothuria spirans, ovalis, coerulea, oblique cristata, subtus tentaculis disci albis, radiis longioribus, nudis coeruleis, Tab. XXVI. K. depicta, Tab. de qua quaerit Auctor, an sit *Thalia* LINN., aquam colore coeruleo tingit mortua. In eius nuclei *an-* K.
nulis bullae aëris residui se manifestant vario motu, illosque vacuos probant et quasi pulmones, quorum ope *Holothuriae* fere semper natant. Respirationi ergo inferuiunt tentacula disci: nam dorso resupinatum animal, aperuit ora tentaculorum, quibus bullulae aëreae adhaesere. Nauigat ope cristae, tentaculis radii remigat, iisque se tollit in altum vel demergit. Sola pars rigida corporis et crista superstes in mari natans, sceleton quasi huius vermis sistit; vbi Afili, Onisci, et Monoculi habitant. A nautis, farina aspersa, vermis hic cum oleo vel butyro frixus edulis habetur esca. Glutine nativo ubique adhaeret. *Sepia octopodia* p.106.
Alexandriae ingratum est animal hominibus, aquas tranantibus: cuti enim adhaeret suctione fortissima, sine vulnere aperto: locus laesus inflammatur sine tumore, dolore intenso ad medullas usque penetrante. *Smirnae* tam exosa non est *Sepia*. Graecis esca ieiunalis: oua praesertim inter delicias. *Medusa noctiluca*; orbicularis, depressa, p.109.
verrucis punctisque bruneis, marginis tentaculis octo rubris, varietas est *M. Pelagicae* LINN. et vlcerosas scabieque infectas manus hanc non impune tractare perhibetur: FORSKA°LIVS tamen cute sana sine vstulationis sensu eam gestavit. Haec, si quae alia, vera est noctiluca: multis experimentis in mari mediterraneo, vbi habitat, pa-

tuit FORSKALIO, illam valde phosphoream esse. E margine lucem fortiolem amittit, quam e nucleo. Lacerata et in mare proiecta lucida via ad fundum descendebant fragmenta. Partes discriptae, aquae marinae in vasculo mixtae et quasatae copiose scintillant: et stagnando aquam cito corrumpunt. In cribello aquam superfudit Auctor, quae dum transiebat, partes istae innumeris radiabant stellulis, nec, saepe affusa aqua, lumen minuebant. *Aqua autem marina* per chartam bibulam percolata, lucendi vim perdit. Innumera *Medusarum* integrarum copia et corpora vndis attrita vel rupta, succumque gelatinosum effundentia totidem certe phosphoros accendunt. Perpendendum tamen est, vtrum Medusae hanc lucendi virtutem obtineant ex aqua, an haec a Medusis: immensus scilicet oceanus minimae suae parti tanta miracula debet.

- p. 124. *Anomia tridentata*, testis inaequialuibus, ad iuncturam tridentatis, testa longiore angulo ba-
- T. XL. feos marginata, Tab. XL. B. delineatur. Huius
- B. testae tam arcte iunctae sunt apice et margine, vt sine fracturae periculo, vel tantillum aperiri nequeant: quare ad Patellas videtur haec Anomia propius accedere. Dum viuit, omnes alas celeriter mouendo remigat, easque facile retrahit et recondit totas. Animal cardini tantum est affixum: constatque placenta orbiculata, rugosa, albido virescente, medio fusca; basi iuxta vexillum adiacebat globus flauicans, fere separatus. Vexillo vero et alis explicitis, carina duobus labiis se fiebat. *Trochus dentatus* est edulis, coctus sapore
- p. 127. dulci. *Helicis ianthinae* descriptio et icon accuratior, quam COLUMNAE, traditur tab. XL. C.
- T. XL. C.
- p. 129. *Alcyonio Phusca*, cui corpus affixum, teres oblongum, crusta coriaceo stuposa, apertura duplex

plex lateralis, sphinctere instructa, crudo Graeci
vescuntur, quod succo Limoniorum imbuitur,
cortice tamen reiecto. Corallia in oris Arabicis p.131.
obuia, aedibus struendis apta sunt pleraque, et
Djidda vrbs tota his lithophytis constat ceu inha-
bitatum museum. Systema Coralliorum adornari
posset in *solida et fragilia*, quod sensibus et offi-
ciis domesticis magis foret acceptum, quam no-
menclaturae eruditae. Nunquam satis est admi-
randa Coralliorum copia in mari rubro: Scopuli
et saxa littorea hic pretiosa sunt eruditis, incom-
moda nauigantibus. Discernuntur e longinquo
colore ex albo virescente, grato oculis otiosis spe-
ctaculo: usque ad decem orgyas haec saxa fur-
gunt. Dum aquis extrahuntur suprema parte in-
veniuntur mollia, inde magis magisque cartilagi-
nosa; fundus est lapis solidus. Calx e *Coralliis*
paratur alba, subtilis optima. In *Madrepora dae-* p.133.
dalea, stellis subhexagonis, parietibus vnitis, re- Tab.
ticulatis interne et margine dentatis, quae Tab. XXXVII.
XXXVII. B. delineata est, animal inuenit *Priapum*
f. *Actiniam* LINN. viridem vel cineream, quarum
quaeque suam stellam inhabitaret. B.

Echinum fossilem describit nouum, quem di- p.140.
cit *pentagonum*, oblongum, ambulacris quinis, bi-
partitis superficie ocellata.

Subiuncta denique est materia medica, ex
officina pharmaceutica *Kahirae* descripta: in qua
quidem adeo vtilia non introducta reperiun-
tur.

Ad Floram Aegyptiaco Arabicam accedimus, *Flora Ae-*
quae specierum agmine non mediocri, et nouis *gypt.*
regni *Yemen* detectis curiosum Lectorem incitat *Arab.*
et allicit. *Eftac* prope *Massiliam* primitias herba- p. III.
rum

rum orbis meridionalis dedit Cl. FORSKA^oLIO, ibique plantas 265 obseruauit, quas nomine, et breui, si opus erat, obseruatione in *Florula Estacienfi* recensuit. Locus hic gaudet terra albo brunescente, et pingui montes vicini constant lapide calcareo albo et compacto, qui solis calori expositus superficiem liuidam induit: lapis arenarius adest albo brunus, mollis et cum aqua forti effervescebat: inter strata montium solidiora stratum arenae iacet. Ex plantis hic nascendis nomine-

p. V. mus, *Cynosurum echinatum*, *Coridem Monspeliensem*, *Aphyllanthen Monspeliensem*, quae ad basin caulis folio gaudet lineari, ex apice vaginae longae, membranaceae; si vero planta sine radice euellitur, secedunt caules e vaginis foliumque relinquunt, et illa *aphyllae* nomen per errorem obtinuit.

p. II. In insula *Malta* deinde 87 plantas legit; nam horti pauci et inopes; flora in faxo calcareo Melitensi habitat, et paruam plantarum progeniem educat. Calcareus mollis et vñibus domesticis aptissimus est, conchyliorum exuuiae inhaerent variae: humus hinc inde areolas occupat angustas: plantae pleraeque sunt salinares.

Praef. *Smirna* breuissimo temporis interuallo occasionem herbationibus aperuit nullam. *Constantinopoli* per aliquot tantum septimanas requieuit FORSKA^oLIVS, in mensem Augustum rediens parca dabantur spicilegia. Hortorum cultura illic neglectissima. In Pago *Belgrad* augmenta herbarum inuenit.

p. XV. Dedit itaque *floram Constantinopolitanam*, *littoris ad Dardanellos et insularum Tenedos, Imbros, Rhodi*, quae quidem valde, ipso Auctore fatente, est imperfecta, subitanea et cursoria manu collecta; minime tamen sterilis. Circa *Constantinopolin* primum obueniunt agri, remotius inde
colles

colles deserti, *Cisto ladanifero*, *Erica umbellata*, et *Carlina corymbifera* vestiti. Ad vias passim est plantata *Pistacia terebinthus*. Dein silvae magis magisque exsurgunt, *Fago castanea*, *Arbuto venedine*, *Acere campestri*, et *Mespilo pyracantha* obstitae. *Hypericum ascyrum* mira copia luxuriat inter arbores: et *Smilax aspera* illas scandens, loca haec reddit perplexa, ultra quam dici potest. *Belgrad* pagus, iuxta aquaeductum, sylva *Carpini* pergratissima obumbratum, canali adhaerentes nutrit plantas, *Andropogon ischaemum*, *Asplenium*, *Rutam murariam*, *Physalin alkekengi*. In locis vicinis schistus atque arenosum solum occurrit. *Dardanelli* terra ambiuntur littorea, arenaceo petrosa, ruderatis mixta. Vno in loco terra cretacea et argilla porcellana. *Sesamum Orientale*, *Gossypium* et *Zea* magis in cultis habitant. *Tenedos* refert colles steriles, agris p.XVII. exceptis. Montes *Saxo* durissimo, rubicundo constant: aliud *Saxum* rasile et mixtum cum aqua forti parum efferuescit. Dolemus Auctorem horum *Saxorum* naturam non curatius indicasse: haud dubie sunt calcarei. *Natolia* e regione *Tenedos* littus offert arenosum, in quo *Salsola kali*, et *Isatis tinctoria* laete vigent. Superior area *Santolinam*, *Serratulam centauroidem*, et *Euphorbiam polygonifoliam* nutrit. Vtlerius progrediendo plantae occurrunt *Graeciae* vulgares. *Imbros* incolas alit pauperrimos, ipsa tenuioris fundi et solo aquae dulcis fonte laudanda. Areolae paucae terrae melioris agros plantasque gestant: constat regio petra calcarea, quae mira latitudine substernitur insulis Archipelagi et maris mediterranei fere omnibus. Caeterum in dictis his locis plantas notauit 481: quarum paucissimas nominemus. *Iasminum* pag. officinale colitur ob flores et ex iis paratum vn. XVIII. guentum, et propter caulem, ex quo fistulae tabaca-

- bacariae parantur. Decoctum, ex radice, *Panici repentis* frequens in usu, vt ptisana apud Turcas.
- p.XXI. *Capsici annui* fructus crudus edulis. *Hederæ Helicis* folia recentia fonticulis imponuntur. *Santolina*
 pag. *ambigua* flaua; receptaculo nudo, pappo nullo,
 XXXII. polygamia aequali, discoidea. Hac nota discedit
 a *Carpesio*; receptaculo non paleaceo ab ita *Santo-*
 pag. *lina crithmifolia*. *Smilacis asperæ* turiones edules
 XXXV. primo vere, grato sapore, et ad depurandum sanguinem vtilis putantur. Graeca nomina etiam addita sunt.

Traiecto mari Aegæo *Alexandriam* et Aegyptum venit et per *Rosettam* Nilum adscendens *Kahiræ* stationem annuam fixit. Ibique concinnauit *Floram Aegyptiacam* s. *Catalogum plantarum systematicum Aegypti inferioris, Alexandriae, Rosettae, Kahiræ et Sues*. Cui præmissa est descriptio brevis *Aegypti* geographico physica, cuius, quantum
 pag. fieri poterit, summa capita indicemus. Nilo
 XXXIX. vtrunque adiacet *solum planum*, versus Septentrionem magis subsidens; campi *Alexandriam* ambientes, collibus vallibusque distinguuntur: versus Meridiem altior surgit terra et fluuio suo supereminet; spatia vtrunque contrahit et circa Kahiram vix 4 milliariorum planitiem habet: area haec angusta *Aegyptus vera* vocari meretur, vtpote fertilissima, ibique duæ terrarum occurrunt species. Prior *terra Nilotica* Cl. Auctori dicta, est argillaceo humosa, subtilis nigro cinerea, aqua solubilis: *sedimentum* est Nili effusi, qui prioris anni stratum nouo strato auget. Antiquissima enim historiae documenta, naturæ consensu suffulta, Aegyptum in principio *paludem* describunt. Euidētius statuitur Nilum iuisse diffusum vsque ad terram cliuosam, totamque hanc planitiem inundatam fuisse: ille solum argillaceo humosum annuis fundauit.

dauit stratis, et in solidam eleuauit terram. Ex Africa superiore Limi massam aduehi vniuersam verosimile non videtur, quum magna eius pars in Cataractis dissipetur. Sed eodem lapsu nouae proturbantur suppetiae. In statu inundationis perfectae, Nilus externa superficie fere stagnans, cursum continuat solitum et subfluuiale affert sedimentum. Interea terram aquis saturat, et ad Canales riuulosque clandestinos penetrat. *Delta* Aegypti subuenit, vndas retardando earumque onera excipiendo, ne in mare defluant omnia. Altera terrae species est *Alexandrina* albo cinerea, maxima ex parte *calcareo*: haec, quantumuis praestantissima, nihil valet arida et exusta, nisi aqua saturata mitescat: quam ex pluuiis, Nilo, nebulis roriferis, et canalibus, puteis machinisque hydraulicis recipit. Clima Alexandrinum tres numerat menses pluuiosos, Nouembrem, Decembrem et Ianuarium. Finum non solum inutilem, sed prorsus noxium damnant terricolae. Soli Cucumeres stercoreatione fimi columbini iuuantur. Fertilitas communi lege hic ad gradum septimum, rarissime ad 24 adscendit. Triticum decies et Hordeum quindecies redit.

Vbi plana Aegypti area definit, ibi montosa inchoat. *Kahira* in deserti huius confinio iacet. Inde serie perpetua vsque ad mare rubrum miscentur colles vallesque. Illi lapide calcareo, petrefactis habitato, constant. Valles arctae et profundae plantis non multis virent in solo arenoso, argilla temperato. *Arena mobilis* hinc inde a Nilo vel mari mediterraneo proiicitur: quae in deserto orientali, remotius a pago *Caid Bey* in solidam montis cotacei rubri compagem. Inter rarissimos lithogoniae prouentus arena minerae ferri conspicitur in littore Nili, et Alexandriae, quam colle-

Etiam in vasculis latis diluunt, in quorum fundo argentum viuum inueniunt. *Lapis arenarius solidus* prope Alexandriam montem subterrestrem constituit, *Catacombarum* concamerationibus famosum. Petrefacta non rara sunt in collibus calcareis, *lithoxylon* rarius, *gypsum stellare* lapides calcareos vestit et foramina eorum replet: *crystalli spatiosae* plurimae, vt et *quarzeae* virides et violaceae. *Sale muriatico* passim impraegnata est terra, quod fertilitati est inimicum. Alexandria *Sal natuum* ter quouis anno colligit ex fontibus salinis. *Natrum* prope pagum *Terrâne* inter *Kahiram* et *Rosettam* abunde ex fundo lacus ingentis colligitur: pars eius est rubicanda, cuius vsus ad saponem, ad augendam panis fermentationem, et ad carnis macerationem. Caeterum in Aegypto inuesti occurrunt montes arte et ordine digesti, *obeliscorum* et columnarum forma: quorum operum materia est *Granites*, *Spato scintillante* rubro praevalente, minus *Quarzo* albo, *Mica* nigra minime. *Iaspidis* et *Porphyrii* innumerae varietates, quae tamen in montibus Aegypti superioris fodiuntur.

pag. Flora Aegypti inferioris, cum quacunque
 XLVI. Europaea collata, pauperrima videbitur: at minime sterilis est Aegyptus; sed parum cum aliis terris habet commune, admiranda omnia, aërem, terram, fluuium, opera hominum et naturae. Nullae illic nascuntur plantae alpinae, neque sylvestres, nec vigent genuinae fluuiatiles et lacustres. Borealis mundi frigora excludunt aduenas teneriores: et Aegyptus ardentissimo illas opprimit calore. Aegyptiacae plantae peculiari oeconomia vegetatiua viuunt: laxissima textura constant, vt venis semper aqua distentis refrigerium habeant paratum; orificia vasculorum rorem excipiunt, et folia totidem sunt radices: hinc transpira-

spiratio fumma, utilis plantis, arborum umbras fubeuntibus. Aestum diurnum perferre, radice inundata, et transire valent ab ariditate mensium aestiualium extrema, ad humiditatem diluuii trimestrem. Tempestatis ordo inuersus quietem hiemalem plantis inducit regionum septentrionalium, dum in Aegypto campus viret et natat omnis. *Entomologia* igitur breuem hic refert censum; oua enim insectorum aquis diu stagnantibus suffocantur: neque adsunt syluae, quas in sicca temperie inhabitant insecta, neque *Aues* monticolae et nemora amantes.

Plantae Boreales totis absunt generibus: paucae, vt peregrinantes, sparsae, facie mutatae, reperiuntur. Aegyptus *Coluteam Carduumque* spinis armat: Suecia *Iuniperum* et *Pinum* foliis acuit: illa *Sycomoricetis* et *Phoenicetis* abundat: haec *Salicetis*. Nilus *Arundine* luxuriante vestitur: Suecia *Caricis* longam prolem tenet: vtraque regio suas seruat semperuirentes. Mirus est fungorum defectus in terra humida; rarissimus reperitur muscus aut *Lichen*. In duos ordines vniuersales diuidit Plantas Aegyptiacas: 1. *plantae irriguae*, vel *cultae*, vt *Palmae*, vel *spontaneae littorales*. Plantae *noxiae* et *inutiles* aut nullae, aut extra oleas et furtim manent. 2. *plantae arenariae*, tabescentes, prioribus oppositae. Ne tristia loca deserta sine vegetabilibus essent, species 50 ibi sedem fixerunt, textura arida et prope crustacea, indolem loci imitantes: foliis ventricosis succum seruant, et propriis impensis viuunt.

Morbos in Aegypto quosdam notauit. *Rihh* p. XLIX *Schoki* est suppuratio cum dolore intenso, diuturno, saepe lethali: pro medicina sunt folia *Palmae* parua, tenera ex summitate decerpta, cocta cum oleo ad substantiam rubicundam, cui adiicitur *Cerussa*:

russa: hoc vnguento locus dolens semel quotidie fouetur. *Stigma Aleppense*, exteris *Sigillo d' Aleppo*, per annum durans morbus, cicatricem imprimit similem ex variolis: exteri raro hoc vulnere foedantur in facie, et Aleppenses illud ut plurimum in iuuentute patiuntur, non est reciduum. *Partit* morbus in *Aegypto superiore* certo anni tempore (vernali nostro) incidens, hominem plus vna vice non vexat, verum tanto vehementius, diebus 15 vel 30; saepe lethalis. Tumor est albus, e quo paruus stylus surgit sub cute; incisio funesto effectu instituitur; palliatur foliis recentibus *Vitis viniferae* et *Betulae albae* impositis. Sequitur *plantarum distributio practica*, quoad foliationem, in arbores umbratiles, frugiferas, herbas odoras et coronarias, cerealia, pabulares, monotropheas, esculentas, tinctorias et medicas, Ligna fabrilia, spontaneas, vel hortenses, vel aquaticas, vel rudericolas, vel pratenses, vel arenarias. Hanc excipit *Flora Aegyptiaca*, systematice conscripta. Vtrisque adpersae sunt observationes, vsum et characteres spectantes.

Praef. Aegypto itaque perarata, atque itinere ulterius per *Tôr*, *Djiddamque* promotum, *Lohaja* primum in Arabiam dedit introitum. FORSKÄLIVS saepe iam in Aegypto ab Arabibus castigatus, nunc ipsa in Arabia renouatum sentiebat timorem. Ast *Yemen* studiis botanicis praestitit securitatem, cuius documento sunt herbationes Auctoris tutae, vagantes et audaces. Nam agrum Lohajensem percurrerebat, et ad vallem *Surdud*, montibus altibus cinctam, refrigerio et aquis foventem plantarum copiam locupletem, herbationes extendebat. Deinde ex *Beitel fakih* geminos fecit excursus, alios in montes *Hadienses*, Helvetiae similes, alios versus *Djöblam* et *Taaes*: vbi arbor

arbor *Opobalsami* matrix detecta est. Tertio exitu *Mochham* profecta est societas infausto tamen euentu. Propositum erat *Sanam* Metropolin Regiam videre, sed studio botanico colophonem imposuit *Taaes*: Nam *Sabber* montem, herbis celebratum, non licuit FORSKA^oLIO sine comite ascendere, neque montem *Soreck*, nisi primo tangere cliuo; ruricolis omnibus dudum elapsis. Iter deinde continuans, corpore aeger, viribusque deficiens, *Ferim* intrauit metam laborum, viarum et vitae vltimam. Est itaque flora Arabica quinque mensium interuallo, viatoris transcurfu collecta.

Delibabimus quaedam ex descriptione *geographico physica Arabiae felicitis*. *Kahirae* ab Oriente pag. LXXXI.
planities adiacet arenosa, plantis paucissimis obsita: fontes aquae viuae tamen non desunt. Colles calcarei deinde obueniunt, continuati ad mare rubrum. *Sues* in fundo sita est, vbi pisces et conchylii, sed nullae plantae. *Ghobeibe* prope collem calcareum thermas effundit, in litore arundines, quae commercio transferuntur. *Hamman Farawn* e regione *Ghobeibe* fontem aquae calidae e cryptis montis calcarei emittit. Lapilli in canalibus incrustantur sale, gustu nitroso. *Mare rubrum* in Suenfi Sinu profunditatem 12 orgyiarum habet: loci forma angustata. Fundus est arenaeus, conchyliis minutissimis mixtus. *Tor* plantis tenerioribus haud felicior tractu Suenfi, arbores pomonas vtilius colit: palmarum syluulae, thermae, et montes calcarei illic occurrunt. *Mons zeitije* (olei) in opposito Aegypti litore nomen obtinuit, ab Oleo (an *Petroleo*?) aquae puteorum innatante, quo contra dolores artuum vtuntur incolae. *Djidda* plantas tantum littoreas nutrit.

Arabiae

pag. *Arabiae felicitis*, quam *Temen* nominant, littus
 LXXXIII maris rubri est arenosum vel argillaceum: inde
 planities argillaceo arenosa *Panicum dichotomum*
 alit fruticosa statura. Fluuiis a pluuiâ genitis, et
 arte sustentatis, campi secantur, qui tamen calore
 diuturno toti exsiccantur. Regio Mochhenfis quo-
 vis anno inundatur aqua pluuiâli, quae in campo
 Sale inquinatur. *Diaebbal* montosa regio limites
 ponit Tehamae superficiem sensim eleuanti: alti-
 tudine prodigiosa et praerupta eminent montes
 haud pauci. *Montes Hadienses* stratis oblique cur-
 runt, vel perpendiculariter abscinduntur: mirabile
 est, molem eorum pentagonis diuersae magnitu-
 dinis effingi, dorsetque montium gradibus arte quasi
 esse exsculptas. *Metalla* in montibus latere plura
 docent signa, quamuis gens metallurgiae rudis
 thesauros effodere nescit. Ferrum arenae insper-
 sum est. Praeterea Carneolum, Onychem, Spa-
 tum ferrugineum granulatum, Seleniten, lapidem
 calcareum rudem, Gypsum hyalinum, Cotem fri-
 abilem, Schistum friabilem, et marcasitas sphaeri-
 cas, vel dodecaëdras commemorat. *Koschaa* col-
 pag. lis, *sale gemmae* grauidus, argilla ferruginea, arena
 LXXXV mixta componitur, lapidibus calcareis disiectis, vel
 per strata digestis legitur. *Mons salis gemmae* alius
 prope Hodeidam, maior Lohajensi s. priori. Tem-
 peries aëris mutationes diuersissimas subit: *Tehama*
 ardore vexatur magno, neque toto saepe anno vl-
 lis solatur pluuiis. Montosa regio aërem spirat
 purum liberumque, nullae tamen hiemes tam
 fortes, vt niues permaneant. Mense Martio plan-
 tae florent omnes.

pag. *Arabia Temen* ab *Aegypto* quoad plantarum
 LXXXVI status est diuersissima: offert plantas nemorosas,
 monticolas, scandentes, quibus immixtae vigent
 Indicae, Africanæ et Syricæ plantae. Ipse Auctor
 fate-

fatetur, ex dato catalogo diuitias florae non supp-
tari posse: confectus enim est transcurfu semestri:
desideratur igitur plantarum numerus dimidii ad-
huc anni. Plantae cryptogamae fere omnes de-
sunt. Plantae *littoreae*, et *marinae*, vt *Fuci* pri-
mum occurrunt: *campestres* sub vmbra arborum
refrigeria inueniunt, *pascua* libera patent, vesper-
tina pabula suggerunt *Holcus* et *Panicum dichoto-*
mum; solus hic pabularis feritur *Phaseolus*. *Ca-*
melus viuit plantis *cucurbitaceis* et *scandentibus*. *Ce-*
realia in campo et montibus occurrunt: montico-
lae hortos agrosque formant penfiles, dum gradus
interceptis muris per interualla horizontaliter sub-
leuant, et muniunt adiectis lapillis. Amphitea-
tralia ista arua incredibili voluptate afficiunt spe-
ctatorem nouum. Syluae in *Tehama* nullae, sed
in montibus et vallibus, obitae *Sceura*, *Tomice*,
Cynancho, *Catha*, *Maerua*, *Ficubus* et aliis inde-
terminatis. *Hortensis* flora in Arabia est angustif-
sima. *Coffeae* patria vera est *Yemen*, quae etiam-
num praestantissimam ex montibus Hadienfibus
suppeditat. Fructus Februario incipit mature-
scere.

Hanc descriptionem Arabiae physicam se-
quitur ordo itineris botanici, practica plantarum
distributio, similis ei, quam supra in flora Aegy-
ptiaca notauimus, et ipsa Flora, numero planta-
rum 693. Tum ipsae plantarum octingentarum
descriptiones incipiunt, inter quas plurimae no-
vae: e quibus nos *nouorum* tantum *generum*, et
medicarum specierum faciamus mentionem.

Noua genera sunt: 1. *Pentaglossum* (*Diandr.* p. 11.
monogyn.) calyce 1phylo, infundibuliformi, 4 vel
5-gono, dentibus filiformibus, persistente; co-
rollae petalis 4 vel 5, calycis limbo insertis, ob-
tusis, calyce breuioribus; filamentis calycis lon-
gitu-

- gitudine eique insertis; antheris globoso didymis, incumbentibus, germine oblongo terete, stylo curuato, germine breuiore, stigmate simplice: capsula calyce recondita, seminibus multis, globosis. *Spec. 1. P. linifolium*, foliis lanceolato-linearibus; flore violaceo. Habitat *Alexandriae Kahirae et Beitel fakih.* 2. *Trisetaria* (Triandr. digyn.) Calycis gluma biflora, valuulis muticis; corollae valuula interiore mutica breuiore, exteriori triaristata. Habitat *Alexandriae.* 3. *Alternanthera*. Facie et floris partibus congruit cum *Achyranthe*: sed stamina 6, alterna antheris carentia, ideoque flos *triandrus*. Nectaria nulla. Habitat
- p. 27. *Rosettae.* 4. *Saelanthus* (Tetrandr. monogyn.): Calyx germini impositus, quadriphyllus, apice cauus, deciduus. Corolla nulla. Nectarium, annulus eleuatus extra pistillum. Germen vrceolatum, Stigma acutum. Bacca. Quinque sunt huius generis species, quarum quaedam LINNAEVS ad *Cissum* retulit: vna nempe f. *quadragnus*, venenatae, reliquae edules. 5. *Roridula* (Tetrandr. monogyn.) Perianth. 4phyllum, lanceolatum, hispidum. Corolla monopetala, 4partita calyce longior. Capsula oblonga. Habitat *Sues.* 6. *Pteranthus* (tetrandr. monog.) calyce nullo, petalis 4
- p. 34. oppositis, alatis. Habit. *Kahirae.* 7. *Sceura*, (tetrandria monog.) perianthium vrceolatum, rigidum, laciniis 8, tribus infimis breuioribus, 5 interioribus ciliatis: corolla infera monopetala. Germen ouato oblongum villosum, stylus filiformis, stigmata 2 curua. Semen vnicum nudum. In insulis maris rubri alneta borealis orbis constituit: folia pabulum Camelis, asinis ouibusque, praebent.
- p. 37. Pentandriae monogyniae noua genera haec sunt: 8. *Geruma*, calyce monopyllo, 5dentato, corolla

corolla pentapetala, lanceolato truncata, antheris trigonis, nectario annulum crassum circa marginem constituyente, cui insident stamina, germine globofo. *Hadje* in Arabia habitat. 9. *Arnebia*, perianthio 5 partito, lineari, corolla monopetala, germinibus 4, stylo vno filiformi, stigmate quadrifido. Semina 4 glabra. Planta est tinctoria, in desertis *Kahirinis* habitat. 10. *Antura* (monog.) perianthio 1 phyllo, 5 partito, corolla 1 petala infera, tubo sursum crassiore, calyce quadruplo longiore, limbo 5 partito. Bacca supera, edulis. 11. *Catha*, calyce crateriformi, 5 dentato, corolla 5 petala; infera, nectario cyathiformi, inter stamina et germen globosum. In *Yemen* colitur propter vires antipestilenciales, quas tamen Auctor in dubium vocat. 12. *Melhania*: perianthium duplex persistens, exterius 3 phyllum, interius 5 phyllum; corollae petala 5 cuneata, campaniformia; nectarium corona circa basin gemina, quinque laciniata; germen superum, globofo ouatum villosum. In monte *Melhán* inuenta. 13. *Digera*: perianthium 5 phyllum, inaequale, margine membranaceum; corolla 5 petala, cylindracea; nectarium vtrinque vnum, inter calycis laciniam parvam lateralem et corollam, apice bilobum; antherae didymae: germen superum globosum, superne planatum, stigma bidentatum; drupa globosa. 14. *Gymnocarpus*: perianthium inferum, 5 partitum, basi pentagonum, laciniis introrsum fornicatis; corolla nulla, filamenta decem, quorum quinque sterilia; in calyce indurato semen nudum ouato acutum. In desertis *Kahirinis*: similis est aliquantum *Herniariae*. Icon eius traditur Tab. X. 15. *Maesa*: pe-

p. 66

16. *Hyperanthera* (monodynamia), pentapetala, petalo vno maiore, superiore, staminibus 4 neutris, quinque antheratis, vno superiore. 17. *Cadaba*, calyce 4phyllo, deciduo, corolla tetrapetala, germine pedicellato. Tres species in Arabia habitantes. 18. *Papularia*, calyce nullo, corolla calycina, monopetala, 5fida, laciniis infra apicem mucronatis; antherae didymae, germen cylindricum. 19. *Suaeda* calyce carnosio, quinque partito, corolla nulla, pistillum tripartitum. Salsolae propinquum genus; nam *S. baccata* est *Chenopodium Aegyptiacum* HASSELQVISTII f. *Salsola altissima* LINN; Tab IX. depicta. 20. *Rocama* (digynia) calyce monophyllo, corniculato, corolla nulla, capsula 2loculari, 2sperma. *Lohajae* habitat. 21. *Eraclessa* a patria *Eraclessa* in Graecia dicta. Est *Andrachne Telephioides*.
- p. 71. Ad Hexandriam pertinent: 22. *Adenia* (monogyn.) perianthio longissimo, monophyllo, 6fido; corolla 6petala, calyce brevior; nectario squamis 6linearibus; germine tubo calyci adnato, stigma crassum emarginatum. Venenatissima haec planta est Arabiae indigena. 23. *Siliquaria glandulosa*: est *Cleome Arabica* LINN. Tab. XVI. fig. B. delineata.
- p. 81. Ex Octandria monogynia 24. *Sodada*, calyce et corolla tetraphyllis, inaequalibus, staminibus inclinatis capsula pedunculata. In Arabia felici, fructus immaturus coctus est edulis. 25. *Binectaria*, calyce 4phyllo, corolla 4petala, nectarium duplex. 26. *Caidbeja* est eadem planta, quam LINNEVS *Forskoleam* dixit. 27. *Volutella* (enneandr. monog.) calyce hexaphyllo, corolla 6petala, pericarpio baccato, semine vno. Planta parasitica, radice et foliis carens, tenuissima, arborescendit; baccae pulpa gustu piperis, sed non acri, contusae vulnere venae Medinensis appli-
- p. 208.
- p. 84.

applicantur. Ex Decandria 28. *Cadia* (monogyn.) p. 90. corolla pentapetala, filamenta ad basin introrsum gibba, pistillum flexum ad latus, legumen lineare polyspermum. 29. *Rokejeka* (digyn.) calyx monophyllus, 5fidus, margine membranaceus; corolla 5petala, germen obhemisphaericum, styli subulati, capsulailocularis, 3sperma. 30. *Cau-canthus* (trigyn.) calyx 1phyllus, campanulatus, corolla 5petala, calyce sextuplo longior, germen calyce longius. Ad Dodecandriam monogyniam pertinet 31. *Culhamia*, calyce nullo, corolla 1-petala campanulata, fructificatio quadricellulata, capsulae 5, basi connexae.

Ex Polyandria monogynia 32. *Orygia*, pe- p. 103. rianthio diphylo, corolla pentapetala infera, capsula globosa, 3valui, vniloculari. *Arabica* planta. 33. *Oncoba*, calyce monophyllo, corolla poly-petala, bacca vniloculari polysperma. 34. *Mae-rua*, calyce 4fido, corolla nulla, nectario multifeto, pericarpio pedicellato. 35. *Chadara*, calyce 5phylo, corolla 3petala, squama ad basin singuli petali, nectarifera, nuce 2loculari, disperma. Ex Didynamia: 36. *Simbuleta*, calyce p. 115. 5fido, corolla campanulata ringente, antheris connatis. 37. *Charachera*, calyce 2 vel 4phylo, corolla labio superiore nullo, capsula biloculari, disperma. Ex Tetradynamia 38. *Zilla*, glandula p. 121. magna inter stamina breuiora et pistillum, altera inter longiora et calycem. Duae species: altera Auctori *Z. myagroides* dicta est *Bunias spinosa* LINN. hic Tab. XVII. A. delineata: altera noua, vt videtur, tab. XVIII. A. depicta est. 39. *Mnemo-* p. 122. *silla*, calyce diphylo, corolla 4petala, inaequali, petalis cruciatis et duabus calycis laciniis in petala mutatis. Facies plantae instar *Geranii*: hanc plantam prae caeteris ex Aegyptiacis amauit FORSKÄLVS, eamque in sui nominis memoriam appellari

p. 127. optauit. Ex monadelphia 40. *Elcaja* (decandria, monogynia) staminibus aequalibus, perianthio campanulato, 1 phyllo; corolla 5 petala, lineari. In montibus *Yemen*: Contra *Psoram* semina matura miscentur in vnguentum cum oleo *Sesami*.

p. 152. Ex Syngenesia 41. *Micrelium* (polyg. superfl. radiata), receptaculo fetaceo, paleaceo, pappo nullo, calyce 9 fido, corolla longiore. 42. *Kahiria* (polyg. aequal. discoid.) calyce polyphyllo, receptaculo nudo, seminibus 5 angulatis. 43. *Ceruana* (polyg. superfl. discoid.) calyce communi, aequali; receptaculo paleaceo. 44. *Polycephalos* (polyg. capitata) calyce 4 phyllo, multiflora. Mirae indolis planta: *Echinopi* affinis, facies capituli vt *Scabiosae*. *Hyssopi* odori similem fragranter spirat planta.

p. 158. Ex Gynandria 45. *Moscharia*, (tetrandria monogynia) calyce 5 dentato, corolla nulla. Odorem moschi spirat fortissimum. Ex Monoecia 46. *Kosaria* (diandria), calyce communi, monophyllo, carnosio, 10 fido; receptaculo nudo, floribus verruciformibus confertis. *Hadje* habitat; contusa exanthematibus medetur, sale mixta datur vaccis aegris et grauidis. Ad *Dorsteniam* LINN. videtur referenda, Tab. XX. icone est depicta. 47. *Turia* (pentandra), calyce 5 partito, corolla 5 petala, fructu cylindrico, vtrinque attenuato, 10 sulcato, villoso. Arabia quinque species nutrit. Ex Dioecia 48. *Aerva* (pentandr. monog.), calyce 5 phyllo; capsula monosperma. Nonne potius pertinet ad Polygamiam, cum in alia planta flores hermaphroditos inuenerit FORSKÄLVS. 49. *Cebatha* (hexandra) perianthio hexaphyllo, corolla 6 petala, bacca tricocca, filamenta maris inserta cavitati baseos petali. 50. *Leaeba* (hexandra) perianthio 5 phyllo, corolla 3 petala, filamenta subclauata, antherae quadratae: Feminam non vidit

vidit Cl. Auctor. § 1. *Keura odorifera* foliis lineari lanceolatis ciliato spinosis. Arbor palmis similis, at sine spatha. Folia Bromeliae foliis similia, floralia alba, inter quae versus terminum ramorum imbricata basi sunt paniculae masculae, antheris sparsis. Odoris causa stipitibus propagatur, quum arbor foeminea desit. Polygamiae duo sunt noua p. 178. genera § 2. *Sehima Ischaemoides*: differt ab *Ischaemo* spiculis pedicellatis, mere masculis, quamuis bifloris. § 3. *Themeda triandra*, spicae capitatae, gluma vniflora, corolla biualui: in medio capituli exsurgit pedicellus, in quo 2 masculae pedicellatae, 1 hermaphrodita sessilis.

Sequuntur iam ex tam insigni nouarum plantarum numero eae, quae propter vsum vel noxam potissimum medicorum attentionem desiderant. *Cissi arboreae*, foliis oblongis, integris crassis, fructus maturus est edulis: folia contusa imponuntur tumoribus et bubonibus: vis antitoxica adeo famosa, vt carmine quoque celebretur. p. 32. *Corni sanguineae* folia cum foliis *Daiurae metel* contusa in cephalalgia fronti applicantur; e baccis gluten paratur; lignum ad opera fabrilia vtile, fructus edulis, at aestuans. p. 33. *Ophiorhizae lanceolatae* radix contusa contra vlcera applicatur. p. 42. *Asclepiadis spiralis* semina dulcia medicamen laudatum contra tormina ventris. p. 49. *Cynanchi pyrotechni* medulla pro fomite ad ignem excipiendum vtuntur Arabes; succo vngunt variolis laborantem, miro successu vires restituendi; rustici caules recentes masticant ad dentes purgandos. p. 53. Ex *Suaeda monoica* Arabes Yemenes sal alkali extrahunt, cuius diluta solutione vestes lauantur, antequam sapone imbuuntur, pretiosa his in oris merce. Sic paratur: Ligna vel carbones terrestri foueae inieci accenduntur, rami *Suaedae* recentes et foliosi imponuntur sensim, et depastis primis, sal fundum foueae pe-

- p. 79. tit, vnde forma scoriae nigrae excipitur. *Amyris Opobalsamum*, foliis ternatis, integris, pedunculis vnifloris, *A. Kataf* foliis ternatis, apice serratis, pedunculis dichotomis, et *A. Kafal*, tres vnus generis species, quarum drupa odorem spirat fragrantissimum balsami; pulpa drupae viridis, si vulneretur, balsamum stillat albidum; gummi huius arboris medicamen purgans est; lignum magna commerciorum pars est, et ad Aegyptum transfertur, vbi vasa hydrophora fictilia hoc fumo impraegnantur, vt gustum contrahant huic genti expetitur. Arbores hae primum visae ad hospitium *Oude*, non longe ab vrbe *Haes*. *Euphorbiae thymifoliae* succus purgans est vehemens, herba
- p. 99. contusa imponitur vulneribus. *Capparis Mithridatica*, foliis alternis, pendulis, lineari lanceolatis, contra venenum et morsus serpentum laudatur, tanquam heroica; rami teneriores comeduntur crudi, si recentes, si sicci, in puluerem comminuti. *Reaumuria vermiculata*, foliis carnosissimis, planis, parvis, confertissimis, contra Pso-ram im-
- p. 131. ponitur trita et decocti forma bibitur. *Lupini Termis*, calycibus alternis appendiculatis, labio utroque integro acuto, carbones ad puluerem py-
- p. 137. rium adhibentur. *Indigofera houer*, tinctoria, ob colorem coeruleum vbique colitur; qui sic paratur. Planta secta expanditur, siccat, deinde iniicitur testis magnis, ad dimidium vsque, aqua fontana affunditur ad summum marginem. Sic per 2 horas fermentationem subit. Tum valde miscetur baculo arundinaceo, cui ad inferiorem apicem quatuor paxilli lignei cruciatim positi. Folia natantia auferuntur. Aqua per foramen $\frac{1}{2}$ spithamae supra fundum testae emittitur, quae viridis et nullius vsus. Sedimentum est Indigo. Foveola in terra excauatur non profunda, 2 vlnarum diametro; foliis reiectis comminutis vestitur, huic strato

strato Indigo insternitur ad siccandum. *Indigoferae* p. 138.
tingitoriae, qua Aegypti ad tingendum vtuntur, se-
mina cum oleo *Sesami* et sale ammoniaco commix-
ta, mane assumpta, taeniam expellunt: sub vsu autem
aqua per triduum abstinere, nil nisi panem edere
iubent, potum *Coffeae* permittunt. Ex *Cacaliae* p. 145:
pendulae caule super carbones ignitos calefacto
succus exprimitur contra aurium dolores com-
mendatus. *Cacaliae odorae* caules siccati inser-
viunt suffimigio odore grato, praesertim variolis
laborantibus. *Santolina fragrantissima* in officinis p. 147.
ob odorem venditur, est resoluens medicamen-
tum, succus oculis dolentibus inungitur. *Croton* p. 163:
villosus in furunculis et apostematibus in vsu est:
stipites recentes imponuntur, quo tumor emolli-
tur et dolor sedatur. *Holcus Durra* est Arabum p. 174.
cereale vulgatissimum, ex quo panis conficitur
Europaeo palato insipidus. De *Fico Sycomoro* p. 180.
vera notatu digna refert: fructus non in ramis na-
scitur, sed ex ipso trunco et e ligno ramorum ma-
ximorum furculi exeunt conferti frugiferi. Cl. Auctor
multos fructus Ianuario et Februario mense dis-
secuit: in aliis minoribus durisque nihil nisi ob-
scura florum rudimenta vidit: in maioribus succu-
lenti *squamae* sub umbilico calycis integerrimae;
prope has erant flores masculi, quibus duo sta-
mina data erant: vnicus tria praebuit: reliquum
spatium calycis internum flosculis femineis pedi-
cello hemisphaerico insistentibus repletum erat,
germine tumido, obouato; versus apicem e latere
exit stylus brevis, stigmate longiore, incrassato,
Omnia haec germina vel plena erant *Cynipe* per-
fecto, vel vacua egresso *Cynipe*; vel marcida, nec
femine, nec infecto foeta. Videntur ideo germina
solis insectis producendis destinata. Insecta ger-
minis alia sunt alata, quae *Cynips sycomori* ab
HASSELQVISTIO nominantur, alia aptera,

aculeis ani binis transuersis, quae sexu solo differre videntur, aguntque vices hortulani, inambulando pollinem spargentes: alatorum officium est, alios peragrarare fructus, eosque maturare, simulque suum genus propagare. Exeunt prope vmbilicum ficus, per foraminula dentibus exesa. Fine Aprilis maturi sunt Ficus sycomori fructus; molles et dulces sunt: flores masculi ad vmbilicum clausi, qui in medio apertus foramine paruo, et circum illud annulus latus impressus, arte factus incolarum, qui hac incisione maturitatem conciliari putant; in his ficubus autem nulla sunt semina. *Cynips Sycomori* Tab. XXIV. fig. C. depictus est.

Subnectamus catalogum reliquarum plantarum icone delineatarum.

- p. 3. Tab. I. *Salicornia perfoliata*, fruticosa, foliis carnosiss, vrceolato orbiculatis, caule perfoliatis.
- p. 33. Tab. II. *Saelanthus quadrangonus*, qui est *Cissus quadrangularis* LINN.
- p. 35. Tab. III. *Saelanthus digitatus*, foliis inferioribus palmatis quinatis, superioribus ternatis, omnibus petiolo communi sustentatis.
- p. 35. Tab. IV. *Saelanthus rotundifolius* s. *Cissus cordifolia* LINN.
- p. 45. Tab. V. A. *Hyoscyamus Datora*, s. *H. muticus* LINN.
- p. 207. - - - B. *Parnassia polyneetaria*, foliis lineari-lanceolatis, neetariis 10 fetosis.
- p. 52. Tab. VI. *Stapelia quadrangula*, folliculis subulatis, coniugatis.
- p. CVIII Tab. VII. *Stapelia subulata*.
- p. 55. Tab. VIII. A. *Salsola articulata*, caule fruticoso, decumbente, aphylo, ramis floriferis articulatis, floribus oppositis ad apices articulorum.

Tab.

Tab. VIII. B. *S. inermis*, fruticosa, aphylla, ramis inermibus, bracteis farinoso villosis. p. 57.

- - - - - C. *S. imbricata* fruticosa diffusa, inermis ramis villosis, ramulis imbricatis, bracteis obtusis nudis.

Tab. XI. *Zygophyllum desertorum* f. *Z. coccineum* LINN. p. 87.

Tab. XII. A. *Z. proliferum* f. *Zygoph. album* LINN. p. 87.

- - - - - B. *Z. portulacoides* f. *Z. simplex* LINN. p. 88.

Tab. XIII. *Euphorbia retusa*: an *E. ferrata* LINN.?

Tab. XIV. *Glinus crystallinus* f. *Aizoon Canariense* LINN. p. 95.

Tab. XV. *Annona glabra*, an *A. reticulata* LINN. p. 102.

Tab. XVI. A. *Lunaria scabra* f. *Cheiranthus farsetia* LINN. p. 117.

Tab. XIX. *Senecio hadiensis*, foliis lanceolato ovatis, crassis glabris denticulatis, panicula corymbosa. p. 149

Subiungamus denique *Hydram multicornem* Tab. XXVI. *B. b.* esse idem *Molluscum*, quod Cl. O. F. MÜLLER in Actis Societ. Berolinens. Vol. I. *) descripsit. Tab. 26. f. L. *Holothuria denudata* est *Medusa umbella* EIVSDEM. Tab. XL. f. D. E. sunt duo animalia, quod esse nequit, tanquam incolae vnius testae depicta.

XVIII.

Acta Heluetica, Physico-mathematico-anatomico-botanico-medica, figuris aeneis illustrata. et in usus publicos exarata. Volum. VIII. Basileae. Typis et Sumtibus Ioh. Rudolphi Im-hof et filii. 1777. 4. I Alph. 5 plagg. tabb. aen. III.

Ll 5

Tracta-

*) vid. comm. nostr. Vol. XXI. p. 697.

Traſtatus huius voluminis ſunt hi:

I. Diff. de natura criſum in febribus acutis.

- p. 1. Dignitate huius doctrinae oſtenſa tranſit Noſter ad varias febrium ſolutiones, in ſanitatē nempe vel in aliū morbum vel in mortem. Si motus febriles abſque vlla euacuatione diſparent, haec coctio perfectiſſima febrisque ſanatio *per aſſimilationem* fieri dicitur, vbi nimirum materia peccans humoribus ſanis analoga redditur ſine criſi euidenti. Id quod rarius contingere Noſtro videtur.
- p. 7. Per criſin ſeu iudicationem hic ſtriſtius ſumptam Noſter intelligit ſpontaneas fere repentinas nouas auctas turbulentas commotiones in febris acutae ſtatu aut declinatione, cum adiuncta aut ſubſequentē materiae morbificae translocatione vel excretionē manifeſta morbike praecipui ſine aut ſaltem notabili in melius deteriusue commutatione.
- p. 9. Differunt criſes in acutis ratione vehementiae et durationis, loci, materiae, effectus in morbum integrum vel partem eius, euentus, numeri et temporis. Miſſis reliquis criſum varietatibus antea enarratis, de diebus criticis, quae Cl. Auctor habet, videamus. Critici, iudicatorii, iudiciarii vel decretorii dies iam a veteribus ſunt obſeruati, etiamſi recentiores ipſos ob varietatem aegrorum, virium, climatis cet. non adeo attendunt. Horum autem alii ſunt principes aut magis legitimi, vbi perfectā criſis apparet, vt dies IV. VII. XI. XIV. XVII. et XX; nimirum fere quaternarii et ſeptenarii in acutioribus febribus, in longioribus, porro ſeptenarii, ſcilicet dies XXVII. XXXIV. XL: denique ſoli vicinarii, dies LX. LXXX. et C; inter quos tamen maxime
- VII.

VII. XI. XIV. et XVII. prae reliquis potentia et iudicandi dignitate pollent. Alii dies critici inferioris ordinis sunt, frequentia et securitate crifium minus celebres, faepius ex accidente quam naturaliter tales, coincidentes, subincidentes aut intercidentes ideo dicti, quales fere obseruati sunt in febribus acutioribus dies morbi III. V. VI. IX. et XIII. Sed cum in diebus, qui praecedunt criticis, de viribus vitae, coctione materiei cet. iudicare liceat, illos horum respectu dies indices, indicantes internuncios aut contemplabiles appellarunt, vt hinc fequentium dierum criticorum indices sint ipsi dies critici praecedentes, quartus septimi, septimus noni vel vndecimi cet. Qui vero a commotionibus turbulentis et euacuationibus plerumque liberi sunt, dies vacui nominantur, quibusdam etiam medicinales, quod in iis securior fere remediis est locus, vt dies morbi VIII. X. XII. XVI. XVIII. XIX. XXI. cet.

Tum signa crifium diagnostica Noster persequitur, quibus generalibus praemissis, notae adduntur, quae singulas criticas euacuationes specialius indicant; vt crisis cutanea per sudores, per renes yrina critica, vomitus criticus, alui fluxus criticus cet.

Progreditur Noster ad caussas crifium proprias. Quae causa nouas auctasue exacerbationes febris et euacuationes aut metastases creat, eadem causa proxima crifium erit, vt adeo, cum omnis commotio febrilis proueniat a frequentiori cordis et arteriarum motu ex stimulo praeternaturali et inconfueto ipsis applicato, hic inquirendum fit 1) vnde dicto febrium tempore nouus stimulus materialis ad cor perueniat, 2) qualis illa materia sit, 3) quae causae maioris tunc demum mobilitatis humorum criticorum et 4) aucti motus solidorum

dorum sint, 5) cur denique statis fere temporibus tales motus contingant?

p. 23. Stimulus cor ad frequentiores contractiones febriles irritans, quatenus aliunde accedit et mutabilis est, eo deferitur vel per nervos vel cum sanguine per venas vel per vtramque viam.

p. 25. Materiam illam criticam esse acerrimam, inflammantem et septicam origo et effectus probant.

p. 28. Aucta reactio solidorum in fluida est causa formalis crifium.

p. 32. Prouenit adeo genuina crifis a repentina commotione materiae morbificae siue contagiofae sanguini introductae internumque seminium euolvente, siue residuae adhuc in primis viis et vasorum extremitatibus haftenus stagnantis, iam vero magis minusue coctae nec sanis tamen humoribus assimilandae, sed ob conceptam ex stagnatione et calore acrimoniam septicam, vehementem in partibus, quas alluit, reactionem spasticam hinc validiorem accessionem febrilem concitantis, ex qua eadem impensius agitata penitusque subacta expellitur denique, securioremue in locum transferatur cum prioris morbi diminutione aut cessatione, vel grauiter laeduntur partes ad vitam necessariae, functionesque suas porro sustinere nequeunt, vt sic funesto crifis euentu terminetur.

p. 35. Crifin autem varie mutare atque turbare queunt antecedentes causae s. remotiores, cum praedisponentes, tum occasionales, quae augent vel imminuunt, vel accelerant, vel retardant crifin e. s. p. Atque inde pendent etiam crifium vtilitas noxae et varii euentus. Id quod cernitur in crifibus perfectis, imperfectis, metastaticis, et recidiuis.

2. Dissertationis *de crisi*bus pars altera, qua *pro-* p. 43.
*phylaxis crisi*um exponitur. Medela crisi^{um} est
 prophylactica, curatoria et palliativa, Noster vero
 hic vnice praeferuatoriam curat. Oportet hic me-
 dicum euitare in febrium decursu ea omnia, quae
 ipsarum vehementiam augent ac crises nimis prae-
 cipitant. Porro in acutis impediendum est me-
 dico, quominus morbi augmentum augeatur et
 curandum, vt reliquiae sanitatis conseruentur
 cet. Haec fiunt partim regimine, partim reme-
 diis.

Exemplis aliquot omnia haec adeo bene et p. 50.
 profecto vtiliter a Nostro hic disputata, breuiter
 illustrantur. *In febribus exquisi*te inflammatoriis
 cum vel sine manifesta inflammatione locali, quo
 et arthritem acutam refert, prae aliis euacuan-
 tibus valde stimulantibus, venaesectionem ter qua-
 terue suadet insimulque moram in aëre tempe-
 rato, frequentem surrectionem e lecto, ambu-
 lationem in aëre libero, quamdiu vires per-
 mittunt cet. Medela *febrium catarrhalium beni-*
gnarum in eo maxime diuersa est ab anteceden- p. 51.
 tibus, quod inflammatio in his magis serosa sit
 et fere superficialis plerumque in interioribus
 narium, faucium, asperae arteriae, bronchio-
 rum cet. locis. *In febribus remittentibus biliosis* p. 52.
et erysipelaceis conueniunt inprimis cholagoga
 emetica cathartica et regimen temperatum cet.
In putridis febribus conducunt praesertim primis p. 53.
 diebus euacuantia, aër frigidus et purus, acida
 e. f. p. In iis ac in *pestiferis malignis* suadet
 Noster, saburra primarum viarum euacuata, vi-
 na alba subacida pro scopo antiseptico et car-
 diaco. *Febrium exanthematicarum naturalium* p. 54.
 cura prophylactica, vt crisis primaria perfectior
 et securior obtineatur, partim ante morbi,
 subin-

subinde praeuifi, initium, locum habet, partim quando prima febris adest. Naturalia exanthemata sunt, variolae, cet. miliaria aut petechialia exanthemata praeternaturalia a Nostro dicuntur. *Intermittentium febrium digestiua* Nostro praecipua sunt e. gr. ex cremore tartari in quotidiana, ex salibus mediis in tertiana, ex sale ammoniaco in quartana febre, tum emetico purgantia, in prioribus fere cholagoga, in posteriori magis phlegmagoga cet.

P. 58.

2. NICOL. IOSEPHI JACQUIN *illustrationes quaedam botanicae. Samydae nitidae* LINN. et *Caseariae nitidae*, in historia stirp. Americ. p. 132. descriptae, characteres discernentes indicat: differt *Casearia* praesertim nectario foliis octo vel decem composito, foliisque ouatis vel oblongis: icon adjuncta reliqua indicat. Deinde *Axyris pentandrae*, in eodem opere pag. 244. descriptae iconem addit.

Rationem, cur *Cycas circinalis* nuper a LINNEO in mantiss. II. et *syst. vegetab.* ed. XIII. ad filices relata sit, Cl. Auctor non perspicit. Est enim stirps dioica, cuius florem femineum, ex viua planta, quae in horto Caesareo Schoenbrunnensi saepius floruit, depromptum et marem ex squamis siccis in figuris exposuit. Flos femineus in vertice trunci copiose inter folia egreditur, et germen subrotundum tomentosum, breuissimo stylo praeditum offert. Fructus est drupa ouata, nitida compressa.

P. 61.

3. *Dissertatio historica epistolaris de morbo nigro* I. I. D'APPLES M. D. ad S. A. D. TISSOT. Ictero atro siue morbo nigro HIPPOCRATIS laborabat vir septuagenarius, qui a pri-

a prima iam iuuentute angustiam orificii inferioris vnetriculi pylori dicti sine multis incommodis, praeter vomitus, nimia quantitate alimentorum aut dulcium pinguiumque ingesta, fenserat. Sed diu post vomitus cruentus niger copiosus cum eiusmodi aluinis deiectionibus subsequēbatur. Irritis omnibus remediis per septem septimanas in auxilium vocatis, tumebat et dolebat abdomen e regione orificii inferioris ventriculi et ob angustiam supra iam memoratam aeger anxietatem et dolorem sentiebat, simulac alimenta sumta fuerant. Id quod quoque aegroto creabat taedium omnis generis alimentorum, exceptis liquidis, quae etiam afferebant aliquam molestiam, sed momentaneam. Hoc vitium mechanicum in pyloro videtur. Nostro vna causa huius morbi, et alteram repetit ab impuritatibus infimi ventris diu retentis. Quibus euacuatis, quae erant deiectiones nigrae, glutinosaeque, cum leuamine ventriculi et intestinorum, cum digestionis et appetitus reditu, recuperavit aeger non quidem sanitatem integram, attamen modum viuendi satis opportunum, vt rursus muneribus fungi posset. Suasit praeterea dietam tenuem, motum lenem, clysinata emollientia, cet.

4. *Observationes aliquot de arcus Aortae ramis, de arteria thyroide quinta s. supernumeraria, deque vicinis his quibusdam arteriis aliis*, IO. IACOBI HUBERI. Primo vidit Cl. Auctor in cadauere puellae sesquiennis et pueri 12 dierum loco trium ramorum in duos modo fissum esse arcum aortae; cum carotis sinistra cum arteria innominata, vnum communem truncum haberet. Deinde de aucto numero plures fecit observationes, cum minimus ramus inter carotidem et subclauiam sinistras prodiret.

ret. Altera figura delineatur vertebralis arteria plane singularis, quippe quae eadem est, cuius originem ex aorta mox indicauimus. Ordinem etiam turbatum inuenit, vt subclauia dextra e centrali arcus parte prodiret. Sulcum, praeter alia, p. 77. commemorat, in pulmones a venae subclauiae transitu expressum. Incuruationes arteriarum capitis adscendentium frequentissimas esse in iunioribus, vt augeri possint et vt colli aliarumque partium prolongationem faciliorem reddant. Negat Cl. Auctor, ad imminuendum sanguinis impetum incuruationes factas esse, nec sanguinem puriorem et subtiliorem ad cerebrum ferri concedit: sed vbique intime mixtum eum esse affirmat.

Reliquae obseruationes de variatione thymicarum arteriolarum, de thyroide arteria quinta s. supernumeraria, de arteria singulari, pulmoni concessa, intercostali superiore, mammaria, bronchiis, oesophagaeis et pharyngaeis, et de arteriola, venae iugularis comite exponunt.

p. 106. 5. *Lithophagi historia physica cum nonnullis adnotationibus super digestionem, Auctore E. M. ROSTAN.* Homo ferus, in insula Septentrionali inuentus et a nauta Belgico in Europam translatus, carne et lapidibus *) vescebatur, neque aliis cibis vti volebat. Silices deglutitos et pollicis et dimidii longitudine, totidemque latitudine, et dimidii crassitie: atque lapides duros, vt marmor in pul-tem redigebat. Silices, quos excernebat, pondere et magnitudine imminuti erant: atque reliqua excrementa quasi calx puluerisata erant. Per duodecim horas dormiebat, et reliquum tempus edendo, spiritum frumenti bibendo, et nicotianam fumando terebat. Eodem modo, quo aues, Cro-

*) v. similia exempla supra p. 501.

codilus et alia animalia, ossa et lapides digerunt, hunc hominem quoque id praestitisse Cl. Auctor putat.

6. ACHILLIS MIEG *illustratio quarundam Holci specierum*. Primo *Holcum saccharatum*, panicula sparsa laterali, locustis hermaphroditis villosis, ellipticis, seminibus ovalibus, vberius describit et florum icones characteristicas dat. Deinde accuratiores definitiones subiungit *Holci halepensis*, panicula sparsa terminali, acuminata: locustis hermaphroditis lanceolatis glabris: seminibus oblongis complanatis: *Holci Dorae*, panicula coarctata ovali, maturescente cernua; locustis hermaphroditis ouatis villosis; seminibus rotundis compressis: est *Holcus Sorghum* LINN. *Holci Sorghi*, panicula coarctata ovali erecta; locustis hermaphroditis obouatis, pene glabris, subaristatis, qui est *Holcus glumis glabris* LINN. *Cliff.* p. 468. et ad *H. bicolorem* in Mantiss. II. refertur.

Omnibus his speciebus commune est, locustas florere in racemis glomerulosis, semper esse geminas, in apice ternas, vnam maiorem sessilem, hermaphroditam, alteram subpedunculatam, sterilem: iuniores villosae sunt. Exterior gluma calicis in locusta fertili obtusior est, tribus spinulis herbaceis notata. Folliculi exterior gluma maior, altera breuior, fissa ista, arista tortili ex fissura prodeunte, vtraque membranacea, subtiliter villosa. Staminum antherae vtrique bifurcae, stigmata penicilliformia, vt in *Milio*. Mauult igitur has quatuor species a reliquis Linneanis speciebus, nomine *Sorghi* separare; et *Holcum mollem* et *lanatum* inter Auenas relinquere, *Holci* nomine pro ceteris speciebus seruato.

7. WERNERI DE LACHENAL *observationes nonnullae botanicae*. Insunt annotationes quaedam ad stirpes Helueticas, quae in IACQVINI flora Austriaca depictae deprehenduntur: sunt vero sic comparatae, ut apte in compendium redigi nequeant. Synonyma potissimum corrigit et certiores descriptiones dat.

P. 148. 8. JO. RUDOLPHI STEHELIN *observatio de iecinore dilacerato*. Puer 12 annorum, vehementer a machina quadam percussus, animi deliquio, vomitu, doloribusque omnium partium vexatus, intra spatium 6 horarum moriebatur: cadauere mortuo, hepar in media parte, pollicem a ligamento suspensorio distante, fissura sex pollices longa ruptum erat. Conf. MORGAGNI de *sed. et caus.* morb. epist. LIV. §. 16.

P. 151. 9. EIVSD. *observatio de suffocatione a botulo*: Frusto botuli auide deglutito, homo sexagenarius subito obmutuit et post 15 minuta horae vivere desiit. Aspera arteria incisa, statim retro epiglottidem in rima glottidis frustum haerebat, ultra pollicem longum, eamque accurate obturabat.

P. 155. 10. *Descriptio partus difficilis et praeternaturalis occipite prolis dubiae praeuio, a hydrocephalo externo*, IO. LVD. BVXTORFII. Femina, nupta a 13 circiter mensibus, annum aetatis 29 agens, sana, a. 1773 prima vice vterum gerens, multis morbis in grauiditate solennibus infestabatur: donec d. 28 Febr. 1774 mane doloribus ad partum veris corripiebatur: abortis circa vesperam contractionibus vteri fortibus, et per dilatatum eius orificium membranis propulsis et ruptis, mox praegran-

praegrande prolis caput inclauatum mansit a 7 vespere hora ad mediam noctem.

Accersitus Noster inuenit admodum durum abdomen, genitalia tumentia, situm prolis naturalem: manumque immissa hydrocephalum externum sensit: atque periculo de morte matris imminente, etsi nulla de fetu mortuo adessent signa, cum aliud remedium non applicari posset, perforatorio FRIDII caput fetus diminuit, et deinde feliciter prolem masculam, aërem bis vel ter e pulmonibus cum aliquali sibilo eructantem, non viuacem, longam, pallidam, facie difformi oedematosa, palpebris oculi dextri coeruleo colore suffusi extraxit. Mater omnino reconualuit.

Reliquas obseruationes hic omittimus.

XIX.

FLORIS IACOBI VOLTELEN Med. Doct. Diatribe memorabilem septennis apositiae historiam continens. Lugduni Batauorum et Traiecti ad Rhenum, apud Sam. et Ioann. Luchtmans, et Abr. van Paddenburg. 1777. 8. pagg. 120. cum tabb. aen. 3.

Femina cibi fastidio affecta, iuuenili aetate sanitatis gauisa est praestantissima, donec anno XLIII. mortem sororis infantisque sui vehementissime lugens, hystericis affectibus aegrotare inciperet, quos quidem debilitas, ciborumque appetentia sensim imminuta secuta sunt. Per annum circiter coffeae lactisque potu nutrita, syncope atrocissima laborabat, haemorrhagiis narium utriusque frequentibus, viriumque prostratione tanta,

p. 1.

et per triennium fere pedibus insistere nequiret. Recuperavit vero paulatim amissas vires, adeo ut negotiis consuetis satisfacere posset, cibi vero ab eo tempore, praeter aquam, theae potum, croci infusum, saccharum et parvam spiritus iuniperini quantitatem, nihil assumisse, et sua et aliorum multorum auctoritate probare annitur; alui deiectiones per quatuor annos vix vllas fuisse fertur, catameniorum fluxus inordinatus apparuit, ob artuum dolores, quibus interdum cruciabatur, vena ei quotannis mense Maio secta est. Fuit vero corporis habitus parvus quidem gracilisque, neque tamen praeter consuetudinem macilentus, animo ipsa fuit praedita quieto saepiusque hilari.

p. 9.

Recenset dein variorum super similibus abstinentiae historiis diuersa iudicia, et experimenta cum femina ab se et Cl. HAHNIO Prof. Med. Lugd. instituta tradit. Obseruarunt vero Viri Cll. per vndeuginti dies 1481. cum dimidia vncias minxisse, bibisse vero 1502. vnc. infusi theae, spirit. iuniperini vnc. 42. sacchari vnc. 36. adeoque eodem tempore fere 100. vncias ultra pondus vrinae emissae assumisse. Perspirationis ope parum omnino exiisse e corpore fertur. Sanitas ipsi tunc temporis fuit constantissima, praeter rheumaticos dolores parui caeteroquin momenti, quorum causa a Cl. Auctore ipso venae sectio vnc. 5. dr. 2. instituta est. Sanguis exiliens rubens floridusque erat, serum inde separatim septem drachmarum pondus aequauit, cruor contra vnc. 4. drachm. 3. Pulsus fuit plenus, fortisque, minuti spatio sexagesies sexies, ad septuagesies quinquies digitum feriens. Somnus octo horarum plerumque inquietus, cutis arida, alui deiectio nulla. Vrina per duos annos in loco calido seruata, chemicisque variis adminiculis

eulis disquisita alcaliescentiae signa omnino nulla exhibuit. Neque salis vestigia in ea reperiri potuerunt.

Transit iam ad corporis ipsius scrutinium, et p. 26
in genere de usu sectionum quaedam praemittit, quae repetere longum foret. Instituta cadaueris sectione haec in ventre imo sunt reperta: *vesicula fellea* fuit capacissima, *ventriculi* situs perpendicularis, contractus, densissimus, liquore multo tenui flauescenti repletus, *intestinum duodenum* crassius erat atque praeter modum coarctatum. *Colon intestinum* inane prorsus, vesiculam felleam non accedebat, tribus in locis eximie contractum confriatumque cernebatur. Cum *intestino recto* vero saccum quendam formabat mollem, materia quadam, mucosa, foeculenta, colore odoreque naturali praedita repletum. Recensetur dein summa libri super eodem aegroto a P. M. NIELEN, Hollandice, Ultraiecti 1775. scripti.

In causarum huius morbi scrutinio, primo p. 42
de causa famis in genere differit, eamque in ventriculi aequae ac sensorii communis integritate atque sympathia vtriusque quaerendam esse censet. Sunt vero causae morbi huius *animi commotiones lentae diuturnaeque, affectiones hystericae, debilitas summa, virium prostratio, phantasia deprauata, ventriculi atque intestinorum contractiones*; has ultimas tamen pro effectu potius, quam pro causa morbi habendas esse arbitratur Cl. Auctor. Explicat deinde causam: cur fame sublata fitis integra remaneat, ita ut vtrique rei diuersos originis fontes esse statuatur, ab animi imperio proficiscentes.

Accedit iam ad explicandam vitam hominum p. 63
a cibo abstinentium, putatque primo eos, qui parum excernant corpusque non nimium moueant,

nutrimento egere parcissimo; corpora *deinde* laxa, phlegmatica, pituitosa, ieiunium facile ferre Nostro videntur, ad quae mulieres, inprimis referendae sunt; pinguedo *porro* in cellulosa tela contenta, ad alendum abstinentiae tempore videtur commodissima; consuetudo *etiam* esuriendi, Ipsi ad in-
ediam tolerandam quid conferre videtur; *quinto* ad idiosyncrasiam quandam confugit, quae Nostro aliquid ad hanc rem explicandam conferre videtur; potulenta *quoque* nutriendi quandam habere potentiam Ipsi videntur; *denique* arguit vivere quidem sine cibo vel potu homines, non vero valere. Studet deinde, his generalioribus de asitia exhibitis, nutrimentum feminae, de qua sermo est, detegere, propterea nempe, quod quae in genere de hisce hominibus varie aegrotantibus monuerit, ad eam bene caeteroquin valentem applicare non possint. Existimat autem, BONNETVM secutus, competere aquae nutriendi, humoresque humani corporis, ex aqueis particulis nimirum constantibus, conseruandi facultatem. Theae infusum, quo mulier ista copiosius vsa est, longo disquiritur ab Cl. Auctore sermone, viresque ipsius merito pro antisepticiis, roborantibus, stimulantibus, narcoticisque habentur, adeoque cum fixiores theae partes in se suscipiat aqua, pro parum nutriente habetur. Saccharo quoque, ex gelatinoso, viscido, oleoso, salino, principio constanti, nutritivae vires competere videntur. Spiritus iuniperi, quo vsa est aegrotata, non quidem ipsam nutriuit, verum potius roborauit, et ad famis sensum percipiendum ineptiorem reddidit. Ipse quoque aëris suffimigiorumque accessus ad ipsam alendam aliquid contulisse videtur. Sub finem vero libelli exempla similium morborum ab aliis obser-

obseruatorum adiunxit, quae vel ex libro ipso haurienda, vel ex fontibus colligenda omisimus.

Tabulae aeneae, multa assiduitate factae, quae additae sunt, viscerum abdominalium discrepantiam exhibent, quam paucis tradidimus.

XX.

SEBASTIANI SEVERII Rauennatis Almi Collegii Borromaeorum Alumni Commentarius, in quo medicatae quassiae vires expenduntur. Ticini Regii 1776. 4. apud Marcum Antonium Porro, Ioseph Bianchi et Socios Typographos in Via Noua, Superiorum Facultate. pagg. 120 praeter dedicationem et approbationes.

Ligni amari Surinamensis seu Quassiae vim me- p. 7.
dicam et alibi *) a nobis memoratam, Cl. Auctor hic persequitur. Interius betulae, exterius cortici simaroubae simile dicitur. Exorditur Noster hunc tractatum ab obseruationibus, quae potissimum intermittentes febres spectant; dein ad quaedam transit experimenta, quae partim vim antiputridam in quassia et cortice Peruuiano concernunt et definiunt; partim quassiae naturam, analysin, proprietates, agendique modum spectant.

Obseruationes de effectu ligni quassiae bono p. 13.
in febribus intermittentibus, interdum sat pertinacibus partim ab Ipso Cl. Auctore, partim ab aliis sunt collectae et hic communicatae: Cl. BLOMIVS iam retulit, in America contra febres intermittentes, vbi non raro corticis Peruuiani vsus irritus fuit, lignum hoc ad drachmam vnā in qua-

Mm 4

cunque

*) v. comm. nostr. Vol. hoc p. 321.

cunque forma exhibitum, egregii vsus fuisse **). Cl. BLOMII formula est haec: Rec. lign. quass. ras. dr. i. aq. font. ebull. lib. i. stent in digestionem per horulam et infusi detur vnc. i. pro dosi. Tuto augetur dosi nimirum, ad triplum & quadruplum.

P. 13. Praemissis itaque observationibus febrium intermittentium, in quibus quassia cum et sine fructu est adhibita, et quae perniciosae et pertinaces erant et varii generis, summam harum observa-

P. 75. tionum Noster communicat. Quassia iuuat intermittentes febres vernales, quotidianas tertianas, quartanas duplices, vti hic ex historiis additis apparet. Reditus earum febrium quassia sanatarum obseruatur aequae ac post usum corticis Peruuiani, quae continuato usu quassiae iterum cedebant. Quae in reliquis anni temporibus occurrunt febres, nullo modo usu quassiae potuerunt sanari, nonnullae mitigatae sunt, nonnullae exacerbatae. Nec quidquam magna dosi, quae erat sex drachmarum per diem, praestitit, neque alia medicamenta, vt amara, salia, purgantia emeticaque inter usum quassiae adhibita, vim eius adiuuerunt.

Praeterea ex his observationibus apparet, quassiam, quacunque forma, etiam in puluere ad tres drachmas vna vice datam, nec vnquam ventriculum grauasse, nec nauseam vomitumque creasse, neque aluum duxisse, neque obstruxisse, sed sine vlllo caloris sensu atque alia vlla molestia vrinis sudoribusque ciendis seruisse. Igitur quassia praestat cortici Peruuiano, qui tamen quoad vim febrifugam semper quassiae praeferrri meretur, vti pariter ex historiis hic a Nostro narratis elucet:
nam

**) V. LINNAEI amoenit. acad. Vol. VI. p. 420. & comm. nostr. secund. dec. Suppl. I. p. 23.

nam illae febres, quas quassia nequiuuit fugare, cortice facile tollebantur.

Iam venimus ad alteram partem huius tracta-
tus, vbi comparatur vis antiseptica corticis et quassiae per tentamina extra corpus humanum diligenter facta. Sumsit scilicet duodecim vitrea vascula Noster ea ipsa impleuit carne et solutionibus corticis et quassiae aquosis et vinosis atque mutationes quotidie obseruatas et hic communicauit. Ex quibus apparebat, vim antisepticam quassiae, si cum chinae chinae vi antiseptica conferatur, longe esse minorem planeque languidiorem. Neque enim fermentationi officiebat, neque acescentiam cauebat, neque aciditatem ipsam liquoribus adimebat aut mutabat lignum Surinamense, nec aer fixus ex quassia per fermentationem eductus ad putredinem arcendam praestantior est aere fixo chinae. Quae cum ita sint, nunquam quassia cum cortice potest et debet comparari.

In tertia parte chemice et pharmaceutice dis-
quiritur quassia a Nostro, adiuuante PAVLO NO-
CETTIO in arte chemica claro. Duplici vti sunt
chemicae resolutionis genere ad indolem quassiae
definiendam, lentiolem putamus atque valentiolem.
Idem hoc factum est in collectaneis Berolinensi-
bus *), quae autem postea ad manus Cl. Auctoris
peruenerant. En experimentorum, cum multa ac-
curatione institutorum, summam: post duodeci-
mam infusionem aqua vix amplius amarescebat.
Terra erat semper post singulam infusionem
quamlibet subpinguis, luto similis, cinerea: cum
acidis liquoribus nequaquam efferuuit, nonni-
hil tamen, admota flamma, deflagrare visa est,
pondus huius terrae aequabat drachmam et viginti
et vnum granum. Infusio constabat nempe ex sex

M m 5

ynctis

*) v. comm. nostr. Vol. XX. p. 322.

vnciis quassiae et totidem libris aquae destillatae communis. Extracta inde parata singula erant subfusca, valde amara, tenacia neque ad ignem flammescentia, exceptis duabus illis partibus, quae ex vndecima et duodecima infusione comparatae sunt cet.

p. 103.

Postquam aquosa frigida et spirituosa infusione, coctione et combustionem cet. quassiae partes constitutivae erant hic disquisitae, sequentia definiuit Noster: Quassiae inesse, terram, eamque triplicem, prima est *argillosa*, secunda *calcareae*, tertia *maritima*, videtur Nostro, etiam si Cl. BEAUME' contra Cl. Auctorem dicit. Praeter hanc terram, sit simplex, sit multiplex, continet quassia gummi non paucum, valde amarum, resinam porro, magis amarum gummi, oleum essentiale, mucosum gluten, aërem fixum, nec non peculiare salis genus, quod essentialis salis nomen meretur. Figura eius hexagona, sapor amarus, frigoris sensus, quem, inquit Cl. Auctor, in lingua inducit et deflagratio nitrosam naturam indubie declarant. Alcalinae indolis est hoc sal et videtur Nostro marini salis quid in quassia latitare, quod raro nitrum, quo quassiam scatere vidit Noster, a salis marini miscela disiungitur. cet.

p. 117.

Ultimo loco expendit Noster quassiae proprietates, vires agendique rationem. Summa ei est leuitas, peculiaris amarities, non acris, non ingrata, sed ventriculo amica, nullus stypticus sapor, odor vero, etsi levis, aromaticus fermeque balsamicus. Vires eius pendent potissimum a gummi-resinosi et salinis partibus, quibus scatet, cum terra arctissime coniunctis, quarum ope leniter stimulat, incidit, abstergit, aperit excretionisque blande promouet. Ventriculi fibras ad peristalticum motum allicit, amaritie et detergendi

vi bilis vices gerit; coctionem laesam iuuat et ventriculum roborat, sanguinem non exaestuat et hoc Noster a nitro, quod inest quassiae, deriuat, eademque crustae inflammatoriae resolutionem, quam quassiae tribuit LINNAEVS *), ac vrinae copiosum profluuium ab ea adscribit; putredini porro, corruptioni, gangraenae morbisque colliquatiuis prodesse potest quassia, aciditatem non arcet aut emendat, si vero aliquid boni praestat in cruditatibus acidis, id stomachicae et roboranti vi quassiaetribuendum Nostro videtur. Atque ita iuuabit quassia vel sola vel aliis remediis coniuncta hypochondriacos, hystericas, arthriticos, et sudores nocturnos, diarrhoeas, febresque putridas coercebit. Febres intermittentes mitiores quassia, vti supra est dictum, propellit et earum reditum, quoniam ventriculi functiones et perspirationem egregie adiuuat, cauet. Potest quoque in iis febribus innoxie vsurpari, in quibus diathesis inflammatoria aut pulmonum morbi acuti corticis Peruuiani vsum reddunt suspectum.

XXI.

Noua physico medica.

Die 29. Decembr. 1776. celebrauit Academia Imperialis Scientiarum *Petropolitana* iubilaeum foundationis suae semiseculare **). Cuius quidem solemnitatis breuem tantum tradamus Lectoribus epitomen. Cl. I. A. EVLER Secretarius academiae orationem habuit de illius festiuitatis causa. Qua finita Director Academiae Cl. SERGEY

*) v. l. l.

**) *Nachrichten von dem Jubelfeste der Kayserlichen Academie der Wissenschaften. Vermischte Nachrichten von der Academie der Wissenschaften.*

GEY GERASSIMOWITSCH DOMASCHNEW, aliam Russico fermone conceptam recitauit, *de officio Societatum eruditarum observationes physicas cum casibus philosophiae moralis coniungendi*. Tum Cl. GÜLDENSTAEDT de iuribus quibusdam cameralibus Russiae in Gallica nempe lingua, disseruit. Praelegebantur postea elaborationes quaestionum praeterito anno ab Academia propositarum, de *Sanguificatione* *) nempe et de *diuersitate sonorum a tubis aequaliter amplis et in latere foramine instructis editorum* caet. Praemium de priori illa Exp. THOUVENEL Monspeliensi concessit, posteriorem vero nondum satis explicitam pro anno 1778 denuo proponere placuit. His vero peractis, ut rei nauticae, maximeque patriae, consuleret, problema sequens in annum 1779. proponere statuit: *Ut suggerantur methodi et substantiae, ex qualicunque naturae regno, petitae illae sint, dispendio haud adeo magno parabiles, quae trabes quercinas aliasue navalibus destinatas, vel recentes, vel exsiccatas, iusto temporis spatio totas penetrent atque condiant, ita ut a putredine solito diutius conseruentur, neque tamen reddantur intractabiles vel magis ignescentes, minoriue, quam antea, robore polleant*. Praemium erit centum nummorum aureorum Hollandicorum. Inuitati vero sunt omnes viri docti, Sociis Academiae, Petropoli habitantibus, exceptis, ut de his quaestionibus, cogitata sua atque obseruata ante 1. Ianuarii cuiusque anni ad Dn. IOAN. ALBERT. EVLER, transmitterent. Admonentur vero ii, qui hanc rem subire volunt, ut lingua Russica, vel Latina, vel Germanica, vel Gallica, distincte, absque nominibus suis, conscribant. Postea Cl. RUMOWSKY *Sciagraphiam politicae ac physicae Geographiae Russiae* praelegit.

Socie-

*) v. comm. nostr. Vol. XXI. p. 165.

Societas Regia Scientiarum *Hafniensis* inter alias quaestiones a nostro instituto alienas, hanc proposuit, *quum minerae cobalti non raro alia metalla et mineralia contineant, quae elegantiam coerulei coloris in Smalto, encaustis et porcellana infringunt, quaeritur methodus facilis, haec inquinamenta hinc separandi.* Is, qui Societatis expectationi respondet, accipiet monetam auream C. thalerorum, Danicorum. Elaborationes Ill. HIELMSTIERNE vectigalibus solutis, mittantur, et quidem ante finem Augusti mensis 1779. Iudicium Societatis mense Octobri eiusdem anni declarabitur.

Academia Scientiarum et Artium elegantiorum *Berolinensis* quaestionem ad annum 1777 propositam, 1778 repetitam et a nobis iam memoratam *) iterum iterumque communicat cum viris eruditis ac pollicetur duplex praemium. Expectabit commentarios ante diem 1. Ianuarii 1781.

Ill. ELLERI praemium, quod constat septuaginta et quinque nummis aureis Hollandicis offertur ei, qui classificationem vegetabilium secundum differentiam radicum ita tradet, ut respiciat ad singulae classis culturam. Elaborationes Ianuario 1779 mittantur.

Regia *Gottingensis* Scientiarum Societas proponit ad Iulium 1779 et optat, *curiosam descriptionem eorum insectorum, quae plantas in caldariis et fimetis (inprimis ubi cucumeres et melones sunt plantatae) infestant et ea remedia, quae, illaesa plantarum integritate arcent et tollunt.* Quae praeterea sunt mittendarum elaborationum adhibendae cautiones, non multum ante retulimus.

Socie-

*) v. comm. nostr. Vol. XXI. p. 344.

Societas Oeconomica *Amstelodamensis* d. 16. Sept. 1777. conuenit, vt praemia super quaestione *de terrae emendatione ope cinerum lignosorum cet. ab se olim proposita distribueret.* Nulla vero voto suo prorsus satisfecit elaboratio. Exhibuit vero aliam quandam pro anno 1779. huius nempe tenoris. *Quaenam sint signa tabis (ongans) ouium? quaenam huius morbi causae? et quomodo ipsae praecaueri atque sanari possint?* Praemium erit moneta aurea quinquaginta nummorum aureorum Hollandica. Commentationes vero solutis uectigalibus ad Cl. HIERONIMVM DE BOSCH, mittendae sunt.

Academia Imperialis Regia Scientiarum et Bonarum Artium *Bruxellensis* ad annum 1779. proposuit hanc quaestionem: *de modo apes in Belgio alendi optimo mercaturae et oeconomiae utilissimo.* Moneta aurea viginti et quinque nummorum aureorum Hollandicorum optimo tractatui praemium est constitutum. Mittantur vero tractatus, solutis impensis ad Cl. DES ROCHES, qui Academiae perpetuo ab epistolis est.

Academia Electoralis Scientiarum *Manheimensis* die 17. Octobris 1777. conuenit, et ad annum 1779. proposuit, *vt causae mortis fulmine tactorum animalium per obseruata et experimenta detegantur.* Reliqua in elaborandis scribendis et mittendis commentariis attendenda vide superius *).

Societas artium *Vltraiectina* die 1. Decembris 1777, vbi conuenerat, hanc quaestionem proposuit, ante 1. Decembr. 1779. resoluendam: *Estne cultus arborum, et quarum in et circa vrbes*
ciuium

*) comm. nostr. Vol. XXI. p. 540.

sanitati aërisque puritati proficius an noxius?
Optima elaboratio viginti nummis aureis Hollandicis vel moneta aurea huius valoris honorabitur, sunt vero Gallice, Belgice vel Latine scripta schediasmata ad Cl. IOANNEM VAN HAAFTEN Societatis Secretarium mittenda.

Societas Imperialis Regia Agriculturae et Artium *Graeciensis*, patriae amore ducta, praemium quadraginta nummorum aureorum Hollandicorum tribuet ei, qui 1. Martii 1779. Germanica, Gallica, Latina, vel Italica lingua, *cultum sylvarum optimum* tradiderit ita, vt 1) doceat quomodo varii generis sylvae optime instruendae 2) quomodo conseruandae et 3) quomodo vsurpandae; modus vero elaborationis erit, vt in prima parte experientiae habeatur ratio, in altera impedimenta propagationis arborum enumerentur, in tertia denique diuersae arborum caedendarum methodi, varie applicandarum ratio enucleetur.

Academia Electoralis Scientiarum *Monathensis* inter alias hanc proposuit quaestionem: *Quaenam sunt arsenici partes constituentes? quomodo agit in metalla et semimetalla? cur illud natura metallis admiscuit? et confertne aliquid ad illa formanda, an destruenda?* Tractatus ad Cl. KENNEDY Secretarium ante finem Iulii 1779. sunt mittendi.

Societas *Lipsica* Scientiarum Iablonouskiana, inter alia proposuit: *vt lucis effectus ad vegetationem plantarum, per experimenta et observationes determinentur, haeque observationes culturae plantarum applicentur.* Tractatus Latine scripti ante vltimum Octobr. 1778. ad Cl. CLODIVM sunt mittendi, praemium consistit in moneta aurea viginti et quatuor nummorum aureorum Hollandicorum valore.

Facul-

Facultatis medicae *Lipsiensis* *) Assesores
sunt :

D. ANTONIVS GVILIELMVS PLAZ Ordinis
Medici Decanus perpetuus, qui die 25 Septembr.
1778. Doctor semiseularis est **) factus.

D. IOANNES CHRISTOPHORVS POHLIVS
Senior

D. ERNESTVS GOTTLOB BOSE,

D. CAROLVS CHRISTIANVS KRAVSE,

D. IOANNES CAROLVS GEHLER,

D. IOANNES GOTTLOB HAASE,

D. ERNESTVS PLATTNER,

NATHANAELIS GODOFREDVS LESKE Philo-
sophiae Doctor, Historiae Naturalis Prof. Publ.
Extraordinarius et Societatum Regiae Patrioticæ
Holmenfis, Physiographicae Lundensis, Naturæ
Curiosorum Berolinensis, Electoralis Oeconomi-
cae Lipsiensis et Apiariae in Lusatia Superiori So-
dalis, nominatus est Professor Oeconomiae Publicus
Ordinarius *Lipsiae*. Adiit hoc munus program-
mate: *de agri noualis cultura et ratione pecudes in*
stabulis pascendi et oratione: de recta ratione scien-
tiae rusticationis consequendae, die 25 Iul. 1778.
habita.

Cl. LODER, Professionem Anatomiae Chirur-
giae et artis obstetriciae in Academia Ienenfi
accepit.

Cl. IO. CHRISTOPH. ANDR. MAYER Prof.
Anat. Berol. *Frankfurtum ad Viadrum* petiit, vt
professionem medicinae ordinariam subiret.

Cl. IO. GODOFR. FALKENBERG, secundam
Anatomiae Professionem *Berolini* suscepit.

Cl.

*) Vid. comm. nostr. Vol. XIX. p. 155.

**) EIVSDEM Progr. inaug. Decanorum Facultatis
Medicae Lipsicae seriem continuatam continens,
Lipsiae 1778. 4.

Cl. J. C. D. SCHREBERO, Consiliario Aulico, Professio Historiae Naturalis est tradita *Erlangae*.

Cl. GEORG. HENR. WEBER, Med. Doct. Professoris et Professoris Medicinae extraordinarii munera *Kiliae* accepit.

Cl. IO. ANTON DE SCOPOLI, qui adhuc professioni chemicae Schemniziensi praefuit, die 1 Iulii 1777. Schemnizium reliquit, ut Professionem historiae naturalis *Pauianam* suscipere.

Cl. SAMUEL RAETZIVS ad Professionem chirurgiae in noua Vniuersitate literaria *Budana* est designatus.

Cl. DE LACHENAL Professioni botanicae *Basileae* est praefectus.

Cl. IOANNES DANIEL METZGER *Regiomonti* Professoris anatomiae, medicinae, et artis obstetriciae, in collegio medico assessoris et Poliatri *Regiomontani* munera accepit.

Cl. PHIL. FRID. THEOD. MECKEL Professio anatomiae *Halae* est demandata.

Cl. I. S. SCHROETERVS Diaconus *Wismariensis* inter Academiae Imperialis Naturae Curiosorum Socios est receptus.

Academia Scientiarum *Parisi* Cl. MARGRAFIVM Chemicum *Berolinensem*, inter Sodales suos recepit.

Cl. Viri FOERSTERVS SPRENGLERVSQUE *Hafnien*ses, a Societate Naturae Curiosorum *Gedanensi* inter Socios sunt recepti.

Coloniae ab vrbis Senatu collegium est fundatum, corporum dissectioni, et fasciis applicandis deditum, quod 21 Nouembris 1777. est inauguratum.

Mortui sunt:

Cl. PHILIBERT COMMERSON 1773. aetate 56.

Tom. XXII. Pars III.

N n

Cl.

Cl. PETRVS CRAMERVS *) *Amstelodami.*

Cl. BORDEU *Parisiis*, 1776.

Cl. ROUX Chemicus *Parisiis*, Iulio 1776. vaporibus lethalibus butyri antimonii.

Cl. IO. HENR. BRANDAV Chirurg. Professor, *Cassellis*, 14 Octobr. 1776.

Cl. ANTON. DE CAPDEVILA, *Valentiae Con-
testanorum* Nouembri 1776.

Cl. ANTON. VALLISNIERI *Patauii* 15 Ianua-
rii 1777.

Cl. IO. ERNESTVS NEUBAVERVS *Ienae* 29.
Ianuarii 1777. aetate 35, phthisi pulmonali.

Cl. ROBERTVS DOSSIE *Londini* 20. Februa-
rii 1777.

Cl. DAN. GOTTF. SCHREBER Prof. Oecon.
Lipsiae 28. Martii 1777. aetate 69.

Cl. I. H. POTT *Berolini* 29 Martii 1777. aeta-
te 85 marasmo fenili.

Cl. KLEVENFELD, *Hafniae* mense Aprili 1777.
aetate 77.

Cl. DAN. CHRISTIAN. BYRDACH, Med. Doct.
Lipsiae 4. Iunii 1777. aetate 37.

Cl. CHRIST. HENR. HAENEL, *Dresdae* 16.
Iunii 1777. aetate 61, apoplexia.

Cl. IO. CHRIST. POLYC. ERXLEBEN, *Gottin-
gae* 18. Aug. 1777. aetate 37. febre lenta.

Cl. IO. ANDR. DE SEGNER *Halae*, 5. Octobr.
1777. aetate 73.

Cl. BERNARD. DE IUSSIEU *Parisiis*, 6. Nov.
1777. aetate 79.

Cl. IO. ANDR. CRAMER, in regione *Dresden-
si* 6 Decembr. 1777. aetate 67.

Cl. ALB. DE HALLER, *Bernae* 12. Dec. 1777.
aetate 69.

Cl. CAR. A LINNE' *Vpsaliae* d. 10. Ianuarii
1778. aetate 70.

Cl. IO.

*) Vid. comm. nostr. Vol. XXI. p. 204.

Cl. CAROL. DE GEER, *Holmiae* 7. Martii 1778.
aetate 59. annorum.

Cl. IONAS KIRNANDER Archiater Regius,
Hafniae 30 Mart. 1778 aetate 56. annorum.

Cl. MVZELIVS *Berolini* 14 April. 1778. ae-
tate 29. annorum.

Cl. IOS. THADDAEVS KLINKOSCH, *Pragae*
mense Aprili 1778. aetate 43.

Cl. IO. FRIDR. ZÜCKERT, *Berolini* 1. Maji
1778. aetate 41.

Cl. FRIDR. BERNH. ALBINVS, *Lugduni Ba-*
tauorum 23 Maji 1778. aetate 53.

Cl. FRIDR. HENR. GVIL. MARTINI, *Berolini*
27. Iunii 1778. aetate 49.

Cl. C. G. WAGLER, *Brunsvici* 20. Iulii. 1778.

Cl. IOAN. IAC. HVBER, *Cassellis* Iulio 1778.
annis 71.

XXII.

Continuatio indicis physico medicorum scri-
ptorum, quae anno 1774 prodierunt.

Auserlesene Abhandlungen practischen und chirurgi-
schen Inhalts aus den philosophischen Transactio-
nen und Sammlungen der Jahre 1699 bis 1720.
gesammet und übersetzt von NATHANAEL GOTT-
FRIED LESKE. Erster Theil. Lübeck und Leip-
zig. 8. (Indicauimus quidem breuiter hoc institu-
tum in comm. nostr. Vol. XIX. p. 552, attamen li-
ceat hic huius rationem paulo amplius cum Lecto-
ribus communicare. Coepit Cl. LESKE a primis
harum Transactionum voluminibus et vtiliter
vsus est contractis philosophicis Transactionibus
The philosophical Transactions from the year 1699
to the year 1720 abridg'd and dispos'd under ge-
Nn 2 *neral*

neral Heads. By HENRY IONES Ed. III. Lond.
 1749. 4, quas cum genuina editione Transactio-
 num accurate comparauit. Secutus quoque est Cl.
 LESKE ordinem Cl. IONES ita tamen, vt obser-
 uationes suo loco infereret et similes coniunge-
 ret. Quae cum ita sint, reperiuntur hic pri-
 mum morbi cutis, dein capitis, colli, thoracis,
 abdominis ibidemque contentorum viscerum,
 postea morbi vniuersales et denique ossium.
 Vbique translator breuitati studuit, ita tamen,
 vt ne noceret rerum perspicuitati. Et haec ipsa
 breuitas non solum cernitur in rebus omissis,
 quae ad notionem, cognitionem et medelam
 morbi nihil faciunt, sed in iis etiam obseruatio-
 nibus prorsus neglectis, quae plane nihil conse-
 runt ad medicinam et chirurgiam illustrandam,
 siue quae confusionem plus efficiunt, quam vti-
 litatem, inprimis innioribus medicis. Pariter
 omisit Noster morbos animalium. Interdum
 Cl. LESKE eas hypotheses, quae viuentibus il-
 lis Auctoribus valebant, per recentiorum autem
 tentamina refutatae sunt, inseruit quidem in fa-
 uorem historiae medicinae, attamen insimul lau-
 dauit Auctorem, qui recte rem docuit. Prae-
 terea sedulo contulit loca laudata, eaque, quae ni-
 mis mutilata mancaque erant, maluit prorsus
 negligere. Tabulae aeneae additae quoque se-
 lectum produnt. Terminos technicos secun-
 dum HALLERVM, LVDWIGIVM, BOEHMERVM
 cet. quantum fieri potuit Germanicos reddidit.
 Quod si vero aptum inueniri nequibat nomen,
 aliquod elegit, addito tamen termino tecnico.
 Pondera Anglica medica comparauit cum no-
 stris, adiecto pariter Anglico nomine. Alia ve-
 ro negotia impediuerunt Cl. LESKE, quo mi-
 nus continuaret hoc utiliter coeptum opus Ipse,
 cuius

cuius tamen continuatio ab alio viro docto cum plausu vulgatur. Ea autem, quae naturalem spectant historiam, edet Cl. LESKE, vti pollicetur et nos supra laudato loco promissimus.

Reflection on the general treatement and cure of fevers. London 8. maj.

Examen historique sur l'apparition de la maladie vénérienne en Europe et sur la nature de cette epidemie. à Lisbon. 8. (*Est versio Gallica libri, olim Anglica lingua primum vulgati.*)

La philosophie des vapeurs, ou lettres raisonnées d'une iolie femme sur l'usage des symptomes vaporeux à Lausanne 8. (*Satyra in praesentem methodum medendi morbis inprimis nervosis.*)

Sammlung merkwürdiger Erfahrungen, die den Werth und großen Nutzen der Pocken Inoculation näher bestimmen können. Lübeck 8.

Fortsetzung von der erleichterten und den Müttern selbst übertragenen Blatterimpfung. Riga 8.

Observationes de vteri constrictione v. AZZOGNIDI.

The young surgeons dictionary or pupil's instructor. Lond. 8. (s. a.)

A vindication of the forceps, described and recommended by Dr. LEAKE; in which the injudicious and illiberal remarks on that subject, signed THOMAS DENHAM are examined and refuted. By a late pupil of Dr. LEAKE's. ib. 4. (*De hac forcipe iam egimus supra p. 79.*)

Der Schleßische Arzt oder Betrachtungen über verschiedene Gegenstände der Arzneykunde, besonders der Diät. Breslau 8.

Arzneyen wider physicalische, ökonomische und diätetische Vorurtheile. Heilbronn. 8. (Auctore Cl. WEBERO.)

Medicinisch und chirurgisches Handbuch für angehende Wundärzte und andre Liebhaber der Arzneywissenschaft.

*ſenſchaft. Aus dem Englifchen. Franckf. u. Leip-
zig. 8. (Secunda et emendata editio.)*

Number II. (to be continued the firſt of every
month of the medical magazine; or general re-
poſitory of practical phyſic and ſurgery for
January 1774. Calculated for the aid and af-
ſiſtence of the phyſician, the ſurgeon, the apo-
thecary, the chemiſt etc. By a ſociety of Gent-
lemen. Lond. 8.

Detail des ſuccès de l'établiſſement que la ville de
Paris a fait en faveur des perſonnes noyées cet.
(*vid. hunc librum cum ſupplemento primo comm.
noſtr. Vol. XXI. p. 129.*)

Diarii medici naualis in expeditione Algerienſi con-
ſcripti Annus Imus. Auſtore URBAN BRVNN
AASKOW M. D. et Claſſ. Reg. Dan. Medic. Hafn. 8.
(*Opus omni attentione dignum, quod proxime in-
dicabimus.*)

IO. ABBATIE diſſ. de corpore cribroſo HIPPOCRA-
TIS ſeu de textu mucoſo BORDEVII. Monſpelli,
4. (*Variaſ meditationes ſuper contextu mucoſo ſive
organo cellulari a Cl. DE BORDEV traditas v.
comm. noſtr. Vol. XVI. p. 607 ſqq.*)

FRANC, ALIX obſervata chirurgica Faſc. I. v. comm.
noſtr. Vol. XXI. p. 254.

* * ALIX diſſ. de quaëſtionibus medico legali-
bus ex chirurgia declarandis. Erford. 4.

AUBENTON V. D' AUBENTON.

Hiftoire des plantes de la Guyanne Francoiſe ran-
gées ſuivant la méthode ſexuelle. Par M. FUSEE
AUBLET à Paris 4. c. f.

Obſervationes ad vteri conſtructionem pertinentes
Auſtore GERMAIN. AZZOGNIDI. Bonon. 4.

*Die wohlunterrichtete Landwirthin oder Anfangs-
gründe zur Erlernung einer klugen und vernünf-
tigen Haus- und Landwirthſchaft zum beſten des
weiblichen*

weiblichen Geschlechts gesammelt. Aus den Französischen des Herrn L. R. V. B. in das Deutsche übersetzt. Neue um die Hälfte vermehrte und mit vielen Zusätzen verbesserte Auflage. Nürnberg. 8.

ERNST GOTTFRIED BALDINGER *von den Krankheiten einer Armee, aus eignen Wahrnehmungen im Preussischen Feldzuge aufgezeichnet. Langensalza, 8. (editio altera, emendata, primam v. Comm. nostr. dec. Idae suppl. I. p. 169).*

EIVSD. *diff. inaug. de morbis dissimulatis, Resp. Hieron. Alex. de Marckphaill. Götting. 4.*

Eiusd. progr. de optima medicamentorum mixtione ib. 4.

P. I. BARTHEZ *noua doctrina de functionibus naturae humanae. Monspel. 4.*

Elémens de pharmacie theorique et pratique. Par M. BAUBRE. à Paris 8.

CAR. IOS. BAUER *diff. inaug. sistens casum practicum de pleuroperipneumonia cum animaduersionibus. Ingolstadt. 4.*

BAUME' *Handbuch der Scheidekunst, aus dem Französischen übersetzt von F. X. WASSERBERG, Wien. 8.*

I. W. BAYMERS *Naturgeschichte aller Edelsteine, wie auch der Erden und Steine, so bisher zur Arzneey sind gebraucht worden. Aus dem Lateinischen übersetzt von CARL Freyherrn und Reichsrittern von MEDINGER, Wien 8 mai. (Latinum titulum v. in Comm. nostr. Vol. XIX. p. 554. Animaduersiones et obseruationes mineralogicae additae sunt bonae).*

EIVSD. *diff. inaug. de veris tympanitae causis ac rationali curatione, Resp. I. Eberz. Giessae. 4.*

Oeconomisch-physikalische Abhandlung über die Bienenpflege, besonders im Thüringischen, von weiland

D. I. W. BAUMER aus dem Lateinischen übersetzt, mit gemeinnützlichen Anmerkungen und einem Anhange begleitet von einigen Gliedern der Fränkischen Bienengesellschaft, herausgegeben von I. L. EYRICH, Pfarrer in Anspach. Anspach. 8. (Cl. BAUMER scripsit anno 1770. dissertationem de apum cultura, cum primis in Thuringia. Haec itaque Germanice cum variis additamentis hic traditur.)

JO. BECKMANN *physicalische oekonomische Bibliothek. Fünfter Band.* Göttingen. 8.

DE BELLETE diff. inaug. sistens ligaturae polyporum vteri instituendae nouam methodum anteponendam. Resp. I. M. de Frasne. Paris. 4.

GEORG. RUDOLPH BENTSCHNEIDER diff. de ruminatione humana. Götting. 4.

I. H. BERNIS diff. inaug. de situ fetus ad partum naturalem. Duisb. 4.

Traite de myologie. Par Mr. BERTIN. à Paris. 12.

Dictionnaire raisonné universel de matière médicale, concernant les végétaux, les animaux et les minéraux, qui sont d'usage en médecine, leurs descriptions, leurs analyses, leurs vertus et leurs propriétés par feu Mr. DE LA BEYRIE et mis en ordre par M. GOULIN. à Paris. 8.

M. F. BLOCHS *medizinische Bemerkungen nebst einer Abhandlung vom Pyrmonter Augenbrunnen.* Berlin. 8.

Lehrbuch der Landwirthschaft in vier Theilen von IOHANN AUGUST FRIEDRICH BLOCK. Leipzig. 8.

PHILIP. ADOLPH. BOEHMER diff. inaug. de curatione febrium intermittentium ex aestuantia infida et nociua. Resp. Fr. Carol. Lindenberg. Hal. 4.

Institu-

Institutiones medicae in vsus annuae exercitationis domesticae, digestae ab HERMAN. BOERHAAVE. Editio correctâ noua et emendata. Edimb. 8.

I. K. H. BOERNERS *Sammlungen aus der Naturgeschichte, Oekonomie, Polizey, Kameral- und Finanzwissenschaft. Erster Theil mit Kupfern. Dresden. 8.* (Cl. Auctor partim hic collegit tractatus Latinos, Francogallicos et Italicos aliorum Auctorum, et transtulit in linguam Germanicam, partim suas quasdam obseruationes tradidit.)

CARL BONNETS *wie auch einiger andern berühmten Naturforscher auserlesene Abhandlungen aus der Insektologie. Aus dem Französischen übersetzt und mit einigen Zusätzen herausgegeben von IO. AVG. EPHRAIM GÖTZE, Halle. 8 mai. m. K.*

Traite de médecine theorique et pratique extrait des ouvrages de Mr. BORDEU avec des remarques critiques par Mr. MINVIELLE, Doct. en Médecine de la Faculté de Montpellier, à Paris. 12.

ERN. GOTTLOB ROSE diff. de morbis mentis delicta excusantibus Resp. C. G. Deutrich. Lips. 4.

EIVSD. progr. inaug. de diagnosi veneni ingesti et sponte in corpore geniti. ib. 4.

DAMIAN FRID. BOST diff. inaug. sistens historiam asthmatis, Erford. 4.

J. B. BRINCKMANN *Beyträge zu einer neuen Theorie der Gährungen. Düsseldorf, Cleve und Leipzig. 8.*

GOTTLIEB FRIDRICH BRODHAG de morbis recurrentibus generatim, occasione scabiei venerea, per circuitus redeuntis. Hal. 4.

WILH. BROMFIELDS *chirurgische Wahrnehmungen. Leipzig. 8. v. comm. nostr. Vol. XX. p. 405 sqq.* (Ibidem non solum Cl. BROMFIELDII librum re-

cenfuimus. fed et verfionis Germanicae et quorundam aliorum librorum contra Eum fcriptorum mentionem fecimus.)

PETER IOSEPH BVCHOZ *Sammlung auserlefener Briefe zur Erhaltung der Gefundheit und durch den Bau und die Erziehung der Gewächse ſich in kurzer Zeit zu bereichern. Aus dem Franzöfifchen überſetzt. Dritter Theil. Nürnberg. 8. (v. comm. noſtr. Decad. Ildae ſuppl. IV. p. 673. Reliquos tomos ibidem p. 160 et 470 ſqq.)*

Diſtionnaire vétérinaire & des animaux domeſtiques, contenant leurs mœurs, leurs caractères, leurs descriptions anatomiques, la maniere de les nourrir, de les élever & de les gouverner, les alimens, qui leur ſont propres, les maladies, aux quels ils ſont ſujets & leurs propriétés tant pour la médecine & la nourriture de l'homme, que pour tous les différens uſages de la Société ciuile, auquel on a joint une Fauna Gallica. Par Mr. BUCHOZ à Paris 8. Tom. IV. (*Primus tomus prodiit 1770, alter 1771, tertius 1773. Eſt opus compilatum et potiffimum BOVRGELAT, VITET, LAFOSSE, BVFFON et BOMARE ſcripta illud effecerunt. Praeterea vero additae ſunt tabulae aeneae magni CLAVDII FESSARD, qui eas 1767 ſculpsit, et quae ſeorſim quoque venduntur. Repraefentatur hic I. afinus, hircus Gambienſis, anas domeſtica mas et femina, equi et canis quaedam varietates. II. Phaſiani galli vterque ſexus, et aliae varietates; Meleagris mas et femina; felis domeſtica, Angoreniſis, tigrina, Hiſpanica. III. Ovis varietates. IV. Mulus, anſeris et columbae varietates.*

Première centurie des planches enluménées et non enluménées représentant au naturel ce qui ſe trouve de plus intéreſſant & de plus curieux parmi

mi les animaux, les végétaux & les minéraux,
pour servir d'intelligence à l'histoire générale
de trois régnes de la nature par Mr. BVCHOZ.
Dec. I. regne animal. à Paris. fol. mai.

I. BVERSINK diss. de hemicrania. Duisb. 4.

*Kurze Anweisung, wie ein Lehrling der Wundarzney-
kunst sich in der Anatomic und Chirurgie die vor-
nehmsten Anfangsgründe bekannt machen kann von*
IO. AVGVST BÜTEFISCH, *Wundarzt in Braun-
schweig. Braunschweig. 8.*

CHPH. GOTTL. BÜTTNER *sechs chirurgische Wahr-
nehmungen v. comm. nostr. Vol. XX. p. 301.*

Traité de minéraux par Mr. de BVFFON Tom. I.
à Paris. 4.

EIVSD. Oeuvres complètes. Tom. I. et II. ib. 4.
(*Noua editio Historiae musaei Regii*).

EIVSD. Oeuvres complètes. ib. 12. (*cum supple-
mento, in quo tractantur mineralia.*)

EIVSD. *allgemeine Naturgeschichte. 6ter Theil. Ber-
lin. 8. mai. (Gallicum librum v. comm. nostr.
Vol. VII. p. 3.)*

THEODORICI PETRI CAELS, Medic. Licentiati,
de Belgii plantis qualitate quadam hominibus
caeterisque animalibus nociua seu venenata prae-
ditis, symptomatibus ab earum usu productis,
nec non antidotis adhibendis dissertatio, cui Cae-
sarea ac Regia scientiarum et litterarum Acade-
mia, quae floret Bruxellis, palmam detulit anno
1773. Bruxellis. 4. mai. (*Quaestionis huius iam
in nouis physico medicis mentionem fecimus. vid.
comm. nostr. Vol. XIX. p. 364. Inter acria ve-
nena reperimus hic rubiam tinctorum, quoniam aues,
cum ea, ad ossa tingenda, nimis diu nutritae, pereunt.
Dein narcotica, viscosa, oleosa, alcalina planta-
rum salia et varii vapores venenati a Cl. CAELS
hic*

hic tractantur cum suis effectibus et antidotis. Praeterea ad historiam huius Academiae, quam loco laudato et aliis v. Vol. XVIII. p. 716. tradidimus, pertinet id, quod Eadem quaestiones praemiis condecoratas simul quotannis vulgat ita inscriptas: mémoires sur les questions proposées par l'Académie Imperiale et Royale des sciences & belles lettres de Bruxelles, qui ont remportés les prix. Potest tamen singula tractatio seorsim quoque haberi.)

Traité de bêtes à laine, ou méthode d'élever & de gouverner les Troupeaux aux Champs & à la Bergerie. Par Mr. CARLIER. à Paris. in 4 Voll. 2.

Avantages de l'inoculation avec la meilleure méthode de l'administrer. Par Mr. CAMPER. à Toulouse & à Paris. 8. (PETRVS CAMPERVS ab Academia Regia Scientiarum Tolosana praemium accepit. v. comm. nostr. Vol. XVIII. p. 357. et 537. Vide et ibidem p. 59. Eius annotationes super variolis Belgica lingua traditas.)

EIVSD. diss. de emolumentis et optima methodo infitionis variolarum. Accedunt EIVSDEM epistolae de emolumentis sectionis synchondroseos ossium pubis in partu difficili cet. Groning. 8.

Nouveau plan d'éducation pour former des hommes instruits & des citoyens utiles, auquel on a joint une définition sur l'étude des langues, qu'on doit y admettre. Par Mr. CHARPENTIER. à Paris. 8.

Traité théoretique & pratique des maladies inflammatoires. Par M. I. F. CARRERE. ib. 12.

I. F. CARTHEUSER dissertationes physico-chemico-medicae, annis nuperis de quibusdam materiae medicae subiectis exaratae ac publice habitae, nunc iterum recusae. Francof. ad Viadr. 8.
(Dissert-

(Dissertationes in hoc libello contentae sunt:

1. De Radice Mungo. 2. De Opobalsamo. 3. De Millepedibus. 4. De Calycibus aromaticis florum cassiae Zeylanicae. 5. De Radice Colomba).

Manuel anti-siphylitique, ou essai sur les maladies vénériennes, avec un préservatif de ces maladies Par Mr. DE CEZAN. à Londres et à Paris. 12.

M. K. COHEN *theoretische und praktische Abhandlung von Stein und den Arzneymitteln dagegen. Aus dem Französischen übersetzt mit einer Vorrede, Anmerkungen und einem Anhang, worinnen von einem doppelten männlichen Glied eines Menschen Nachricht gegeben wird. Vermehrt und herausgegeben von I. L. NIEMAN.* 8.

Osservazioni microscopiche sulla tremella e sulla circolazione del fluido in una pianta acquainola dell' Abbate BONAVENTURA CORTI. Lucca. 8. (*Ad animale regnum Tremellam pertinere putat Auctor*)

Essai sur l'amelioration de l'agriculture dans les pays montueux & en particulier dans la Savoie avec des recherches sur les principes & les moyens propres à y augmenter la population, la vivification & le bien être des peuples. Par Mr. COSTA.

EIVSD. essai sur les moyens d'ameliorer la salubrité du séjour de Nancy. Mémoire couronné de l'Academie Royale de sciences arts & belles lettres de Lorraine. à Nancy. 8. (*Doctrinam atmosphaerae physico medicam, loci rationem, emendationes rerum sanitati infestarum, causas, quae ad spurias peripneumonias et pleuresias, apoplexias lymphaticas, febres biliosas putridas, rheumatismos, oedema, asthma, hydropisiamque, morbos hic fere endemios, disponunt, eorumque remedia continet hic liber.*)

DOM. CORVNNI de aquae ductibus auris v. comm. nostr. Vol. XX. p. 538. Reperitur haec quoque dissertatio in Cl. SANDIFORTII Thesauro dissertationum v. comm. nostr. decad. II dae suppl. IV. p. 733.

Some thoughts on the nature of fevers By JOHN CURRY Lond. 8.

Voyage faits par les navigateurs Espagnols & Hollandois dans la mer du Sud traduits de l'Anglois de DALRYMPLE. Par Mr. DE FRÉVILLE. à Paris. 8.

D'AVBENTON planches d'histoire naturelle. vid. comm. nostr. Vol. XXI. p. 11.

DAWSON's cases in the acute rheumatism and the gout. v. ib. p. 594. editionem alteram.

Description méthodique d'une collection des minéraux. Par Mr. DELISLE. à Paris. 8. (*Descriptiones breues sunt, attamen satis bonae*).

Nachricht von den Gesundbrunnen bey Sickersreuth ohnweit Wonsiedel. Nebst einer Anzeige der Brandenburgischen Gesundbrunnen und Bäder in Franken von D. HEINRICH FRIEDRICH DELIVS. Bayreuth. 8.

10. DICKS *vollständige Gartenkunst, worinnen die bewährtesten Methoden, alle Arten von Bäumen, Gewächsen und Blumen nach alphabetischer Ordnung beschrieben, zu ziehen, nebst ausführlichen Regeln für die Gartenarbeiter überhaupt enthalten sind, nach dem Englischen herausgegeben von D. IO. ERNST ZEHER. Leipzig 8 mai.*

Reliqua proxime.

Conten-

Contenta in hac parte.

I. Noua acta Regiae Societatis Scientiarum Vpsaliensis Vol. II.	p. 387
II. POERNERS <i>Versuche zum Nutzen der Faer- bekunst I. II. III. Theil</i>	401
III. GMELIN <i>von giftigen Gewächsen in Deutsch- land</i>	422
IV. EIVSDEM <i>allgemeine Geschichte der Gifte 1ster Theil</i>	427
V. EIVSDEM <i>allgemeine Geschichte der Pflan- zengifte</i>	435
VI. EIVSDEM <i>allgemeine Geschichte der mine- ralischen Gifte</i>	443
VII. BERGMANN <i>diff. de arsenico</i>	446
VIII. MARX <i>von den Kräften der Eichen</i>	450
IX. SPIELMANN <i>syllabus medicamentorum</i>	451
X. NICOLAI <i>Pathologie 4ter Band</i>	452
XI. METZGER <i>Aduersaria medica</i>	455
XII. SANDIFORT <i>obseruationes anatomico pathologicae</i>	462
XIII. WHITERS <i>obs. on the abuse of Mede- cine</i>	471
XIV. <i>Journal de médecine chirurgie cet. Par ROUX Tom. XLI et XLII.</i>	476
XV. FORSKÅL <i>descriptiones animalium cet.</i>	503
XVI. EIVSDEM <i>Flora Aegyptiaco Arabica ib.</i>	
	XVII.

XVII. EIVSDEM icones rerum naturalium	503
XVIII. Acta Heluetica Vol. VIII.	537
XIX. VOLTELEN historia septennis apositiae	547
XX. SEVERIVS de viribus quassiae	551
XXI. Noua physico medica	555
XXII. Continuatio indicis physico medico- rum scriptorum, quae anno 1774 pro- dierunt.	563

